CBETA電子佛典集成

CBETA Chinese Electronic Tripitaka Collection ebook

T11n0320

父子合集經

宋日稱等譯

目次

- 編輯說明
- 童節目次
 - 。1_淨飯王始發信心品
 - 。2 王詣佛所品
 - 。 3 淨飯王致禮如來品
 - 。4. 阿修羅王授記品
 - 。 5 如來本行品

 - 。 7. 龍女授記品
 - ∘ 8 龍王授記品
 - 。9. <u>鳩盤茶王授記品</u>
 - 。10 乾闥婆王授記品
 - □11 藥叉王授記品
 - 12 緊那羅王授記品
 - 13 寶瓔珞天授記品
 - 。 14 四大天王授記品
 - 。15 三十三天授記品
 - · <u>16 焰摩天授記品</u>
 - 。 17 賭史多天授記品
 - 18 樂變化天授記品
 - 。19. 他化自在天授記品
 - 20 大梵王天授記品
 - 。21 光音天授記品
 - 22 <u>編淨天授記品</u>
 - 。23 廣果天授記品
 - **1**,
 - **2**
 - 24 淨居天子說傷讚佛品
 - **1**.
 - **2**
 - 。25 外道婆羅門授記品
 - · 26 六界差別品
 - **1**,
 - **2**

- 3. 2<u>7_淨飯王信解品</u>
- 卷目次
 - 001
 - 002
 - 003
 - · 004
 - 005
 - 006
 - · <u>007</u>
 - 008
 - o <u>0.09</u>
 - 0,1,0
 - o <u>0,1,1</u>,
 - · <u>012</u>
 - 013
 - · 014
 - · 015
 - 0.1.6
 - · <u>017</u>
 - 018
 - · <u>019</u>
 - 020
- 贊助資訊

編輯說明

- 本電子書以「CBETA 電子佛典集成 Version 2022.Q4」為資料來源。
- 漢字呈現以 Uni code 3.0 為基礎,不在此範圍的字則採用組 字式表達。
- 梵文悉曇字及蘭札字均採用羅馬轉寫字,如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題,歡迎來函 service@cbeta..org 回報。
- <u>版權所有</u>,歡迎自由流通,但禁止營利使用。

No. 320 [No. 310(16)] 父子合集經卷第一

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

淨飯王始發信心品第一

如是我聞:

一時佛在舍衛國說法施化能事畢已,往迦毘羅國,去城不遠,住尼 拘律陀林中,與大比丘眾千二百五十人俱,皆阿羅漢,諸漏已盡, 無復煩惱,心善解脫,慧善解脫,如大龍王,所作已辦,棄諸重 擔,逮得己利,盡諸有結,心得自在,能到最上究竟彼岸。其名 曰:阿若憍陳如、摩訶迦攝、優婁頻羅迦攝、伽耶迦攝、那提迦 攝、舍利弗、大目乾連,眾所知識大阿羅漢等。復有種類差別捨邪 歸正外道、尼乾子、沙門、婆羅門,無數眾會皆悉來集,所謂調 伏、調伏眾,寂靜、寂靜眾,善超彼岸、善超彼岸眾,善住安隱、 善住安隱眾,出離煩惱、出離煩惱眾,能離罪惡、能離罪惡眾,洗 除罪垢、洗除罪垢眾,善超三有、善超三有眾,遠離五塵、遠離五 塵眾,離諸障礙、離諸障礙眾,清淨意樂、清淨意樂眾,具足諸 根、具足諸根眾,違順解脫、違順解脫眾,善護自身、善護自身 眾,具諸正念、具諸正念眾,具四神足、具四神足眾,樂說明記、 樂說明記眾,明了緣諦、明了緣諦眾,善寂諸根、善寂諸根眾,決 定信解、決定信解眾,樂求義利、樂求義利眾,觀察無我、觀察無 我眾,離諸分別、離諸分別眾,斷除疑惑、斷除疑惑眾,身行輕 安、身行輕安眾,自在愛樂、自在愛樂眾,心善解脫、心善解脫 眾, 慧善解脫、慧善解脫眾, 住聖種族、住聖種族眾; 如是眾會身 意泰然, 樂得善利, 各與徒屬來詣佛所, 猶如廣大鉢羅奢樹枝葉繁 茂生長圓滿,清淨而住。

爾時世尊,於初夜分露地而坐,寂然無聲,一切大眾恭敬圍繞。於是如來觀察時會諸比丘眾,而問之曰:「何人堪往化淨飯王,勸導發心生淨信解?」

時尊者憍陳如即從座起,偏袒右肩,右膝著地,合掌作禮,白言: 「世尊!我當願往。」

佛言:「憍陳如!汝居聲聞最為上首,先解諦義,有大名稱,一切 眾生尊奉如師。且止是說,不須汝往。」

是時會中四大迦攝及舍利弗、目乾連等,各伸禮敬,而作是言:「我能往化淨飯聖王。」佛皆不允,止之如初。

時大目乾連即作是念:「未知如來今遣何人詣父王所?」遂入定 觀,乃覩如來心光遠矚彼優陀夷,猶如杲日穿其樓閣,從於東牖直 注西垣。時目乾連從定起已,往詣尊者優陀夷所,而語之曰:「世 尊召子,往化父王。故相報爾。」

優陀夷曰:「果蒙教勅,固當從命。」

目乾連曰:「尊者所往,此極難事,宜自審悉無貽後悔。所以者何?彼為灌頂剎帝利王,威德尊嚴,性無敢犯,孰能導達?何由召對?況復教化,發生信心?今取諸譬,子當可悉。如以百夫於累歲中,擔負乾薪,積成大聚,縱火焚之,其焰猛熾,復以酥油而沃其上;頗有人能於此廣大火聚中行,不為所害。又如有人欲於最勝龍象口中而取其牙,當知是人必遭所損。今欲往化淨飯聖王,此極為難,亦復如是。我今粗陳少分譬喻,臨事籌量,好自安意。」於是世尊乃召尊者優陀夷至,而語之曰:「於我聲聞弟子之中,汝為釋種,具足辯才善說法要,今可往化淨飯父王,以善方便開發道意。」

時優陀夷承佛指喻,唯然受教。白言:「世尊!我今當往,唯願大慈勿垂軫慮,設使父王或見致怒,遙冀慈光冥加救護。」

爾時世尊為優陀夷,而說偈言:

「賢哉優陀夷! 今當聽我說。

汝具智辯才, 眾中為上首,

釋種淨飯王, 見必生忻悅,

是故汝應往, 速勸令發心。

若能化父王, 發生清淨意,

諸天及世人, 咸增長善利。

安閑不修善, 如沮岸將墜,

當於現生中, 除我慢疑惑;

富貴剎那頃, 增放逸染著,

如羇旅無財, 所思唯有苦。

處最勝宮殿, 受殊妙欲樂,

佛教不了知,樂壞生悲惱。

具四種兵眾, 七寶諸眷屬,

隨意而自在, 樂壞生悲惱。

有夜叉鬼神, 噉眾生精氣,

令人染眾病,於身何不護?

積聚諸珍寶, 如計羅娑山,

染慧所纏縛, 不能自觀察。

由染慧覆心, 善法無所了,

如人處夢中, 何能有知覺?

凡夫失明慧, 決定獲憂怖, 猶如涉遠道, 而喪其伴侶。 是故優陀夷, 當以善方便, 勸王立信幢, 摧我慢高舉。 餘人非善巧, 獎助令發心, 汝具妙辯才, 能示三有苦。 我念過去劫, 有王出於世, 號日直實聚。 名稱遍十方, 以善法治世, 境極海邊際, 俱胝那臾多, 臣民咸歸奉。 諸聚落城邑, 多種種花果, 無瓦礫荊棘, 地唯牛軟草, 流泉及林木, 處處皆圍繞, 百千乾闥婆, 互奏諸音樂。 民物咸豐樂, 賢聖集其中, 多諸比丘眾, 依止持淨戒。 大仙大智者, 復有諸外道, 捨所修苦行, 其數有百千, 咸生真實見, 信樂佛正法, 怖彼三惡道, 願得牛天果。 彼王有太子, 名曰堅固慧, 久植諸德本。 值過去諸佛, 人民皆親折, 俱胝那由他, 觀五欲過患, 心常生厭離。 親王所居處, 如彼天宮殿, 受欲樂無極。 后妃競圍繞, 是時堅固慧, 即啟白父王: 誓求無上道, 『我今誠實心, 於采女眷屬, 都不生忻樂。 少年著欲者, 樂壞苦即至, 如往古大儒, 栖止於山谷, 五欲非究竟, 寂靜即為樂。』 『勿作如是說, 王語堅固慧: 若不受欲樂, 何名為我子? 有國之富貴, 如彼多聞天, 諸宮殿樓閣, 眾寶而莊嚴。 百千眾妓樂, 周匝常圍繞, 具最上色相, 類天女無異,

面貌皆圓滿, 脣丹齒齊密, 目比青蓮葉, 額廣復平下, 膚潔循珂雪, 形儀悉端直, 作眾妙歌舞, 而共相娛樂。 年少色鮮白, 如彼枝上華, 汝當住於此, 勿棄於榮貴。 我今誠謂汝, 非毀亦非譽, 王位極尊勝。』 太子善了知, 我聞是說已, 決志求出難, 不著如夢寐。 於彼五欲境, 復白於父王: 『自念從無始, 為欲之所溺, 娱情不知愧, 猶如彼盲夫, 艱辛趣險道, 自捨平坦處, 憑誰為歸救? 於欲不了知, 何由脫苦縛? 當離於險道, 此小非顛倒, 若能遠諸欲, 安隱除禍患。 當知著欲者, 如盲無所見, 欲境如瀑流, 傾注難防護。 世有明智人, 當牛於厭怖, 欲為眾苦因, 損害逾蛇螫, 刀杖與毒藥, 熾火然相似。』 堅固慧王子, 含悲白父王: 『我志在山林, 離欲求解脫。 是身深可厭, 老病苦縈縛, 不顧王寶位, 願允聽出家。』 是時王族中, 童子名月施, 見太子出家, 亦隨修梵行。 太子出家已, 具勇猛精推, 善修四無量。 獲得五神通, 人中釋師子, 說法無所畏, 教化諸眾生, 皆令入佛道。 以善巧方便, 彼月施童子, 勸王發道意。 示五欲過患, 優陀夷當知, 往昔堅固慧, 於汝意云何? 今則我身是。 樂修直實行, 其月施童子, 同居釋種中, 今則汝身是。

是故優陀夷, 汝今應當往, 勸父王發心, 增長諸善利。

爾時尊者優陀夷,聞佛世尊說是偈已,欽承慈旨,作禮而退。於晨朝時執持應器,往迦毘羅城詣王宮門,見有百千釋種皇族共集一處,時彼眾中有一釋種,名曰月面,與優陀夷舊為知識,遙見尊者往相慰問:「何緣至此?」

優陀夷曰:「今從世尊所住之處尼拘律陀林中,匍匐而來,奉佛慈旨,遣令教化淨飯父王開發淨信。」

彼聞說已,而作是言:「昔者太子若不捨家,決定當作轉輪聖王,十善治化王四天下,當有七寶自然出現,所謂輪寶、象寶、馬寶、珠寶、女寶、兵寶、主藏神寶;復有千子之所圍繞,一切人民恭敬尊重。今既出家志樂空寂,則失如是廣大富貴,今所集會正議此耳。」

所言未竟,時淨飯王即召釋種群列于庭,而語之曰:「卿等當知, 悉達太子棄捨國位上妙快樂,樂居林野,一何錯謬。而今而後,汝 等不應往詣彼所供養恭敬。若有違者,必當捶罰。」

時有釋種名曰善悟,聰慧明達,多諸善巧。出至宮門見優陀夷,方 便附近,漸至屏處,始敢伸問:「世尊導師起居輕利安隱快樂,四 大調和,少病少惱,化度眾生無疲勞耶?」

復有釋種名曰無憂,復有釋種名曰離憂,詣尊者所問訊世尊,一如 前說:「我等咸欲詣世尊所,適奉王旨,諸釋種等不得於佛親近供 養。若有違越,必行捶罰。為懼嚴勅,無敢往者。」

時優陀夷聞已太息,淨飯父王何意如是?如來慧日出現世間,於諸 眾生多所饒益,一切人民、四大天王、帝釋天主、梵天王等,競伸 供養,曾無虛日,我當求見彼淨飯王具陳上事。乃入定觀,知彼父 王信根成熟決定可化。

時尊者優陀夷具諸威儀,結跏趺坐,涌在虛空,高七多羅樹,即現 種種神通變化。時淨飯王遙見尊者乘空而來,心生<mark>歡</mark>喜,合掌瞻 仰。說伽陀曰:

「希有成就殊勝行, 現諸神變具威儀, 乘空至此有何緣? 唯願聖者速當說。」

爾時尊者優陀夷,以偈答曰:

「我是聖王子之子, 依止如來法中住, 願王速發淨信心, 於勝福田興供養。 太子棄國成佛道, 具勝吉祥大名稱,

身光常照於世間, 智光能破諸癡暗。 猶如赫日除雲翳, 空中普放大光明, 龍子智光亦復然, 於三有中常照耀。 又如皎月舒盛光, **掉蔽游空諸宿曜**, 龍子智光亦復然, 能伏一切諸外道。 又如師子吼巖谷, 眾獸聞已悉奔寵, 摧諸異論令開解。 龍子宣暢妙法音, 苦行外仙邪妄智, 不能入解無我理, 由無勝慧迷直諦。 流轉輪迴三界中, 盲無慧眼難出離, 一切世間諸有情, 如來開發智光明, 為破無始無明賢。 善惡二涂極明顯, 一為平坦一險阳, 如來善為指其迷, 沒淤泥者能救拔。 譬若雲能含眾水, 普滋大地無高下, 增長人天諸善種。 佛施法雨亦復然, 雨能充洽諸山林, 藥草根莖及枝葉, 眾妙花蘤悉開敷, 周遍莊嚴於大地。 亦如龍子雨法雨, 滋榮佛法功德樹, 十力無畏不共法, 成熟菩提智花果。 海中眾寶彌盧山, 煥赫巋然而不動, 最勝光明無與等。 佛處聲聞大會中, 廣興供養妙莊嚴, 三十三天帝釋主, 諸天見者咸開悟。 龍子巍巍大沙門, 欲入佛法解脫海, 成就智慧法寶藏, 當以戒定為船筏, 能至念處摩尼聚。 或住陂池或巖窟, 太子昔修諸苦行, 或依姠絕曠野中, 善達空無相無作。 牟尼大仙師子吼, 指誘群洲牛譽悟, 難化能化使柔順。 如是善巧方便力, 佛為最上調御師, 能施眾生諸法寶, 寂靜妙樂奢摩他, 戒定功德堅固藏。 若能依教修諸行, 除惑滅罪令清淨, 是故天人阿修羅, 常樂聞持佛正法。」

於是淨飯王,為尊者優陀夷而說偈言:

「我子捨家無少樂, 或乏飲食或臥具, 猶如鮮潔青蓮華, 置之陸地當枯悴。」

尊者優陀夷,以偈答曰:

「如來遊戲諸神通, 常飡禪悅無飢渴, 由住寂靜妙等持, 若金蓮華體堅實。」

時淨飯王,復說偈言:

「太子昔在皇宮日, 百千采女常圍繞, 睡寤常聞歌吹聲; 棲止山林有何樂?」

尊者優陀夷,以偈答曰:

「佛住解脫勝境界, 深心依止諸禪定, 行住坐臥威儀中, 常生喜樂曾無苦。」

時淨飯王,復說偈言:

「太子昔在皇宮日, 眾妙茵褥敷臥具, 百千燈炬常照明, 向夕未嘗知有暗。」

尊者優陀夷,以偈答曰:

「牟尼廣修殊勝行, 以四無量為茵褥, 心常利樂諸有情, 於中庸境無癡鈍。」

時淨飯王,復說偈言:

「昔時太子居深殿, 遊戲受用諸快樂, 左右侍衛善承迎; 獨止山林何所得?」

尊者優陀夷,以偈答曰:

「如來所止悉清勝, 樂居寂靜阿蘭若, 平等觀視於世間, 常得天龍常恭敬。」

時淨飯王,復說偈言:

「昔日太子處王宮, 沐浴嬪嬙競承事, 上妙塗香以瑩身; 棲止山林何所得?」

尊者優陀夷,以偈答曰:

「牟尼持戒為浴池, 永滌諸惡淨無垢, 能令自他悉清淨, 離眾塵穢登彼岸。」

時淨飯王,復說偈言:

「太子所著殊妙衣, 金縷貫飾珠瓔珞, 旃檀和合妙塗香; 棲止山林何所得?」

尊者優陀夷,以偈答曰:

「牟尼以慚為上服, 菩提分法如珠鬘, 護戒清涼若塗香, 以用莊嚴功德體。」

時淨飯王,復說偈曰:

「太子所住常嚴警, 百千勇士持戈胄, 繖蓋迎空蔽日光; 獨向山林誰守護?」

尊者優陀夷,以偈答曰:

「牟尼具足十智力, 於諸怖畏心不動, 慈悲普蔭諸群生, 沙門法子常圍遶。」

時淨飯王復說偈言:

「善哉善說佛功德, 不久當往聞法要。 願今先受我供養, 復持香飯奉如來。」

父子合集經卷第一

父子合集經卷第二

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

淨飯王始發信心品第一之餘

時尊者優陀夷知淨飯王心生感悟,說偈讚已,白言:「大王!今佛世尊出興于世為大法王,具足成就諸善功德,於彼沙門大眾之中, 猶如滿月眾星圍繞,世尊光明復過于彼。大王!如來出世如秋空日,無雲覆蔽其光特盛。佛於沙門大眾之中,光明照耀復過於彼。 又如海中有光明山,其光赫奕出於眾山。佛處沙門大眾之中,光明照耀復過于彼。又如帝釋處善法堂,天眾圍繞,身光熾盛異諸天子。佛於沙門大眾之中,光明照耀復過于彼。又如大梵天王,百千俱胝梵眾圍繞,一切身光無與等者。佛於沙門大眾之中,光明照耀復過于彼。」

時淨飯王聞說世尊如是最勝光明威神,復自憶念:「往昔太子初降生時,地六震動,所謂動、遍動、極遍動、起、遍起、極遍起、涌、遍涌、極遍涌、震、遍震、極遍震、擊、遍擊、極遍擊、吼、遍吼、極遍吼,光照天地,無與等者,即行七步不假扶掖。是時空中澍二種水:一者、溫煖,二者、清冷,用為灌浴太子之身。地中自然涌出寶座,殊妙繖蓋,懸處虛空,有諸天子恭敬尊重,手執白拂,侍立左右。乃至菩薩長年捨家厭五欲樂,常住正念,說誠實語,令諸有情不相損害。所作決定勇猛堅固,願成無上正等菩提,未得度者皆令得度,漸次至於究竟彼岸。」於是淨飯王為優陀夷,而說偈言:

「若人初生時, 言說唯決定, 彼具寂靜慧, 智者何不信? 太子初生時, 世間無與等, 為世所尊重, 智者何不信? 乃至於夢中, 曾無虚妄說, 如說而修行, 智者何不信? 於境不生會, 不為 貪所縛, 不顧金寶聚, 智者何不信? 瞋如利刀劍, 忿怒令他怖, 善離彼過失, 智者何不信? 勝慧常相應, 驚怖不能動, 由離 扇光, 智者何不信?

受用五欲樂, 不為彼纏縛, 智者何不信? 勝慧善決擇, 百千種幻術, 無少分直實, 善人非所樂, 智者何不信? 無數巧妙言, 畢竟為戲論, 於縛不能脫, 智者何不信? 相應諸義利, 若愛樂法樂, 彼言何不信? 決定能離縛, 離垢方便力, 人孰能防禦, 渝城出釋宮, 彼言何不信? 棄捨五欲樂, 棲山若麋鹿, 志樂求菩提, 彼言何不信? 六年修苦行, 為度諸眾生, 求最上菩提, 彼言何不信? 六年食麻麥, 不思諸美膳, 彼言何不信? 求最上菩提, 六年處谷山, 眾魔來伺隙, 不能見少過, 彼言何不信? 何人不求利, 獨無少希望, 善離 貪禍患, 彼言何不信? 無上正等覺, 若他未曾聞, 彼言何不信? 難信復難解, 或世尊自說, 若梵天請轉, 如是微妙法, 彼言何不信? 燃 口 釋 種 故 , 示牛於王宮, 皆令脫苦縛, 彼言何不信? 未登彼岸者, 教詔令得度, 常發如是願, 彼言何不信? 世尊於往昔, 嘗如是勸化, 當知今亦然, 彼言何不信? 是故我今者, 求見法中王, 如是諦觀察, 得身心清淨。」

時淨飯王說是偈已,復更思惟,謂尊者曰:「是身何久,乃發道 意?」

時優陀夷為淨飯王而說偈言:

「大王今作人中主, 應當修習諸義利,

如來稱讚發心因, 常得生於尊勝處。 往詣牟尼大仙所, 若能發生清淨意, 增長人天諸善種。 所獲功德難可量, 大悲愍念諸群萌, 如來昔為王太子, 廣行平等無量心, 循若蓮華不著水。 一切有情沒瀑流, 佛能救拔令出離, 王發淨心善調伏。 是名無上兩足尊; 善拔眾生疑惑箭, 佛智最上最第一, 永離眾苦得安樂; 王發淨心善調伏。 降伏四種魔軍眾, 太子永斷三有縛, 得成無上大菩提; 王發淨心善調伏。 開示解脫甘露法, 帝釋人王咸離請, 利樂三界諸有情; 王發淨心善調伏。 攝化一切諸外道, 能轉最勝妙法輪, 其數俱胝那臾多; 王發淨心善調伏。 如來慧眼極清淨, 眾生無明之所覆, 說法能除彼癡暗; 王發淨心善調伏。 如來說法除憂怖, 眾牛老死所逼迫, 方便令登常樂門; 王發淨心善調伏。 如來出現於世間, 如空四澍大雲雨, 能滅熾然三毒火; 王發淨心善調伏。 銷滅眾牛三世罪, 牟尼十力智光明, 畢竟遠離諸渦咎; 王發淨心善調伏。 如來常以大悲心, 愛念眾生如赤子, 皆令離苦得解脫; 王發淨心善調伏。 難化剛強諸眾生, 如來方便能攝受, 令除掉舉與憍慢; 王發淨心善調伏。 諸天著樂亦復然, 眾生沒於貪欲海, 佛垂十力能拯接; 王發淨心善調伏。 無量功德所莊嚴, 如來大悲無與等, 能救眾生長夜苦; 王發淨心善調伏。 如來大悲方便力, 若摩尼珠能榮水, 善除鬪諍垢濁因; 王發淨心善調伏。 眾生見已咸歡喜, 如摩尼寶本性淨, 王發淨心善調伏。 牟尼永離煩惱因; 人天多受別離苦, 佛令獲得寂靜樂, 出離輪迴牛死因; 王發淨心善調伏。 我今略說一少分, 牟尼成就功德海,

譬如虚空無有邊; 王發淨心善調伏。」

時淨飯王聞偈讚已,即自憶念:「向者菩薩未出家時,我曾親見作勝事業,正念相應發決定願:『我當捨家誓成佛道,度諸眾生令至彼岸。』」乃謂尊者優陀夷曰:「汝今即是如來之子,自食訖已,別齎供養,然後我當詣世尊所。」

時優陀夷生大歡喜,即持香飯奉上如來。佛受供已,召諸比丘,而 告之曰:「彼優陀夷,我遣往化淨飯父王,今已信解。」

佛即讚彼優陀夷言:「善哉!善哉!汝今獲得無量福蘊,令諸世間 諸天及人,聞是事已,增長善根。」

有諸比丘白言:「世尊!彼優陀夷得幾所福?」

佛言:「假使十方殑伽河中所有沙數,無量無邊不可稱量,是優陀 夷所得福報,與彼沙數正等無異。」

於是世尊食已收鉢,安住威儀,加趺而坐,入定觀察,父王將至。即召北方多聞天王,與其眷屬百千俱胝那臾多大藥叉將,於自宮出從空而來,屈伸臂頃,到於佛所,合掌作禮,供養世尊及比丘眾,住立一面。

復次,東方持國天王,與其眷屬百千俱胝那臾多乾闥婆眾,從空而來,到於佛所,合掌作禮供養世尊及比丘眾,住立一面。

復次,南方增長天王,與其眷屬百千俱胝那與多矩畔拏眾,從空而來,到於佛所,合掌作禮供養世尊及比丘眾,住立一面。

復次,西方廣目天王,與其眷屬百千俱胝那與多諸大龍眾,從空而來,到於佛所,合掌作禮供養世尊及比丘眾,住立一面。

復次,帝釋天主與三十三天無數天子,來至佛所作禮供養。如是, 焰摩天、覩史多天、樂變化天、他化自在天、大梵王天、光音天、 廣果天、淨居天,此諸天子各與百千俱胝那臾多天子眷屬,來詣佛 所頭面作禮,供養恭敬及比丘僧,住立一面。

復次,毘摩質多羅阿修羅王,與六十那與多眷屬,著新淨衣次第裝束,從空而來到於佛所,頭面作禮供養世尊及比丘眾,在一面住。 復次,迦婁羅王與其眷屬八萬六千眷屬俱,從空而來,到於佛所, 合掌作禮供養世尊及比丘眾,住立一面。

復有外道大仙婆羅門等八十俱胝,從於諸方來詣佛所親近供養,譬若滿月麗於空中,威德光明隱蔽宿曜。

時彼眾中天龍鬼神、摩睺羅伽等,一心同聲,以偈讚曰:

「佛具智光明, 最勝無倫匹, 降伏阿修羅, 滅三毒癡暗。 佛面猶滿月, 眾相悉莊嚴,

具最上辯才, 能破諸異論。 百福妙嚴身, 天人無與等, 開導諸聲閏, 如蓮出濁水。 如帝釋天主, 天子常圍繞, 威德勝諸天, 身光亦復爾。 如來二足尊, 法子常圍繞, 今眾生開悟。 善說諸法要, 如焰摩天主, 眷屬常圍繞, 安坐大眾中, 諸天咸尊重。 佛身無邊光, 照險難惡道, 墮落諸眾生, 蒙光皆離苦。 天眾常圍繞, 親史多天主, 由普福報故, 身光獨為勝。 天與阿修羅, 及餘龍神眾, 釋師子光明, 清淨超於彼。 樂變化天主, 皆來至佛所, 為佛光所蔽, 今知先福業。 如是佛光明, 最上無能比, 能化未調伏, 令牛淨信解。 他化自在主, 天眾常圍繞, 由宿善業故, 身光獨為勝。 如來十力尊, 正行皆圓滿, 於諸天人中, 光明極熾盛。 色界大梵王, 身光超梵眾, 八種妙音聲, 諸天無與等。 八部常恭敬, 如來大法王, 演四諦法音, 光照三千界。 諸天龍神等, 咸來至佛所, 希聞梵音聲, 願佛開未悟。 大海深可量, 虚空可知際, 須彌尚 可稱, 佛功德無極。」

父子合集經王詣佛所品第二

時淨飯王前已謂尊者優陀夷言:「不久我當躬詣佛所,諒惟世尊, 他心先鑒。即召釋種擇吉祥日,於日天子初出之時,我當嚴駕決定 往矣。」時諸釋種聞王教勅咸生忻慶,各作是言:「善哉!大王!願當侍從。」

時淨梵王勅令排備象馬車乘寶飾輦輿,以淨黃十遍覆道路,駕青色 車青寶裝鉸,於其車上懸青繖蓋,寶網交絡,寶鈴和鳴,奏妙音 樂,作眾歌舞;有百勇士擐青甲胄,著青革屣,周匝圍繞;無數翊 從服青色衣,各各執持青色幢幡,及青色拂,復以眾寶而飾其柄, 種種莊嚴, 青色鮮潔, 次第行列, 安徐前進。駕黃色車, 黃金裝 鉸,於其車上張黃繖蓋,寶網交絡,寶鈴和鳴,奏妙音樂,作眾歌 舞;有百勇士擐黄甲胄,著黄革屣,周匝圍繞;無數翊從服黃色 衣,各各執持黃色幢幡及黃色拂,復以眾寶而飾其柄,種種莊嚴, 黄色鮮潔,次第行列,安徐前進。駕紅色車紅寶裝鉸,於其車上張 紅繖蓋,寶網交絡,寶鈴和鳴,奏妙音樂,作眾歌舞;有百勇士擐 紅甲胄,著紅革屣,周匝圍繞;無數翊從服紅色衣,各各執持紅色 幢幡及紅色拂,復以眾寶而飾其柄,種種莊嚴,紅色鮮潔,次第行 列,安徐前進。駕白色車白銀裝鉸,於其車上張白繖蓋,寶網交 絡,寶鈴和鳴,奏妙音樂,作眾歌舞;有百勇士擐白甲胄,著白革 屦,周匝圍繞;無數翊從服白色衣,各各執持白色幢幡及白色拂, 復以眾寶而飾其柄,種種莊嚴白色鮮潔,次第行列安徐前進。駕彩 畫車眾寶裝鉸,於其車上張彩畫蓋,寶網交絡,寶鈴和鳴,奏妙音 樂,作眾歌舞;有百勇士擐彩書甲,著彩書履,周匝圍繞;無數翊 從服彩畫衣,各各執持彩畫幢幡及雜色拂,復以眾寶而飾其柄,種 種莊嚴,雜色鮮潔,次第行列,安徐前進。於眾車後有八萬象,一 一象上皆有七寶所成樓閣,金幢間列,甚可愛樂。復於象後有八萬 馬,亦以金寶而鉸飾之。時淨飯王乘最勝象,從自宮中出迦毘羅 城, 詣尼拘律陀林, 諸釋種等肅恭隨從。

是時世尊,遙見父王將諸臣佐、釋種眷屬、城中人民漸次來至,召諸比丘出林觀矚。比丘見已深生隨喜,歎未曾有,初覩咸謂三十三天帝釋天主而來至此。王所行路淨治平坦,散五色華,燒眾名香,於虛空中懸眾繒鬘,種種伎藝諸妙音樂行列道側,一時俱作,王意熙怡前詣佛所。

父子合集經卷第二

父子合集經卷第三

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

淨飯王致禮如來品第三

爾時淨飯王,將諸釋種前後圍繞,詣尼拘律陀園中,到已即下寶飾車乘,與諸臣從徒步而進。世尊知已,欲化父王捨除憍慢,發生淨信,即陞空中現神變相,遊行往來自在無礙。

時娑婆世界主大梵天王在如來左,帝釋天主居如來右,焰摩天王、 都史多天王、樂變化天王、他化自在天王,各各執持種種寶蓋,隨 從如來乘空而行。多聞天王、持國天王,合掌作禮住立東面。增長 天王、廣目天王,頭頂致敬住立西面。復有六欲諸天眷屬,雨諸天 花,優鉢羅花、拘沒那花、奔拏利迦花、曼陀羅花,及雨上妙細末 旃檀、沈水香等,諸天伎樂眾妙歌舞,於虛空中一時俱作。

爾時世尊,以神通力化作無數七寶樓閣,微妙莊嚴,光明赫奕,令彼時會若天若人互相往來各得相見。是時眾會心大歡喜,從昔已來未曾有也。

時淨飯王覩斯瑞相生希有心,即作是說:「如來昔日為太子時,不 以四天下轉輪王位富貴自在心生顧戀,今於三千大千世界為大法 王,具足聖財神通自在,常得諸天恭敬圍繞,勝過於彼,不可比 喻。我今唯有釋種眷屬及諸人民,而為侍從。」作是說已,喜悅無 量生清淨心,偏袒右肩,右膝著地,合掌恭敬,瞻仰如來,頭面致 禮,復作是言:「世尊初生無人扶侍,即行七步,觀視十方:『我 於世間,最尊最勝,更無過上,越老病死,盡苦邊際。』我於爾時 見是事已,心生歡喜,曾伸禮敬。又復世尊為太子時,往田野中觀 於農作,憩閻浮樹蔭涼之下,日雖西昃,其影不移。是時復有六欲 天子,合掌恭敬,侍立其側。我於爾時亦伸禮敬,今覩世尊現是瑞 相,乃為第三向佛作禮。」

時淨飯王欲重宣此義,而說偈言:

「福智無比兩足尊, 初生即行於七步, 唱言世間獨為勝, 我於彼時曾致禮。 又觀農作憩陰涼, 日昃其影不移動, 六欲諸天侍其側, 我於彼時伸禮敬。 今佛現此神變相, 愍念於我及眾生, 世間無有如佛者, 此乃第三頭面禮。 昔日我為立其名, 號曰一切義成就, 已得佛果遂夙心, 喜悅猶如飲甘露。」

時六欲天子知淨飯王一心渴仰欲覩如來,先於尼俱律陀園中,為佛 世尊敷師子座,其座高勝諸珍嚴瑩,即以天中憍奢闍衣上妙白氎鋪 設其上;又彼林中自然化出眾妙衣服,周匝莊嚴處處垂下。設座畢 已,迎請世尊安坐其上。「我自捨家至于成佛,乃與父王初得相 見。」作是念已從空中下。時淨飯王獲奉如來,心大歡喜得未曾 有,瞻仰粹容目不暫捨,尊重讚歎問訊慰勞。佛於座上結加趺坐, 王與釋種退坐一面。

是時復有色界諸天皆來佛會,所謂梵眾天、梵輔天、大梵王天、少光天、無量光天、極光淨天、遍淨天、無量淨天、無雲天、福生天、廣果天、無煩天、無熱天、善現天、善見天、色究竟天等,覩佛世尊為化父王現斯瑞相,咸皆歡喜共相慶慰,各持天中曼陀羅花、摩訶曼陀羅花而散佛上,又復以諸上妙天衣懸於空中而為供養,復以種種嚴身之具,寶冠耳璫,指環臂釧,珠珮瓔珞,珍琦束帶,或以黃金為鬘眾寶間飾,眾寶為鬘黃金間飾,如是寶鬘貫以金線,巧妙光麗,奉上如來。又以種種上妙寶蓋寶幢寶幡,行列供養。

時諸天子作供養已,頭面作禮住虛空中,散諸香水如微細雨,各各 合掌,以偈讚佛:

「歸依最勝大丈夫, 善能攝化群生者, 具大福智及名聞, 一切世間無與等。 歸依最勝大丈夫, 勝慧深廣難思議, 大悲憐愍諸有情, 為說四諦直實法。 歸依最勝大丈夫, 永離貪恚愚癡垢, 巍巍相好遍荓嚴, 猶若金山顯大海。 歸依最勝大丈夫, 能摧異論無怯弱, 咸令捨除迷妄情, 具修正見清淨行。 我等自惟宿福慶, 得值能仁出世間, 迥向自他得作佛。」 以此供養少善根,

父子合集經阿修羅王授記品第四

爾時世尊為化父王現神變已,時彼會中有諸阿修羅王,矚是瑞相,心各踊悅,復見色界諸天子等廣大供養,深生隨喜。時有上首尾摩

唧怛囉阿修羅王而作是言:「我今於佛最初供養。」以神通力於彼 園中,即時化作六十那庾多眾寶網幔,雜色間飾彌覆空中。寶幔之 下復現六十那庾多寶莊嚴地,寶地之上復現六十那庾多殊妙樓閣, 一一樓閣寶為其門,黃金樓閣以銀為門,琉璃為牖,硨磲為柱,玻 璨為栱,碼碯為地,真珠等寶間飾莊嚴,白銀樓閣以金為門,琉璃 為牖,珊瑚為柱,硨磲為拱,玻瓈為地,直珠等寶間飾莊嚴;乃至 碼碯樓閣玻瓈為門。如是七寶所成樓閣戶牖柱栱次第莊嚴,一一門 中各現眾寶師子之座。於座左右皆有修羅童子童女,手執白拂或持 寶扇侍立其側。——座上有眾寶蓋,於前復現眾色寶幢,於黃金門 現出青幢,黃色為頂黃金為幹,於白銀門現出黃幢,青色為頂赤寶 為幹,於琉璃門現出紅幢,赤色為頂黃金為幹,於眾寶門現彩畫 幢, 眾色為頂白銀為幹, 如上所現眾寶網幔、寶地樓閣、寶幢幡蓋 迴轉空中,繞佛三匝行列而住。如三十三天伊羅鉢那大龍象王,徐 行旋繞帝釋天主,亦復如此。又復降雨天諸妙花,所謂曼陀羅花、 摩訶曼陀羅花,曼殊沙花、摩訶曼殊沙花,波嚕沙迦花、摩訶波嚕 沙迦花, 迦哩迦囉嚩花、摩訶迦哩迦囉嚩花, 鉢吒羅花、摩訶鉢吒 羅花,唧怛囉鉢吒羅花、摩訶唧怛囉鉢吒羅花,又雨七寶所成之 花:黃金花、白銀花、硨磲花、碼碯花、吠琉璃花、玻胝迦花、真 珠花等。復雨珍琦玩好之具,時會所樂皆得如意。又復降雨眾妙香 水、塗香、末香、沈水香等。時迦毘羅城所積之花,舉高七尺廣六 由旬,與其香水合和成泥。佛神力故,其香普薰遍滿三千大千世 界,其中眾生若天若人聞是香已,皆發阿耨多羅三藐三菩提心,得 不視轉。

彼阿修羅王作供養已,乘七寶車,繞佛三匝,合掌向佛,以偈讚 曰:

「最勝無動尊, 圓成菩提果, 能化諸有情, 出離於三界。 我以清淨心, 現前伸供養, 願得如世尊, 永脫輪迴苦。 牟尼大聖主, 離染除諸惑, 救拔超彼岸, 堪為天人師, 調伏諸眾生, 善宣微妙法, 度老死苦厄, 故我稱讚禮。」

時尾摩唧怛囉阿修羅王偈讚佛已,「我今供養心猶未足。」復以海中所有一切無價珍寶,奉上如來。以神通力化作六十那庾多微妙寶車,一一寶車以調順馬而駕御之,皆以金寶裝校嚴飾,一一車上有

妙隱蓋,懸眾寶鈴,出聲和雅,其上各有阿修羅女,色相具足獻妙歌舞,作諸伎樂,其聲嘹喨,聞者無厭。佛神力故,令此樂音遍徹三千大千世界;其中有情聞是聲已,身意泰然,離諸染著,皆於阿耨多羅三藐三菩提心不退轉。

時阿修羅王作供養已,與其眷屬,心大歡喜,合掌向佛,重說偈 言:

「願我常親近, 牟尼大導師, 設最上供養, 得盡諸苦際。」

爾時會中復有阿修羅王名曰極喜,發清淨心,廣興供養,一一供養與尾摩唧怛囉阿修羅王等無有異。作供養已,乘七寶車繞佛三匝,合掌向佛,以偈讚曰:

「歸依無上十力尊, 具修無邊真實行, 決定了達一切法, 永斷諸惑得無畏。 歸依三界大導師, 解脫有愛諸結縛, 己超菩提勝彼岸, 復能拯拔沈溺者。 如來善說出離道, 眾生聞已咸信受, 皆令清淨滌諸染, 猶若蓮花不著水。 牟尼勝智善觀察, 了諸法空亦無相, 不著一切有為行, 譬如虛空無所依。」

爾時會中復有阿修羅王,名曰妙臂,發清淨心廣興供養,一一供養 與極喜阿修羅王等無有異。作供養已,乘七寶車,繞佛三匝,手捧 金栗散如來上,合掌向佛,以偈讚曰:

「稽首吉祥調御師, 天中世間無與等, 了知眾生性本空, 但有假想如陽焰, 無作無受無眾生, 無我無人無彼此, 無言無說自性空, 諸法本來常寂靜。 推求諸法不可得, 則於佛教善入解, 是人得名法王子, 隨順先佛之所行。 我今於佛伸供養, 調伏難化諸眾生, 以此稱讚少善根, 迴向自他皆作佛。」

爾時會中復有阿修羅王,名曰大力,發清淨心,廣興供養,一一供養與妙臂阿修羅王等無有異。作供養已,乘七寶車,繞佛三匝,以

諸寶花而散佛上,合掌向佛,以偈讚曰:

「稽首大法王, 慧眼照三有, 已渡牛死海, 到究竟彼岸。 教導諸有情, 除惑無怖畏, 越四種瀑流, 得至安隱處。 窮世間源底, 甚深微妙慧, 知眾生所欲, 深著顛倒想。 常以大悲心, 開示令覺悟, 破彼邪妄智, 具足直實見。 了達一切法, 無垢無所著, 如幻仆陽焰, 亦如水中月。 視眾生如子, 牟尼最勝尊, 皆今修正行, 不著於三世。 如來出世間, 了法皆虚假, 自性無所得, 他性悉皆空。 如世間愚夫, 夢中受欲樂, 畢竟不可得, 應當如理思。」

爾時會中復有阿修羅王,名曰羅睺,發清淨心,廣興供養,一一供 養與大力阿修羅王等無有異。作供養已,乘七寶車,繞佛三匝,復 以上妙唧怛囉鉢吒羅花而散佛上,合掌向佛,以偈讚曰:

「巍巍無上十, 身光極晃耀, 諸天及世人, 無有如佛者。 **猫若以芥子**, 比於彌盧山, 亦如牛跡水, 以況於溟渤。 世間無與等, 如來妙色相, 一一相端嚴, 觀者心無厭。 妙相難思議, 招媧—切色, 如日照世間, 餘光皆隱沒。 佛威德光明, 映蔽諸天眾, 如月現長空, 星光皆晦昧。 慧深如巨海, 身相若金山, 佛身智光明, 三界無倫匹。」

爾時會中復有阿修羅王,名曰淨戒,發清淨心,廣興供養,一一供養與羅睺阿修羅王等無有異。作供養已,乘七寶車繞佛三匝,復以

摩訶唧怛囉鉢吒羅花而散佛上,合掌向佛,以偈讚曰:

「牟尼具勝智光明, 能破貪恚愚癡暗, 成就最上奢摩他, 降注法兩沃群品。 如來金剛座道場, 熾然智炬照三有, 能爇眾生煩惱薪, 使無遺餘成灰燼。 無量百千俱胝劫, 積集任持妙法藏, 普施熱惱諸群迷, 聞者皆如飲甘露。 如來出現於世間, 能示眾生正法眼, 無明生死長夜中, 智慧摩尼能顯照。」

爾時會中復有阿修羅王,名喜鬪戰,發清淨心,廣興供養,一一供 養與淨戒阿修羅王等無有異。作供養已,乘七寶車,繞佛三匝,復 以上妙鉢吒羅花而散佛上,合掌向佛,以偈讚曰:

「歸依聖主釋師子, 於諸法中得無畏, 猶如勇將擐甲胄, 降伏他兵無怯弱。 能仁諸根常寂靜, 不為煩惱所動亂, 永盡三毒一切垢, 餘習展轉不復起。 如來六返觀眾生, 無愛無憎無分別, 安住無緣廣大慈, 於冤親境悉平等。 佛知眾生種種想, 各各開示袪諸妄, 皆令善住正思惟, 了心如幻無所著。」

爾時會中復有阿修羅王,名曰妙眼,發清淨心,廣興供養,一一供 養與喜鬪戰阿修羅王等無有異。作供養已,乘七寶車,繞佛三匝, 復以摩訶鉢吒羅花而散佛上,合掌向佛,以偈讚曰:

「大威德世尊, 了諸法實相, 所謂諸法者, 從 因緣故有, 無法無非法, 尋求不可得, 若有法可說, 此說唯假名。 本來常寂靜, 如是種種相, 牟尼之所說。 無名亦無相, 雖說而無說, 少分不可得, 說者既亦無, 聽者亦如是。 善達如是義, 不著一切法, 則能行大行, 是名真佛子。」 爾時會中復有阿修羅王,名越三世,發清淨心,廣興供養,一一供養與妙眼阿修羅王等無有異。作供養已,乘七寶車,繞佛三匝,復以殊妙真珠瓔珞奉施如來,合掌向佛,以偈讚曰:

「如來具足諸功德, 淨戒威儀悉圓滿, 三界無與佛齊等。 四種魔軍智伏除, 如來定力無能動, 非淺智者所能測, 行住坐臥定相應, 現諸利樂神捅事。 如來勝慧無過上, 於大眾中師子吼, 善說妙法破群疑, 攝化一切諸外道。 如來身色超三有, 種種相好遍莊嚴, 光明赫奕若金山, 廣修檀施所獲得。 1

爾時會中復有阿修羅王,名曰普耀,發清淨心,廣興供養,一一供 養與越三世阿修羅王等無有異。作供養已,乘七寶車,繞佛三匝, 復以眾妙珍寶散如來上,合掌向佛,以偈讚曰:

「我等捨離五欲樂, 來詣佛所伸供養, 各見如來對已前, 此不共德難思議。 或樂廣說或略說, 一音所演清淨法, 各隨意欲而解了, 此不共德難思議。 一音所演清淨法, 隨其趣類各得解, 如來善巧應其機, 此不共德難思議。 或今修習或調伏, 一音所演清淨法, 或有獲證諸果利, 此不共德難思議。」

爾時會中復有阿修羅王,名目真隣陀,發清淨心,廣興供養,一一供養與普耀阿修羅王等無有異。作供養已,乘七寶車,繞佛三匝,以赤真珠,而散佛上,合掌向佛,以偈讚曰:

「如來善化於父王, 捨除憍慢及邪見, 令發堅固淨信心, 此為最上無比子。 法無自性從緣生, 如夢受樂非實事, 應知彼樂隨想起, 是則名了諸法性。 譬如秋空起浮雲, 妄情執有非堅固, 依於牟尼教法中, 智者不應增我慢。 心善觀察不放逸, 則於世間無所著,

是名安住佛法中, 當證如幻三摩地。」

時諸阿修羅王作供養已,各各合掌,住立佛前,身意泰然,快得善利,皆發阿耨多羅三藐三菩提心。爾時,世尊知諸阿修羅王心之所念,於大眾中現微笑相,即於面門放五色光,其光遍照普佛世界, 繞佛三匝,復從世尊頂門而入。

時尊者馬勝覩是相已,從座而起偏袒右肩,右膝著地,頭面作禮, 白言:「世尊!以何因緣現斯瑞相?」合掌向佛,以偈問曰:

「人中最勝釋師子, 現斯瑞相非無因, 唯願大悲為我說, 聞已皆使心安泰。 六十那由阿修羅, **廣大淨心興供養**, 令彼聞已生歡喜? 將非如來與授記, 時會咸作是思念: 『放此光明非小緣, 為說現相之所以。』 唯願如來愍我輩, 為當有發菩提心? 或復初生於淨信? 如來各各悉了知, 願決眾疑揀當說。」

爾時世尊以偈答曰:

汝能諮問放光事, 「善哉馬勝大比丘, 我今欲於眾會中, 記別最上真實果。 諸阿修羅興福業, 志求無上大菩提, 貪恚障染悉蠲除, 如手觸空無所礙。 唐興無邊妙供養, 由此發生清淨意, 後當捨此修羅身, 常牛勝處增明慧。 未來過彼河沙劫, 親沂承事諸如來, 後身得作法中王, 相繼成佛同名號。 皆稱最上燈如來, 名聞普遍十方界, 教仆六十那庾多, 眾牛聞法咸得度。 國十
唐博極嚴淨, 盡一三千大千界, 其中受化諸眾生, 具足福德及智慧, 皆修平等安樂行。 不造一切非法業, 彼佛皆說無諍法, 閏者無著亦無礙, 佛壽六十那庾多, 眾生住命等無異。 彼諸如來化緣終, 機感相從亦入滅, 次第紹隆得作佛, 國十壽量悉同然, 受持正法為佛子。」 亦化如上諸有情,

父子合集經卷第三

父子合集經卷第四

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

如來本行品第五

爾時尊者大迦攝波,見諸阿修羅王於佛會中以神通力化作廣大諸供養已,歎未曾有,而作是念:「如來昔行菩薩道時種何善根,乃能獲得如是最上殊勝果報?」作是念已,入三摩地一心觀察;由佛加持,即能憶念無量無邊阿僧祇劫,世尊往昔在在處處,精勤修習無量無邊廣大福業,一一顯現,諦了無疑。假使十方殑伽沙數世界,其中所有一切眾生皆得人身,復於爾所河沙劫中,一一有情各興供養,如彼尾摩唧怛囉阿修羅王所有福蘊,不及如來一發無上正等覺心所有功德,不可為比。

時尊者摩訶迦攝波,從定起已,歡喜合掌,以偈讚佛:

誓求無上大菩提, 「往昔牟尼大聖王, 修羅雖興廣供養, 不及發心所得福。 如來聖德超三界, 於天人中無等倫, 旃檀香積若須彌, 堪受如斯大供養。 上妙途香極清淨, 人中師子出世間, 堪受如斯大供養。 積聚高若輪圍頂, 或散種種 上妙花, 如來聖德妙難思, 堪受如斯大供養。 以大海水為膏油, 蘇彌山量為其炷, 然燈奉施大導師, 堪受如斯大供養。 或以無數妙花鬘, 奉上如來及塔廟, 佛具廣大勝威德, 堪受如斯大供養。 設於無量俱胝劫, 持以萬億妙寶蓋, 如來善化於父王, 堪受如斯大供養。 於不思議俱胝劫, 以寶幢滿十方界, 如來成就大慈門, 堪受如斯大供養。 復於無量俱胝劫, 以河沙數妙繪幡, 牟尼利樂諸眾生, 堪受如斯大供養。 如來善說諸法要, 眾生咸悉能聽受, 辯才無礙法中王, 言辭善巧無相似。 假使殑伽沙世界, 其中所有諸眾生,

皆為十力天人師, 同出世間成佛道, 如是無數河沙佛, 各各化出無量首, 一一首現百千口, 復於口有百千舌, 於彼殑伽沙劫中, 稱讚如來功德海, 壽量智慧及發心, 不能了知一少分。」

爾時世尊讚尊者摩訶迦攝波言:「善哉,善哉!迦攝波!汝今於彼聲聞眾中,具修梵行,了達諸法,現證實際,心得寂靜。於我所證功德蘊中,善能入解,思惟觀察。我已成就無量無邊不可思議福德之聚,已到最上第一彼岸。迦攝!止於如來一發大心,所有福報,若有色相,十方所有河沙世界不能容受。假使十方殑伽沙數諸佛世尊同出於世,復於爾所殑伽沙劫,欲說如來一發大心所有功德,不能窮盡。所以者何?如來昔修菩薩行時,無一發心不為攝受利益安樂一切有情,彼有情界無限量故,如來發心亦無限量;以有情界畢竟無盡故,如來發心亦復無盡。是故我今得諸天人阿修羅王如是供養。假使十方殑伽沙世界,其中所有一切眾生,皆作供養如彼阿修羅王,猶不能及,一發大心所獲功德。所以者何?彼諸有情心不清淨,著果報故。迦攝!當知過去無量諸佛出世,初發大心,皆為憐愍一切有情,令脫輪迴,得涅槃樂;我今所作亦復如是。

「復次,迦攝!我念過去無量無邊、不可稱數、不可思議阿僧祇 劫,爾時有佛出現於世,名曰帝幢如來、應供、正遍知、明行足、 善逝、世間解、無上士、調御丈夫、天人師、佛、世尊。其佛剎中 所有眾生不造罪惡,心無散亂,不起邪思,無顛倒見及彼憍慢,身 語意業畢竟清淨,伏除煩惱離惡趣因,精勤修習,互相策勵。能於 生死長夜之中,發勇猛心,愛樂大乘,聽聞正法,如理修行。彼佛 剎中有五種樂:一者、欲樂。二、出離樂。三者、定樂。四者、等 持樂。五、菩提樂。彼諸眾生而常受用如是快樂,雖受彼樂而不耽 著;如蜂採花但延其命,如禽飛空無所罣礙,此諸眾生亦復如是。 「又彼有情無貪恚癡種種惡業,煩惱過患,隨先善業而受其樂。何 以故?彼佛修行菩薩道時,所化眾生唯純善行,設有先世不善故 業,現善根力銷伏不起。是故彼十一切有情,唯一樂受相應現行。 又彼佛十無種種難,暴惡風雨,祁寒酷熱,隨時所欲,即降甘雨。 又彼眾生常樂聞法,各能了達,尊重恭敬。設若經行,若坐若立, 思惟義趣,深入法味,無有疲倦,未甞睡眠。四威儀中,精勤修 習,由法樂故,不生勞苦。唯修正斷,無顛倒見,設有錯誤,尋即 改悔;故無苦受。

「又彼如來昔修行時,身語意業未甞錯謬,凡有所作智為先導,說 菩薩法化諸眾生;彼聞法已隨智慧行,所作義利,非癡愛俱,故無 不苦不樂受。彼國眾生其心平等,於一切處如理安住,故無冤憎會苦。又彼眾生無彼無此,於一切法心無所著,故無愛別離苦。又彼眾生於諸善法,不生輕慢,亦不毀訾,故無求不得苦;彼國眾生有為所遷,唯有行苦。何以故?其佛常說第一義諦微妙法故。

「復次,迦攝!彼帝幢如來出現於世,壽命長遠無量無邊恒河沙劫;其中眾生各各具足廣大辯才,善說法要,皆為過去諸佛世尊教化成熟,來生其中。迦攝!於汝意云何?如是廣大嚴淨佛土,頗有無信、無戒、無定、無慧、寡聞、懈怠,如是有情得生彼不?」 迦攝白言:「不也!世尊。」

「迦攝!於汝意云何?如是廣大嚴淨佛土,頗有微細善根、少劣善根、怯弱善根,業集煩惱為苦所攝,如是眾生不淨迴向,得生彼不?」

迦攝白言:「不也!世尊!如是佛剎其中生者,具足善根,純淨無雜,住正思惟,解脫諸苦,多聞精進,清淨迴向,皆蒙先佛久已化度;如是眾生得生其中。」

佛言:「迦攝!善哉,善哉!如汝所說,其事如是。昔帝幢如來者,於汝等意云何?知是誰也?」時諸比丘默爾無對。

當於是時,東方去此過殑伽沙世界,有國名月光莊嚴,是中有佛名光明聚,現在說法。彼佛會中有妙吉祥童子,遙聞此界所問因緣,知諸大眾無能答者。時彼童子即白佛言:「我今應往娑婆世界釋迦牟尼佛所,為彼時會,答其所問。」

時光明聚如來謂童子曰:「隨意當往。」是時童子即從彼沒,以神 通力,屈伸臂頃,至娑婆世界釋迦牟尼佛所,頭面禮足,住立一 面。

時佛世尊,語童子言:「以何因緣而來至此?」

時妙吉祥童子合掌白言:「我為眾會,答前所問,自遠而來。彼往昔帝幢如來,豈異人乎?即今釋迦牟尼如來是也。所以者何?由佛世尊具足成就不可思議微妙功德,方便善巧,憐愍有情,皆令安住菩提之道。」

時眾聞已,咸共讚言:「善哉!童子!善答斯問,決眾疑網。汝今 所說,是為正說,是真實說,是最上說。」

爾時童子為彼眾會,而說偈言:

「聖主釋師子, 具勇猛精進, 憐愍於世間, 現不思議事。 彼牟尼世尊, 過去已曾作, 八十俱胝佛, 成熟諸有情, 常以大悲心, 嚴淨佛國土,

淺識不能知, 種種善方便。 不捨初發心, 隨機而應現, 亦於未來世, 復現無量身。 或現為釋梵, 或示作魔王, 遍法界有情, 莫能知少分。 或現干宮牛, 成消轉法輪, 乃至入涅盤, 顯現佛功德。 或隨其種類, 現作女人相, 不染世間法, 如蓮性本淨。 或涕淚悲泣, 或歌舞嬉戲, 或乘空往來, 皆為作佛事。 怖者今安隱, 慢者今柔順, 為利彼眾生, 現種種調伏。 癡者令離癡, 愚者示明智, 為利彼眾生, 作權巧方便。 狂者得正念, 跛者得安行, 為利彼眾生, 現諸神變事。 是故我稽首, 不思議精推, 普化諸有情, 皆令入佛道。」

父子合集經迦樓羅王授記品第六

爾時會中,復有六萬八千迦樓羅王,見諸阿修羅王作供養已,復聞如來與彼授記,發隨喜心廣興供養,以神通力即時化作六萬八千殊妙樓閣,一一樓閣七寶所成,所謂金、銀、琉璃、硨磲、碼碯、珊瑚、玻瓈,皆有七重,第一層級黃金為柱,椽梠枅栱,白銀為之,眾寶裝鉸;第二層級,白銀為柱,椽梠枅栱,黄金為之,諸珍嚴飾;乃至第七珊瑚為柱,真珠等寶雜廁間飾。如是樓閣,一一皆有寶網羅上,或黃金網、白銀為網,乃至真珠以為其網。復懸無數眾妙寶鈴,微風發聲,聽者無厭。復現六萬八千寶蓋,諸珍間錯,光明顯照。復現六萬八千寶幢,眾色相間,珠珍嚴飾。復現六萬八千續幡,五色經錯,甚可愛樂。復現六萬八千寶幔,或黃金線,而用合成;或以銀線、吠琉璃線、真珠等線,巧妙嚴飾。時迦樓羅王,即以如上所現六萬八千七寶樓閣、眾寶網幔、寶幢幡蓋,奉上如來,於虛空中次第行列,徐行旋轉,繞佛三匝,如三十三天,愛囉嚩拏大龍象王繞天帝已,住立一面。爾時迦樓羅王,合掌向佛,以偈讚曰:

「稽首歸依無上十, 一切世間無與等, 解脫輪迴諸苦厄。 能超牛老病死因, 具足妙相三十二, 願我速成就佛身, 八十種好遍莊嚴, 如那羅延堅固力。 圓光丈六常照明, 願我如佛直金色, 攝化有情令出離。 行住坐臥威儀中, 願我堅持諸禁戒, 住勝最上三摩地, 以方便智利群生, 皆使得成菩提道。 願我此身永除斷, 為他乘馭瞋恚心, 如佛具足大慈悲, 獲得十八不共法。 如幼如夢如谷響, 了知諸法從緣起, 悉同牟尼大導師, 於人天中廣開示。」

爾時世尊,知諸迦樓羅王深心了達,志固精進,現微笑相,放五色光。時馬勝比丘覩是事已,頭面作禮,合掌恭敬,以偈問曰:

「歸依無上天人師, 現此希有難思事, 放斯光明非無因, 憐愍我等為演說。 泇樓羅王興供養, 寶幔彌覆於空中, 世間昔未曾見聞, 願兩足尊說斯義。 今此眾會諸人天, 合堂欣悦懷希望, 願聞為彼迦樓干, 演暢未來解脫果。 佛為最上天人尊, 能卦群生之所欲, 唯願如來為言說, 令彼大眾除疑怖。 眾會若得離疑怖, 則能發生歡喜心, 當具奉行諸佛教。 若聞如來授記言, 唯冀大慈垂護念, 除疑增長諸善根, 迦樓羅王得佛道。」 各各合堂願欲聞,

爾時世尊,為馬勝比丘說伽陀曰:

「善哉馬勝善諮問, 放光現笑之所因, 吾今當說應諦聽, 令汝除疑生喜悅。 迦樓羅眾興福行, 誓求無上大菩提, 當成無畏十力尊, 獲斯勝報名為佛。 由彼淨心供養故, 定招相好所莊嚴, 十八不共法難思, 脫那羅延所乘馭。

由是堅持於淨戒, 安住清淨三摩地, 修習勝慧六神通, 嚴淨一切諸佛剎。 由彼淨心供養我, 後身脫此傍生報, 畢竟不歷惡趣生, 常受人天勝福樂。 過彼殑伽沙劫數, 供養承事諸如來, 善能調伏諸根門, 然後皆當得作佛。 十號具足剎嚴淨, 同稱彌盧幢如來, 其劫名為自然生, 其十無彼三惡趣。 其中所有諸眾生, 容儀挺特無殘缺, 彼佛壽命極長遠, 八萬四千俱胝歲。 如是次第得成佛, 國十壽量悉同等, 各各仆度諸眾生, 八十那庾俱胝數。 盡袪纏蓋獲清涼, 皆今捨除憍慢習, 安住無牛解脫門, 遠塵離垢心清淨。 以彼本有身金色, 恃其大力生憍慢, 是故成佛為有情, 先令斷除憍慢法。 彼等過去無數劫, 曾為苦行大仙人, 常樂修習神通事。 其數六萬有八千, 彼諸仙人得通已, 謂已自在世希有, 雖持禁戒具威儀, 安住山林牛我慢。 由是墮於金翅中, 緣昔神通有大力, 以持戒故見我身, 忘失菩提因我慢。 略說先因今覺了, 我今與授成佛記, 廣為利樂諸眾生, 聞者咸共生歡喜。」

父子合集經卷第四

父子合集經卷第五

西天譯經三藏朝散大夫試鴻臚卿宣梵大師賜紫沙門臣日稱等奉

耀

詔

龍女授記品第七

爾時會中,復有九十六俱胝龍女,見彼阿修羅王、迦樓羅王於世尊 所作供養已,復聞如來各與授彼成佛之記,心大歡喜,踊躍無量, 發清淨心,廣陳供養。此諸龍女以神通力化作九十六俱胝青色傘 蓋,一一傘蓋吠琉璃寶而作千骨,巧妙安布,黃金為柄,真珠為 網,垂諸花鬘,諸珍嚴飾。復化九十六俱胝上妙良馬,亦以眾寶, 裝鉸嚴飾, 吠琉璃寶, 而為轡勒。又復變現眾寶網幔, 其量周廣六 十踰繕那,遍覆一切諸來大眾,寶幔之下現一殊妙摩尼寶珠,光明 顯照,無不明了。復現九十六俱胝眾寶花鬘,巧妙奇絕,周遍垂 下。又復懸綴無數寶鈴,微風動搖,其聲和雅,猶如天樂,聞者無 厭。復以細末多摩羅跋旃檀香沈水香等散如來上,復散優鉢羅花、 詹博迦花,及散無量上妙衣服,種種無量雜色瓔珞,種種無量雜色 花鬘。是諸龍女各乘彼馬,張設傘蓋,於虛空中繞佛三匝。復奏龍 宮種種音樂,其聲清婉,眾所樂聞。又於迦毘羅城,降諸塗香及眾 香水如雨而下,與其香花合和成泥,縱廣六十踰繕那。以彼如來威 德加持,令此樂聲及香水泥普聞三千大千世界。其中眾生聞此聲 香,皆於阿耨多羅三藐三菩提得不退轉。 是諸龍女作供養已,頭面禮敬,合掌向佛,以偈讚曰:

「我等宿慶值於佛, 淨心忻樂興福業, 供養牟尼大導師, 化出九十六俱胝, 眾寶莊嚴妙傘蓋, 供養無上調御師, 以此善因求出離。 調順善御青色馬, 復化九十六俱胝, 上妙青寶以莊嚴, 皆為供養如來故。 復化九十六俱胝, 青色寶幢空中轉, 頭面作禮伸迴向。 一一皆以身語心, 諸龍宮中妙樂音, 一時但奏聲清徹, 牟尼出現於世間, 堪受如斯大供養。 如是種種樂音聲, 遠徹三千大千界, 皆得菩提不退轉。 其中眾生若得聞, 復現廣大一寶幔, 縱廣六十踰繕那,

周匝普遍於空中, 廣覆諸來大集會。 中現最上摩尼珠, 熾盛光明悉委照, 普於天人大會中, 淨心忻喜為供養。 我等以此少善根, 志求寂靜菩提果, 一如牟尼大導師, 成就甚深微妙慧。 教化饒益諸眾生, 解脫塵勞諸結縛, 演說無邊清淨法。 亦如十力無上尊, 諸有為法如幻化, 亦如聚沫非堅牢, 如空注雨起浮泡, 自性虚假無主宰。 智者觀諸世間法, 譬如鏡中現影像, 眾生體性亦同然, 唯佛現證如實說。 愚夫不了謂為實, 於虚妄境生執著, 此愚癡者自欺誑。 畢竟諸法本來空, 不達諸法真實性, 由彼迷妄無知故, 如來由是出世間, 顯示無我不可得。 譬如秋空起浮雲, 暫時顯現須臾沒, 當知我相本來無, 智者諦觀何所有? 皆無自性非真實, 如是一切世間法, 但能誑惑諸根門, 愚夫由此增狂亂。 牟尼招越於三界, 了諸法性無分別, 若依如來教奉行, 一切世間皆解脫。 若人聞是深妙法, 心生忻樂正思惟, 此非愚者之境界。 則能越離牛死泥, 是故我今頭面禮, 無煩惱者天人師, 為舟為舍為依怙。 大悲能救苦眾生, 我等供養於如來, 為求無上菩提故, 當官法要警群迷, 普願自他成佛道。」

爾時如來,知諸龍女心之所念,希望授記。即現瑞相,放大光明。 時尊者馬勝覩是相已,頭面禮足,合掌向佛,以偈問曰:

「世出世間勝智者, 忽興神變放光明, 時會覩此稱吉祥, 非無因緣發斯瑞。 人中最上牟尼主, 願說光相之端由, 諸天人民龍鬼神, 聞已咸生歡喜念。 如來威德聖中聖, 於世間法無不了, 憐愍攝受諸眾生, 說此放光神變事。 如來慧力妙難思, 窮盡諸法實相義,

眾會瞻仰願欲聞, 各令知已心安隱。 牟尼久已成正覺, 能與群牛作義利, 何因放此大光明, 願說咸得除疑惑。 今此大眾心寂然, 堪能領解深法義, 聞已各發菩提意。 一心瞻仰於如來, 若人於事未決了, 其心掉動則生惱, 由此皆墮疑網中, 唯冀洪慈速開示。 誰於今日發大心? 何佛他方說大法? 放此光明甚希有。 誰得菩提破魔軍? 何人廣興淨福業? 佛憐愍故放淨光。 於大眾中無畏說。 聖主師子十力尊, 我等若蒙佛顯示, 離諸疑怖心泰然, 各各奉行於佛教。」 咸牛清淨隨喜心,

爾時世尊,為尊者馬勝說伽陀曰:

「善哉馬勝大比丘, 汝能諮問放光事, 吾今於此眾會中, 為說龍女未來果。 汝等一心當諦聽, 離諸散亂染因緣, 閏我說此放光因, 增長人天諸善利。 此諸龍女心開解, 能以智慧觀實相, 不著世間業果報。 了知諸法本性空, 無人無我無眾生, 亦無作者及受者, 補特伽羅自相空, 猶如陽焰鏡中像。 諸龍女等植德本, 共興廣大淨福業, 了世間法皆如幻。 善能安住佛法中, 如是作諸供養已, 誓求佛果大菩提, 後當捨此龍女身, 得生三十三天上, 受用妙樂無毀訾, 得為帝釋天宮主, 具天壽量大名聞, 復往焰摩天中住。 得生焰摩天宮已, 具足受彼殊妙樂, 佛子安住此天中, 自在得終天壽量。 得彼天眾常愛敬, 後復生於兜率天, 雖受快樂心不著, 循若蓮花性本淨。 由彼宿習出世智, 常觀諸法皆空寂, 安住正念無移動。 譬如刻石書長存, 後生樂變化天中, 天子天女常圍繞, 不為他毀有名稱, 滿彼壽量無中夭。

受彼最上五欲樂, 而與正念常相應, 善修三種解脫門, 畢竟入解直空法。 得彼天眾常恭敬, 復生他化自在天, 清淨意樂住其中, 任持正法心無動。 所欲受用皆他變, 不起染著癡愛心, 佛子安住彼天宫, 得盡彼天壽邊際。 由於欲樂生厭患, 忻求定地伏諸惑, 由此得生梵天上。 獲得諸禪解脫門, 由彼定生諸善根, 受用喜樂一中劫, 定中適悅勝難思, 漸能推趣菩提道。 住彼梵宮經一劫, 專修下行淨無雜, 善巧方便利有情, 無冤親想心平等, 於喜妙樂悉誦達, 亦不味著諸禪定, 善能覺悟寂諸根, 是為最上牟尼子。 彼梵天說自然法, 不與業果理相應, 畢竟超越於三界。 唯此直實解脫門, 若人於此生信解, 善能引導諸眾生, 速成無上妙菩提, 是則名為世間眼。 彼龍女等生梵世, 饒益利樂諸天人, 教化今發清淨心, 皆能推趣菩提道。 往詣無邊佛剎土, 供養承事諸如來, 過彼未來星宿劫, 同成佛號寂諸根。 彼等聞佛授記已, 小淨踴躍志堅固, 時會咸生歡喜心, 各各頭面禮佛足。」

父子合集經龍王授記品第八

爾時難陀烏波難陀龍王,與其眷屬九十俱胝龍眾,見諸龍女供養如來得授記已,身意泰然,得未曾有,稱讚如來:「究竟滿足廣大威德神通無礙,能知眾生心之所念,所作事業皆悉聞知,各各現證,無不了達。然彼如來大悲增上,或不待請,即為說法或非時說,皆為教化成熟有情,除煩惱熱,得涅盤樂。隨機授法必令得果,乃至女人志意動亂,於婬怒癡自性增上,設聞法要,不能領解,亦得如來之所化度,如彼六十俱胝龍女猶獲授記,何況我等豈不蒙益?」時彼龍王作是說已,於世尊所生難遭想,以神通力興大香雲,滿閻浮提,遍覆一切諸山大海,兩眾香水,旃檀末香,其香遠聞普佛世界。又復於彼迦毘羅城,雨赤真珠積至于膝,縱廣量等六十踰繕

那。復於尼拘律陀林中,普散無量龍自在花,散已復散,變成花殿,其量亦廣六十踰繕那。七寶相間而為其柱,復以半拏紺末羅石以甃其地,其石柔軟,觸之清涼,眾所樂觀,非世所有。復現九十俱胝眾寶花鬘周匝垂下,又復懸挂眾色名衣,復現種種巧妙繒幡、香鬘寶鬘真珠鬘等,周遍莊嚴殊妙清淨。又復涌出無數寶藏,行列殿中而為供養。又復出現最上無價摩尼寶珠,以成其鏡,表裏瑩徹,無不交照。乃至迦毘羅城時會大眾,種種供養,殊勝莊嚴,於其鏡中皆悉顯現。復有九十俱胝龍馬,諸妙珍寶以為轡勒,無數寶鈴進步鳴響。是諸龍王各乘馬已,於虛空中繞佛三匝,復奏龍宮無量音樂,及雨種種殊妙珍寶,散於如來及聲聞眾。作供養已,頭面禮足,瞻仰世尊目不暫捨,以我所集功德善根,願與眾生同得佛道。合掌向佛,以偈頌曰:

「久修慈忍大悲行, 成就百福相莊嚴, 捨家逾彼迦毘城, 志固為求無上道。 六年示修於苦行, 伏諸外道不疲勞, 直指金剛座道場, 普施群生甘露法。 昔日如來調御師, 棄捨王宮妙欲樂, 於世浮榮心不顧。 斷除頂髮住山林, 牟尼昔捨於頭目, 積功成滿菩提因, 凡夫聞見尚無因, 況復效修其苦行。 如佛昔作忍辱仙, 為歌利王無辜害, 割截耳鼻及身肢, 不生恚惱心怡悅。 時有愚癡婆羅門, 來秤身肉而蹶倒, 我等聞已生悲惱。 說此難行苦行時, 爱念眾生如己子? 何因如來不起瞋, 中興害意隨泥型, 慈尊於彼能垂救。 於己害者不加報, 如來具足無上慧, 昔修廣大安樂因, 故得身肢復如故。 我等咸生淨信心, 稱讚如來真實行, 如彼牟尼利有情, 咸願速登無上覺。」

爾時世尊知諸龍王信解堅固,發大誓願,即於面門放種種光,其光 普照上至梵天,復從如來頂門而入。時尊者馬勝,合掌長跪,即白佛言:「法爾諸佛若放光明,必有所謂。唯願如來方便演說。」時 彼尊者說伽陀曰:

「大哉無畏釋師子, 何因緣故放此光?

慈門廣利諸天人, 此諸龍王并眷屬, 唯冀牟尼震梵音, 誰於釋迦佛法中, 誰能摧破諸魔軍, 將非龍眾久修行, 願聞現瑞之端由, 唯願如來為我說。 及彼時會皆肅然, 說此放光希有事。 初發大心感斯瑞? 令彼惶怖皆退沒? 獲得無盡諸功德? 斷除疑惑心清淨。」

爾時世尊以偈答曰:

「我以最上勝功德, 所說直實利眾生, 此諸龍王深淨信, 志心願證佛菩提, 常以悲心觀世間, 未嘗一心生疲勞, 修習清淨奢壓他, 安住三種解脫門, 得佛無上甚深慧, 大悲愍念諸有情, 過彼殑伽沙劫數, 同名寂靜慧如來, 常說無我甘露法, 善巧方便應群機, 是諸眾牛聞法已, 大悲方便演三乘, 此法非出於自然, 乃至無有一眾生, 由飲解脫甘露味, 及彼憂悲我慢幢, 釋尊無畏聖師子, 佛子常隨智慧行, 如來授彼諸龍記, 咸各歸命牟尼尊,

八種深遠梵音聲, 汝當諦聽放光事。 設大供養世希有, 為度一切群生故。 普使眾牛脫苦厄, 堅固精推無視轉。 具足智力無能屈, 謂空無相及無願。 了一切法皆虚假, 離冤親想悉平等。 次第成佛出世間, 十號具足十嚴淨。 無諸外道及魔冤, 不違世俗談真諦。 了法自性悉皆空, 勝義法中無所說。 求之少分不可得, 聞佛言教而不解。 則能出離牛老死, 皆因聞佛梵聲故。 說諸龍意答所問, 速得菩提無上果。」 時眾聞已生忻慶, 於佛法中心寂靜。

父子合集經卷第五

父子合集經卷第六

西天譯經三藏朝散大夫試鴻臚卿宣梵大師賜紫沙門臣日稱等奉 詔

譯

鳩盤茶王授記品第九

爾時會中有十八俱胝鳩盤茶王,見諸阿修羅及迦樓羅諸龍王等作供養已,心生愛樂;復聞如來與彼授記,歡喜踊躍,得未曾有,咸共讚言:「如來成就最上智慧,於一切法無有疑惑,無喜無志不生分別,堪受人天廣大供養,譬如大海深廣彌滿,不動不涌,湛然安靜,如來功德亦復如是。」

時彼鳩盤茶王并諸眷屬,各發淨心而興供養,以神通力化作十八俱
抵寶幔,是諸寶幔巧妙殊絕,皆以寶線次第嚴飾,所謂黃金線幔、白銀線幔、吠琉璃幔、玻胝迦幔、赤真珠幔、杵藏珠幔、馬藏珠幔等,若金線幔垂銀花鬘,若銀線幔垂金花鬘、吠琉璃幔玻胝迦鬘、玻胝迦幔吠琉璃鬘、赤真珠幔杵藏珠鬘、杵藏珠幔赤真珠鬘、馬藏珠幔眾寶為鬘,互相間列甚可愛樂。又復化出十八俱胝眾寶妙車,所謂金車乃至馬藏珠寶所成之車;於彼車上復現十八俱胝上妙繖蓋,一一繖蓋奇異巧妙,有骨百莖眾寶裝鉸,或以純金而為其柄,次第乃至吠琉璃柄,繖蓋之下垂諸花鬘,黃金花鬘乃至摩尼珠寶所成花鬘,是諸繖蓋以赤真珠巧妙交絡以為其網。時鳩盤茶王各各乘彼眾寶妙車,執持繖蓋作諸伎樂,於虛空中繞佛三匝,以七寶花散如來上;散已復散,從車而下,禮世尊足,在一面住,合掌向佛,以偈讚曰:

「牟尼聖主出世間, 如彌盧山顯大海, 離諸憂畏不動涌, 堪受如斯妙供養。 常住寂靜三壓地, 演說諸法無所著, 觀察世間唯名想。 捨除憍慢諸垢染, 了知諸法如幻化, 循如夢中受欲樂, 亦如水月體非真, 智者當作是觀察。 乾闥婆城本無有, 於方處求不可得, 應知但以假名說, 諸世間法皆如是。 我等所作諸供養, 寶車寶蓋寶幔等, 及以種種歌樂音, 如來觀之如谷響。 願我成佛如世尊, 為眾生說如幻法, 皆今猿離惑業因, 悉證菩提寂靜道。」

爾時世尊知諸鳩盤茶等心之所念,即於口中,放大光明。時馬勝比 丘覩是光已,合掌向佛,以偈問曰:

「調御施仕非無因, 矚斯淨光難思議, 時眾欲知其所由, 唯冀如來揀演說。 親佛面門現斯瑞, 諸天人民咸有疑, 願佛憐愍諸群萌, 說此放光希有事。 誰於今日發大心, 樂於佛所聞正法? 何人於佛興供養? 為說所獲諸功德。 何人達彼有為行, 剎那能離諸過患? 何人證於實相門, 寂靜意樂而不動? 何人稱讚佛功德? 何人得道降諸魔? 息諸纏蓋心泰然? 何人斷惑招三有, 大眾咸生恭敬意, 佇閩如來微妙音。 何因放此淨光明? 願決眾疑分別說。」

爾時世尊,為馬勝比丘說伽陀曰:

「善哉馬勝問斯義, 為作世間饒益者, 我今說此光所從, 汝等一心當諦聽。 今此鳩盤茶眾等, **唐**興供養淨福業, 合掌住立於我前, 安住實際心不動。 以智慧力善修習, 起大悲心利群有, 後當脫此鬼趣身, 決定往生於勝處。 得為忉利天宮主, 親沂承事諸如來, 了達諸法無有疑, 如黑暗中然大炬。 未來復過俱胝劫, 嚴淨無邊佛剎十, 被精推錯修諸行。 供養河沙佛世尊, 饒益攝受諸有情, 決定自知當作佛, 及於方域而降生, 由是號曰除疑佛。 常說最上寂靜法, 閏者心淨離諸疑, 救拔群生超彼岸。 咸願求趣大菩提, 我今已答汝所問, 普今時會心安隱, 故此授決鳩盤茶, 於未來世得作佛。」

父子合集經乾闥婆王授記品第十

爾時會中,復有三十六俱胝乾闥婆王,見諸阿修羅、迦樓羅,諸龍眷屬、鳩盤茶等,於如來所作供養已,復聞與授成佛之記,歡喜踊躍得未曾有,及聞稱讚如來法性本來寂靜,清淨無垢,無有少法之所顯示,皆為增長眾生善根,深生信解,捨諸慳悋,即發無上菩提道心。

時諸乾闥婆王為供佛故,以神通力化作三十六俱胝愛囉嚩拏大龍象王,一一象王各有六牙,一一牙上而有七池,一一池中有七蓮華,一一蓮華而有千葉,一一葉間有七天女,一一天女復以七女而為侍衛。復於一一龍象頂上,化出三十六俱胝上妙繖蓋,七寶為網,寶鬘交映,又復各現寶幔彌覆,懸諸花鬘,處處周遍。彼蓮華中所有天女,或作歌舞,或奏音樂,或說伽陀讚佛功德,或散旃檀沈水末香,或散種種天諸妙花,或散種種上妙衣服,或散眾寶嚴身之具,耳璫臂釧寶鬘金帶,或有執持種種寶幢雜色幡蓋,或散種種清淨香水,於虛空中如雨而下,與諸香花合和成泥,遍迦毘羅城廣六十由旬,隨風所飄其香普至。

是時彼諸乾闥婆王各各乘一大龍象王,競奏百千諸妙音樂,徐行空中,右繞三匝,以神力故,令樂音聲并前香風遍於三千大千世界,其中眾生得聞樂聲及彼香者,皆於阿耨多羅三藐三菩提得不退轉。彼乾闥婆王於虛空中繞佛畢已,從象而下,至於佛所,復繞三匝,頭面禮足,住立一面,合掌向佛,以偈讚曰:

「如來具足諸妙相, 於三界中無與等, 己盡輪迥苦邊際。 解脫煩惱牛死因, 顯現無邊大威神, 天上人中極希有, 成就寂靜解脫門, 無有非人能動亂。 如來具足清淨道, 本無所證無可說, 佛性直常本湛然, 依世俗諦強分別。 未來諸佛出世間, 亦能安住如是法, 無有作者及主宰。 法無自性本性空, 是為世間具智者, 了知自他無所作, 諸法各各不相知, 佛於無作示有作。 彼各不知自業用, 譬如多種集成車, 但由運載得車名, 佛說我相亦如是。 彼法無法可教招, 彼法無法可思念, 彼法無法令解脫, 彼法無法令變異。 如來如是了知已, 為眾生依世俗說, 顯示諸行有為門, 彼世俗相亦無得。 展轉分別諸法性, 今淺智者得除疑,

諸法無相亦無名, 畢竟無住亦無作。 成佛如彼牟尼尊, 願我等於未來世, 無邊功德莊嚴身, 常說如是勝義法。 利樂世間具智者, 及彼邪見諸眾生, 常起如是大悲心, 今出輪迴牛死海。 世間苦惱諸有情, 皆由邪慧心諂曲, 唯佛大慈能救度。 如猴輕躁無暫安, 恃彼貪恚癡我慢, 隨其識浪常漂流, 展轉沈淪苦海中, 唯佛大慈能救度。 不知自業墮惡趣, 眾牛愚癡無慧眼, 永失人天出要門, 唯佛大慈能救度。」

爾時世尊,知諸乾闥婆王心之所念,即於口中放大光明,普照時會。於是尊者馬勝比丘覩斯光已,合掌向佛,以偈問曰:

「如來今者現斯瑞, 寂然普放大光明, 時眾相視咸驚疑, 未曾見是希有事。 何人蒙佛攝受故, 生大歡喜離諸障? 今佛放此淨光明, 令彼信解力堅固。 何人奉行於大法, 如佛所說等無異? 今佛放此淨光明, 於彼加持垂護念。 是諸大眾生渴仰, 願聞佛說光因緣, 合十指爪住佛前, 瞻仰尊顏無暫捨。 如來為世間作眼, 離諸垢染及憂怖, 大悲憐愍諸群生, 使除疑網心清淨。」

爾時世尊為馬勝比丘說伽陀曰:

「善哉馬勝問斯事, 我為饒益於世間, 咸今增長諸善根, 今放光明與授記。」 尊者馬勝大比丘, 聞佛許說光所以, 歡喜合堂無異緣, 冀梵音聲次第說。 「乾闥婆王興供養, 為聞真淨大法故。 本來自性無增減, 此法唯依實際中, 若人取相而分別, 彼則如幻不可得, 此法無實亦非虚, 由法性空佛無說。 後身當作爍迦羅, 彼作如是供養已, 是為生死最後身, 增進淨行心無懈。 從一佛剎至佛剎, 承事河沙諸如來,

化度那由他有情, 果滿得成離塵佛。 彼離塵佛出於世, 住壽那由他劫數, 常說諸法自性空, 復能顯示一切智。 如是彼彼佛名號, 住世正法及像法, 說法仆利諸眾生, 悉同前佛等無異。 馬勝汝問光因緣, 故我略說彼功德, 降伏天魔無億數。」 如是展轉成佛時, 乾闥婆王授記已, 時眾除疑心悅豫, 咸各歸依牟尼尊, 合掌住立於一面。

父子合集經藥叉王授記品第十一

爾時會中有八十俱胝大藥叉王,見彼阿修羅王乃至乾闥婆王等於如來所廣作供養,復聞世尊與彼授記,歡喜踊躍,得未曾有,恭敬尊重,生難遭想,稱讚如來智慧深遠,於所說法,心得入解,深生愛樂,發清淨信,以神通力化作廣大殊妙供養,與前阿修羅王所作供養,等無有異。

時藥叉王作供養已,繞佛三匝,住立一面,合掌向佛,以偈讚曰:

「人中無比釋師子, 具大神涌及智慧, 如海深廣不可涯, 是故我今頭面禮。 劫燒洞然可知際, 蘇彌盧山可稱量, 唯佛智力妙難思, 一切無能窮極者。 過現未來諸世間, 所有諸趣有情類, 彼等浩作善惡業, 佛能遍知無與等。 或有樂住阿蘭若, 修寂靜行除情開, 隨其修習性不同, 佛能遍知無與等。 憍慢嫉妬諸惡行, 或具貪恚癡禍患, 或有等分或隨增, 佛能遍知無與等。 或有迷失於正道, 沈淪苦報無罷期, 或具信解 隨法行, 佛能遍知無與等。 有情樂作諸惡行, 彼業 隨逐不捨離, 以至惶怖命終時, 唯有如來能救度。 或浩黑業受眾苦, 或持淨戒往天宮, 唯有如來悉知見。 受報好醜理無差, 或有智慧求解脫, 於佛法中而出家, 樂修聖道利有情, 得證無為寂滅樂。 復有愚夫雖出家, 依止如來法中住,

於甚深法不能解, 由無智故扳生誇。 彼於佛教生毀訾, 造作無量苦因緣, 命終隨大地獄中, 劫盡更生餘苦趣。 若人諦信增上心, 樂聞正法能守護, 善達諸法本性空, 離一切相無所著。 是身如幻如谷響, 了知世間非堅固, 常以悲願利群生, 於佛菩提無狠轉。 一切世間無過上, 我今稱讚佛功德, 未來同得成佛道。」 迥此少善及有情,

爾時世尊知諸藥叉王等心之所念,即於口中,放大光明,普照佛土。時馬勝比丘見斯光已,合掌向佛,以偈問曰:

「大哉最勝兩足尊, 忽放淨光難思議, 此光希有非無因, 照耀世間逾滿月。 今此眾會皆合掌, 同聲稱揚佛功德, 唯願如來震梵音, 為說此光之所以。 何人於佛生淨信? 何人悟入真淨法? 何人堅固菩提心? 唯冀如來分別說。 大慈悲主出於世, 能決群生眾疑網, 諸天龍及人非人, 聞已心生大忻慶。」

爾時世尊為馬勝比丘說伽陀曰:

「善哉馬勝大比丘, 汝能諮問如是義, 因光啟請利天人, 皆今安住直實見。 彼藥叉王陳供養, 增長見聞勝善根, 故我放此淨光明, 今當與授成佛記。 如是彼諸藥叉眾, 悉了諸法從緣生, 由願力故受此身, 心常安住菩提道。 知蘊處界皆虛假, 能以智慧善觀察, 超出輪迴苦惱因, 循若蓮華不著水。 自他和合染因缘, 一切覺了皆如幻, 觀色自性空亦然, 得證寂滅無為理。 若能覺了諸法空, 亦達無相及無願, 於此三種解脫門, 平等遍觀無障礙。 所觀境界何所有, 能觀智慧性本空, 了知心境二都無, 是為具足菩提行。

諸天及人聞是法, 心生歡喜未曾有, 各各信解隨法行, 漸能修習一切智。 能以淨心興供養, 如是密跡藥叉眾, 後當轉此惡趣身, 往生諸天受妙樂。 彼等當於未來世, 奉覲無量俱胝佛, 號日寂靜慧如來, 住世壽命極長久。 教化無數聲聞眾, 猶如星宿現虚空, 具諸智者生其中, 國土嚴淨無有苦。 一切世間人非人, 聽佛所說無疲厭, 皆發勇猛清淨心, 解脫煩惱諸結縛。」

父子合集經卷第六

父子合集經券第七

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

緊那羅王授記品第十二

爾時會中,有八俱胝緊那羅王,其上首者名曰大樹,見諸阿修羅王乃至諸藥叉眾,咸於佛所廣作供養,復聞如來與授記別,心生驚疑,歎未曾有,謂:「若佛說一切世間諸蘊、界、處,但有假名,無有少分令眾生見,若佛菩薩亦不可見。云何世尊於大眾中與諸天龍次第授記,復令化度無量有情,從一佛剎至一佛剎,奉覲如來經河沙劫,廣修諸行得成佛道,具諸相好,國土莊嚴,壽命劫數正像法等,乃至緣畢,入般涅盤?既言諸法皆悉空寂,何能建立授記之事?」

時大樹緊那羅王生此疑心未能決了,合掌向佛,以偈問曰:

「我聞如來作是說, 於佛妙慧心有疑。 既言空已復授記, 此義甚深不能了。 又云法界本空寂, 而說如月現於水。 此義甚深不能了。 既言空寂復現形, 云何諸法本無生, 復說樂求菩提者? 此義甚深不能了。 既言無生何有求, 云何諸法本無盡, 復說如來有滅度? 此義甚深不能了。 我今請問牟尼尊, 云何諸法皆如幻, 復說此歿得生天? 既言如幻何有生, 此義甚深不能了。 云何諸法無所依, 復說依止善知識? 既言無依何假人, 此義甚深不能了。 云何世間無作者, 復說有能斷諸惑? 既言無作斷無由, 此義甚深不能了。 云何諸法自性空, 復說觀空得解脫? 既言空已復何觀, 此義甚深不能了。 云何諸法剎那滅, 復說諸法常不滅? 此義甚深不能了。 既言遷變或凝常, 云何福業非積聚, 而說修習成菩提? 既言無集豈能成, 此義甚深不能了。 云何諸法無所說, 復說毀謗墮惡道?

既言無說謗何生, 此義甚深不能了。 無能勝者所宣說, 種種差別難曉了, 佛眼清淨照世間, 普施群生甘露味。 餘無有能為我等, 決擇如上所疑事, 唯有如來能斷除, 故我頂禮一切智。」

爾時世尊,為彼大樹緊那羅王釋諸疑故,以偈答曰:

「緊那羅王汝所問, 既空依何而授記? 由彼達法性本空, 故得如來與授記。 以何因緣作是說? 諸法若有實性者, 則應不減亦不增, 於一切時無改轉。 譬如圓鑑挂空中, 假明緣故現色像, 緊那羅王汝當知, 白性清淨本如是, 法性無垢常湛然, 亦無動亂及變異。 汝觀供養福業因, 於何法中有其相? 應知法界本寂靜, 智者觀法不可得。 諸有取相凡夫人, 於此疑惑不能了。 汝問諸法本無生, 復說發心求佛道? 緊那羅王汝當知, 十力妙智難思議。 凡愚沒溺三界中, 於諸欲境生耽著, 由是常生顛倒心, 故受牛死諸苦惱。 從昔未聞於正法, 設得聞已而不解, 使令安住實智中, 漸能求趣菩提果。 何故如來有滅度? 汝問諸法本無滅, 為破常見諸眾生, 無有少法為常者。 汝問諸法猶如幻, 見生天者故懷疑? 為化凡愚諸眾生, 恃己所有生憍慢。 汝問諸法無所依, 而見依止善知識? 畢竟世間無出離。 若非依止說法師, 汝問諸法無主宰, 而見世間有作者? 當觀車由眾分成, 有於運載作用事。 為化著我諸眾生, 及彼執著我所者, 我為彼說無堪任, 是故但唯假名想。 汝問諸法自性空, 復說觀空得解脫? 故於空義不能了。 由彼分別執著心, 汝問諸行剎那滅, 復云諸法性不滅? 為破著欲諸眾生, 於非淨處生淨想。

譬如猿矚於陽焰, 皆從妄想分別生, 陽焰之處本無水, 由彼愚夫顛倒心, 汝問諸法無所說, 愚夫聞已懷驚疑, 世間諸法本空寂, 彼等若聞諸法空, 若人毀謗於空法, 猶如繫縛於虛空, 或說善業往天中, 作者非實業不亡, 當知諸趣皆如夢, 夢中何有於去來, 我雖說有所作業, 譬如狂風吹樹枝, 彼風及木無思念, 兩相因故火發生, 汝問福業無積聚, 如世間有百歲人, 汝問諸法不可盡, 觀空理者說無窮, 我雖演說直實際, 眾生業惑障緣深, 緊那羅王汝當知, 一切諸相皆一相, 一切菩薩之所行, 所謂阿字總持門, 緊那羅王汝當知, 此說無相總持門, 緊那羅王汝當知, 此說平等總持門, 緊那羅王汝當知, 此說清淨總持門, 緊那羅王汝當知, 此說離障總持門, 緊那羅王汝當知, 此說實相總持門, 渴者趣之而求水, 當知水體不可得。 自性淨中本無染, 則為彼愛所纏縛。 亦云謗者墮惡道? 智者聞之除障礙。 無智妄計執為我, 則生斷滅怖畏想。 皆由執著我人相, 增長愚癡墮惡趣。 或牛人間受快樂, 如夢中境唯心造。 愚夫妄謂真實境, 十方推求無作者。 由相觸故生其火。 謂言我能出於火。 本無作者亦如此。 云何能得菩提果? 雖經時分年無聚。 云何復說業可盡? 隨世俗中則有盡。 由顛倒故於外求, 不能了此勝義法。 於此勝義善安住, 善通達者謂無相。 一切諸法皆無作, 由此入解一切法。 一切諸法本寂靜, 由阿字門而入解。 一切諸法無分別, 中阿字門而入解。 一切諸法無自性, 由阿字門而入解。 一切諸法無有盡, 由阿字門而入解。 一切諸法非思議, 由阿字門而入解。

緊那羅王汝當知, 一切諸法無所趣, 由阿字門而入解。 此說解脫總持門, 緊那羅王汝當知, 一切諸法本無動, 由阿字門而入解。 此說證淨總持門, 緊那羅王汝當知, 一切諸法假名說, 由阿字門而入解。 此說直實總持門, 緊那羅王汝當知, 一切諸法不可得, 由阿字門而入解。 此說離相總持門, 一切諸法離思念, 緊那羅王汝當知, 中阿字門而入解。 此說靜慮總持門, 此法非見非對治, 求彼二相無所有, 了知無相亦無名, 則能具足菩提道。 若法可見可對治, 是法非實非平等, 彼法自性離言詮, 譬如虚空無相似。 法性無有種種相, 亦非一相及異相, 如鏡中像不可得; 非有冷相及熱相, 非有曲相及 首相, 亦復無有明暗相, 遠離男相及女相, 此名入解真實相。 非諂非誑非動亂, 無有舒卷微細相, 亦無忿怒忻喜相, 非快弱相起盡相, 非有入相及出相, 亦無進相及退相, 非其寤相及寐相, 復無去來現在相, 非是眼相及膽視, 亦非盲瞽與瘴瞖, 非其調順非剛強, 非有覆藏及顯露, 非是動轉及止息, 離諸戲論常湛然。 智者當作如是觀, 此名了知佛境界, 為欲調伏世間故, 於離言法強分別, 於此勝義善知了, 則能涌達一切法。」

爾時大樹緊那羅王,聞佛世尊釋諸疑已,及聞演說總持字門,深生入解,心大歡喜得未曾有。以神通力化八俱胝殊勝樓閣,巧妙奇絕,或住山峯,或依林木,或化現於蓮華之上,是諸重閣皆以七寶合成花蓋而懸其上,一一皆有眾寶幢幡、寶幔花鬘次第嚴飾。是八俱胝緊那羅王,各各陞彼樓閣之上,於虛空中右繞三匝,復以上妙水陸之花而散佛上。散已即從重閣而下,至於佛所,復繞三匝,瞻仰尊顏,目不暫捨,一心合掌,住立一面,思念如來過去現在積集無量最勝功德。

佛知是已,口放淨光。時尊者馬勝比丘覩是相已,頭面禮佛,以偈問曰:

「如來今者放光明, 淨妙難思甚希有, 時眾諦視於慈容, 猶若披雲瞻滿月。 何人今於世尊所, 樂聞最上微妙法, 以直實智善了知, 放此光明垂印可? 感佛加持現斯瑞? 誰人初發菩提心, 唯願說此光因緣, 制諸外道令牛信。 是時諸來大集會, 咸各歡喜發淨心, 聞已奉行於佛教。」 冀閏清淨甘露音,

爾時世尊為尊者馬勝比丘說伽陀曰:

「具壽馬勝問斯義, 當一心聽無異緣, 授記未來成佛事。 我今為彼緊那羅, 彼所請問極難解, 皆為利樂諸世間, 我今為斷彼疑心, 令於佛法善安住。 此大樹緊那羅王, 與八俱胝徒屬眾, 中興供養淨福因, 命終當得生天上。 展轉天中受妙樂, 滿足九十俱胝歲, 獲得如意万神涌, 親沂承事河沙佛。 常說勝義第一法, 經歷那由他剎土, 化度那由他有情, 得成無上菩提道。 號曰無量光如來, 劫名國十皆無異, 人中師子十力尊, 具足無邊大智慧。 彼國所有諸菩薩, 修習善根悉圓滿, 亦無求趣二乘人, 皆是一生居補處。 如是彼諸菩薩眾, 各懷悲願利群生, 能與世間作照明, 後當次第得作佛。 彼諸國十勝莊嚴, 離諸穢惡無煩惱, 猶如覩史多天宮, 受用清淨知止足。 一切過患八無暇, 乃至名字未嘗聞, 有情安隱住其中, 常飡法味禪悅樂。 與授緊那羅佛記, 大哉善浙天中天, 時眾聞已心泰然, 稽首致禮無上十。」

父子合集經寶瓔珞天授記品第十三

爾時會中有八俱胝寶瓔珞天子,見諸阿修羅乃至緊那羅等於佛會所作大供養,及聞如來與彼授記,心甚歡喜得未曾有。時諸天子為供佛故,發勇猛心,繞迦毘羅城周匝六十踰繕那量,於虛空中雨曼陀羅花,繽紛而下,積至于膝,作供養已,繞佛三匝,住在一面合掌向佛,以偈讚曰:

「具足大悲十力尊, 能救一切眾生者, 諸根寂靜放光明, 故我敬禮聖中聖。 諸天及龍人非人, 於佛法中生愛樂, 最上牟尼大導師, 是故我今歸命禮。 譬若眾星中滿月, 如來出現於世間, 無邊福智莊嚴身, 眾生觀者心無厭。 具足種種清淨法, 六通三明四無畏, 十八不共法難量, 是故我今歸命禮。 八十隨好妙嚴身, 三十二相皆圓滿, 是故我今歸命禮。 巍巍猫若天帝幢, 能斷輪迴諸結縛, 成就最勝三壓地, 降伏無數億魔軍, 湛然安住心無動。 如來智慧力堅固, 常說四諦直實法, 咸令超越於彼岸。 廣能化利諸人天, 人中最勝釋師子, 破諸邪見及異論, 願我當得如世尊, 說法使離諸癡暗。 常興四種無量心, 超出世間成正覺, 憐愍攝受諸眾生, 同證菩提無上道。」

「牟尼現是希有相, 時眾矚已心忻悅, 各各諦奉大慈顏, 願說放光之所以。 如來今放此淨光, 必興廣大利益事, 我等頂禮無上尊, 唯冀洪音為開示。」

爾時世尊為馬勝比丘說伽陀曰:

「善哉馬勝問斯義, 今當為汝分別說,

我為利樂諸人天, 與瓔珞天授佛記。 無由記別弟子事, 如來若不因請說, 答汝問故息群疑, 彼離疑則心安住。 以淨意樂伸供養, 寶瓔珞天於我所, 從此展轉生諸天, 百千天子常圍繞。 復持天上妙香花, 供養無量俱胝佛, 於彼佛所發淨心, 愛樂修行菩薩道。 復於未來作佛事, 如是精進供養已, 奉觀那由他世尊, 常說伽陀讚佛德。 如理廣修清淨行, 得那羅延堅固身, 於其歡喜劫中生, 具足圓成一切智。 號日華幢勝如來, 有大名稱無與等, 并餘天子八俱胝, 同一劫中皆作佛。 彼佛土中無地獄, 亦無鬼趣與傍生, 及阿修羅憍慢心, 離於八難諸危苦。 彼諸天子成佛剎, 悉如三十三天中, 國十富樂遍莊嚴, 壽量長遠皆相似。 彼十既無惡趣名, 況復有作惡業者, 眾生各各隨法行, 皆住無諍清淨行。 所化眾生無有邊, 禍彼恒河沙數量, 彼佛出現世間時, 常說勝義第一法。 如是化緣歸寂已, 廣布舍利起塔廟, 其中皆有佛身相。 一会利勝難思, 咸各稱讚佛功德, 住虚空中現神變, 教化無量諸眾生, 皆發無上菩提意。」 十力牟尼方便力, 為彼天子授道記, 住正思惟心寂靜。 時諸大眾聞佛言,

父子合集經卷第七

父子合集經卷第八

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

四大天王授記品第十四

爾時四大天王并諸眷屬九萬天子,俱見諸阿修羅王乃至寶瓔珞天等,於世尊所各作供養,復聞與授成佛之記,心大歡喜得未曾有,覩佛威神,深生尊重,於佛法中,欲求出離,發勇猛心,精勤修習。譬如有人乘於坏船,入駛流中,欲達前岸。是人即時作此思念:「如是坏器本非堅牢,不久沮壞,要當速渡,用力求濟,可免斯難。」彼四天王及諸天子,厭怖生死速求出離,勇猛之心亦復如是。

時四大天王并諸天子,為供佛故,以神通力,即時化作九萬寶<mark>帳</mark>,眾色間錯,眾寶裝鉸,廣大嚴飾,世所希有,所謂赤真珠帳、摩尼珠帳、吠琉璃帳、金剛寶帳、黃金帳等,化作如是眾寶帳已,於虚空中,繞佛三匝;復化九萬天諸伎樂,於虚空中復繞三匝,出妙樂聲而為供養;又復降雨曼陀羅華、摩訶曼陀羅華、曼殊沙華、摩訶曼殊沙華,而散佛上,散已復散,繞佛三匝,住立一面,合掌向佛,以偈讚曰:

「敬禮二足尊, 能救世間者, 離掉舉昏沈, 及貪欲諂誑, 能斷諸有結, 拔諸根毒刺, 摧伏我慢幢, 破無明黑暗, 四大善調和, 無便利垢穢, 不為盡所中, 九竅常清淨, 解脫煩惱縛, 永盡諸苦際。 剛強難化者, 牟尼善攝受, 我等諸天人, 皆來至佛所, 瞻仰佛功德, 稱讚所不及。 於三解脫門, 空無相無願, 唯佛能證知, 涌達無障礙。 彼真如實際, 為諸法所依, 愚夫設得聞, 如鹿怖獵師。 眾牛取諸相, 不能違法性, 起四種顛倒, 此為輪迴行。

佛了知法性, 觀世如虚拳, 諸蘊本來空, 處界亦如此。 若法與非法, 以名字而說, 如是一切法, 佛本無言說。 譬如大幻師, 化種種形像, 此實無主宰, 唯假名施設。 及十八界等, 如是蘊與處, 體性非堅固。 皆從幻妄生, 猶如工書師, 書作女人像, 身肢悉圓滿, 相貌皆端正。 此相非實有, 但新愚夫眼, 智者善了知, 法界本平等。 善入佛法者, 於此無疑惑, 譬如己掌中, 置之萫羅果。 如來智光明, 照彼群牛類, 使之令開解。 轉最上法輪, 亦說如是法, 願我得佛時, 化一切眾生, 同成無上覺。」

爾時世尊,知諸天子心之所念,即於面門放大光明,普照時會。尊者馬勝比丘覩是相已,合掌向佛,以偈問曰:

「大聖無上尊, 何故現斯瑞? 此必有因緣, 願為我等說。 今此諸天王, 及天子眷屬, 親佛放淨光, 咸牛於疑惑。 為當與授記? 何人發大心, 誰今降諸魔? 願為我等說。 何人於佛所, 作廣大供養, 諸根善調伏, 蒙佛現斯瑞? 將非佛世尊, 與諸天授記? 願兩足尊說, 聞已成歡喜。 成熟諸義利, 今一切眾生, 如佛等無異。」 求證大菩提,

爾時世尊為馬勝比丘說伽陀曰:

「馬勝大比丘, 善問如是事,

我今放光明, 當為汝顯示。 彼九億天子, 皆來至我所, 說此光因緣, 與授成佛記。 是諸天子等, 久值遇諸佛, 善達諸法空, 說傷而讚歎。 安住佛法中, 信解心決定, 為求大菩提, 發勇猛精進。 復於未來世, 奉覲河沙佛, 若不供養者, 誓不成正覺。 作是供養已, 當得成佛道, 號日持光明, 於世間最勝。 彼佛出於世, 如燈當照耀, 度脫聲聞眾, 數滿八十會。 此諸比丘等, 善修如實智, 住是最後身, 皆得法眼淨。 彼佛國土中, 所有眾生類, 壽命極長遠, 滿八俱胝歲。 咸皆懷戀慕, 佛滅後之後, 伸供養尊重。 浩無數塔廟, 那由他有情, 護持佛正法, 或般無餘者。」 或有發大心, 蒙如來授記, 彼四大天王, 心生大忻慶, 敬順頭面禮。

父子合集經三十三天授記品第十五

爾時三十三天帝釋天主,與其眷屬八十俱胝天子來詣佛會,見諸阿修羅王乃至四大天王等,於世尊所廣大供養,復聞如來與彼授記,於佛法中增上愛樂,發希有心,求無上道。時帝釋天主為供佛故,以神通力化作八十俱胝寶幔,是諸寶幔第一希有,皆以眾寶而為瓔珞,或赤真珠而為瓔珞,或歐摩尼珠,或以黃金而為瓔珞,於諸寶幔周遍垂下。又復化出八十俱胝清淨樓閣,門牖欄楯眾寶裝鉸,繳蓋幢幡次第嚴飾,一一樓閣皆有上妙師子之座,眾寶鈴網而覆其上,一一座側無數天女以為侍立。於重閣後復化八十俱胝眾寶妙車,於上各懸雜色繳蓋,以調順馬,而駕御之。又復化出八十俱胝愛囉嚩拏大龍象王,一一象王有八十俱胝頭,一一頭皆有六牙,一一牙上而有七池,一一池中有七蓮華,皆有千葉,一一葉中

有七天女,一一天女復以七女而為侍從,眾寶瓔珞以嚴其身。彼蓮葉中及樓閣間,所有天女或有執持幢幡寶幔,或作歌舞,或奏音樂,或散旃檀沈水香等,或散天中曼陀羅華,及以七寶所成之華,於虛空中如雨而下,遍迦毘羅城,縱廣六十<mark>踰</mark>繕那量,散已復散,積至于膝。

是時八十俱胝天子為供養故,亦以神力化出八十俱胝龍象,一一象上皆有幰蓋,亦以眾寶而嚴飾之;復化八億上妙寶車,復化八億殊妙天女,復化八億天諸伎樂。是諸天女各乘寶車,作樂歌舞,散諸香華,於虛空中右繞三匝,如向所說阿修羅王所作供養無有異也。是時天主及諸天子伸供養已,作是思念:「此化天女作供養已,了知諸法如佛所說皆如幻化,復觀自身亦同幻化,知彼供養及如來身亦如幻化,佛所說法悉成幻化。」了知是已,離諸疑惑,於世尊所右繞三匝,頭頂禮敬,住立一面,合掌向佛,以偈讚曰:

「化人所作諸供養, 巧妙變現無與等, 乃至觀察自身相, 悉同幻化無有異。 謂若佛說一切法, 及與授記成佛事, 令諸天發歡喜心, 此等皆同於幻化。 此說牟尼清淨身, 及所說法皆如幻, 唯願如來絕眾疑, 今於授記心開解。 謂彼愚夫諸異生, 迷於所行真實行, 由此不了如幻法, 乃說世間無授記。 謂若有學與無學, 及求緣覺弟子等, 彼皆了知如幻法, 於佛法中無疑惑。 有若樂修寂靜行, 單已求證獨譽果, 彼能了知如幻法, 於佛法中無疑惑。 利樂世間無放逸, 有若樂行菩薩行, 如是佛子了幻法, 於一切法無分別。 具足大悲無與等, 最上善浙調御師, 十力勝慧妙難思, 於此法中達自性。 或有依止阿蘭若, 離諸熱惱無希求, 彼能了知如幻法, 於佛法中無疑惑。 若達諸法如幻化, 實無少法而可得, 彼則遠離一切疑, 當於佛教牛尊重。 願我成佛出世間, 常說諸法皆如幻, 皆今解脫虚妄因, 安住直常佛境界。」

爾時世尊知彼天主及諸天子深心所念,於其面門,放淨光明。尊者 馬勝比丘覩是相已,合掌向佛,以偈問曰:

「牟尼具足大名稱, 今者忽放淨光明, 此光殊勝非無因, 唯願大慈為我說。 時會覩已咸有疑, 如來面門現此瑞, 聞者皆得心清淨。 我等願說光所從, 廣設最上妙供養, 諸天稱讚佛功德, 將非如來放此光, 今諸天子心悅豫? 佛放無邊離垢光, 此光清淨逾珂月, 將非諸天達幻法, 十力與之垂印可? 常修法施心無恪, 牟尼積集菩提行, 令於佛法善安住。 | 唯冀如來決眾疑,

爾時世尊為馬勝比丘說伽陀曰:

「善哉馬勝大比丘, 汝能請問放光事, 與諸天子授佛記。 我今為說此因由, 如是彼諸天子眾, 能了一切法如幻, 成就無邊淨智明, 滅諸寡暗除疑惑。 曾於過去牛死中, 親近承事河沙佛, 由是了知如幻法。 從彼聞法正思惟, 今於我前伸供養, 亦知諸法皆如化, 已於佛法離諸疑, 得決定心無損減。 彼等當於未來世, 得成最上菩提道, 巍巍功德極高顯。 號曰帝幢王如來, 教化那由他眾生, 為說如是如幻法, 是諸天子同名號, 次第皆當得作佛。 觀諸境界猶如幻, 汝等諸天捨放逸, 漸能修習奢壓他, 速得無上菩提果。 」

父子合集經焰摩天授記品第十六

爾時焰摩天王與四俱胝天子來詣佛所,見諸阿修羅王乃至三十三天帝釋天主,於佛世尊作大供養,復聞如來與彼授記,歡喜踊躍,得未曾有,於佛法中深生愛樂。即作是念:「謂佛證得最上甘露第一之法,於諸世間無有少法而不能知,無所不見,無不解了,無不現

證,由彼如來於世俗諦及勝義諦明了通達,無有限礙。彼世俗者,謂世間行,若業若報,已生未生,皆悉知之,無有錯謬;彼勝義者,第一清淨,不可識別,不可智知,不可言說,不可顯示,非見非聞,非取非捨,非動非靜,非得非失,非去非來,非輕非重數,非利非衰,非稱非譏,非樂非苦,非色非非色,非數非,數,非分別非離分別,非煩惱非離煩惱,絕諸戲論,超諸言說,至所謂色相不可得,受、想、行、識相亦不可得;眼相不可得,至、鼻、舌、身、意相亦不可得;色相不可得,聲、香、味、觸不可得;眼識不可得;是,意識亦不可得;問題不可得,以、風、空、識界亦不可得;欲界相不可得,也界、無色界相亦不可得;有為相不可得,無為相亦不可得。若人於此勝義法中,求彼諸法及自性者,不可得也。

「又諸無聞愚夫異生,聞是法者則懷驚怖,於佛法中心生悔惱,於一切智即便退失,諸天世人咸共輕毀,如是之人常處輪迴,則為眾苦之所纏縛。」

時焰摩天王及諸天子,觀察世間一切眾生常處生死,眾苦逼切。於 佛正法深生尊重,以神通力作大供養,與前三十三天所陳供養勝過 於彼。是諸天子供養畢已,右繞三匝,頭面禮足,住立一面,合掌 向佛,以偈讚曰:

「觀佛諸蘊皆空寂, 處界等法亦復然, 諸根境界常湛然, 則見如來真實性。 世間智者於實法, 不由他悟自然解, 所謂世俗及勝義, 離此更無第三法。 如來出現於世間, 隨機演說世俗法, 眾生若發清淨心, 常獲人天諸快樂。 人中無畏釋師子, 依世俗諦說六趣, 諸天及人阿修羅, 地獄鬼界傍牛等。 富樂豐饒尊勝族, 下劣種姓貧窶家, 僕隸走使伎樂人, 及彼癃殘諸疾苦。 如是所說世俗法, 普為利益凡夫人, 由眾生起渴愛心, 不能出離世八法, 及與稱譏苦樂等, 所謂利衰及毀譽, 得者增於忻喜心, 失者常生於熱惱。 此依世俗談直諦, 由染慧故起顛倒, 不淨為淨苦為樂, 無我法中執為我,

於無常法謂為常, 起虚妄想而封著。 彼雖設得聞佛言, 心生驚怖不信受, 於地獄中受極苦。 由謗如來正法故, 如是貪欲愚癡人, 展轉沈淪不休息, 若有人於佛法中, 以慧揀擇非顛倒, 棄捨輪迴苦惱因, 漸能修習菩提道, 及勝義諦非詮顯, 諸法自性本清淨, 若人聞生愛樂心, 當知是為真佛子。 我依如來作是說, 諸天一心當樂求, 畢竟皆當成佛道。」 若能如理依法行,

「如來今者放光明, 眾會見已生疑慮, 願為我等說其由, 令此大眾心安隱。 若或諸天得授記, 咸皆尊重牛隨喜, 於佛法中常精准。 具智慧者亦希望, 此諸天子住佛前, 皆為最上功德器, 以梵音聲垂攝受。 伏冀如來閩大慈, 彼聞佛德心忻樂, 謂我當得無有疑, 若得如來授記言, 勇猛勤修無退轉。 大哉無上天人師, 破異論者歸正理, 眾會佇聞微妙音, 速演諸天授記事。」

爾時世尊為馬勝尊者說伽陀曰:

「馬勝比丘當諦聽, 我為 官說放光事, 此大集會諸天人, 樂聞如來功德故。 世有下劣凡夫人, **間佛功德不忻樂**, 彼懷貪恚常熾然, 百千生中多忿諍。 若於佛法生信樂, 是人曩劫曾薰習, 大悲願力常相應, 當獲如是佛功德。 若見世間衰苦者, 常起悲心為憐愍, 讚佛勝德回思議, 令彼淨信生愛樂。 諸天曾於過去佛, 廣大修習諸善根, 今聞佛德妙難思, 猶若花鬘當頂受。 彼焰壓天并眷屬, 於我法中求得度,

具足淨慧大悲心, 厭離世間諸有結。 承事供養諸如來, 猶若殑伽沙數量, 積集無邊勝福因, 為求無上菩提故。 人中師子出世間, 能說無邊清淨法, 眾生沒溺煩惱中, 以大悲心而濟拔。 觀諸眾生營業惑, 為說最上出離法, 彼聞法已正思惟, 知諸法空離自性。 了一切法皆如幻, 諸根寂靜無所著, 各各達法本性空, 由此入解真實相。 彼諸天子於我前, 已作廣大諸供養, 於彼未來星宿劫, 得成無上菩提果。 滿四十四俱胝劫, 此諸如來出於世, 度脫無量苦眾生, 皆令清淨離諸惑, 彼焰摩天得授記, 同名大仙降冤佛。 今為馬勝答其疑, 諸來大眾皆忻慶。」

父子合集經卷第八

父子合集經卷第九

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

想史多天授記品第十七

爾時會中,有八十俱胝覩史多天子,見諸阿修羅王乃至焰摩天等, 於世尊所作諸供養,復聞如來與授無上大菩提記,心大歡喜,得未 曾有。是諸天子即作是念:「此菩提法本無色相,受、想、行、識 亦復無相。今者世尊,當以何法而為授記?所以者何?色本無生, 菩提亦無生,乃至識無生故,菩提亦無生。云何無生法能得菩提 耶?如是色無滅故,菩提亦無滅,乃至識無滅故,菩提亦無滅。云 何無滅法能得菩提耶?如是色寂靜故,菩提亦寂靜,乃至識寂靜 故,菩提亦寂靜。如是色無二故,菩提亦無二,乃至識無二故,菩 提亦無二。如是色無動故,菩提亦無動,乃至識無動故,菩提亦無 動。如是色不可見故,菩提亦不可見,乃至識不可見故,菩提亦不 可見。彼菩提相自性離故,復云何說不牛不滅、寂靜無二、湛然不 動及不可見?於諸法中何者名色?色自性空,受、想、行、識亦復 皆空。何者名佛?何名菩薩?何名授記?佛、佛自性空,菩薩、菩 薩自性空,菩提、菩提自性空,授記、授記自性空。所名佛者,但 依世俗,假名呼召希望分別,諸有智者聞諸法空,不生取著,彼愚 癡人聞則瞋恚不能入解。譬如有人於睡夢中,具足受用五欲快樂, 覺已思念實不可得,智者了知不生憂惱。如是安住菩薩乘者,了菩 提性,本來空寂實無所得,不生怖畏亦復如是。何以故?了知諸法 皆如夢故。愚癡凡夫取解各異,於諸妄法而生執著;如是諸法皆不 可得。凡夫不可得,凡夫法亦不可得;聲聞不可得,聲聞法亦不可 得;緣覺不可得,緣覺法亦不可得;菩薩不可得,菩薩法亦不可 得;佛不可得,佛法亦不可得;菩提不可得,菩提法亦不可得;涅 盤不可得,涅盤法亦不可得。」 時覩史多天子作是說已,白言:「世尊!我今於此第一義中,得無 疑惑,發清淨心,造作上妙種種供養,勝焰摩天不可為比。」作供 養已,頭面敬禮佛世尊足,右繞三匝,住立一面,合掌向佛,以偈 讚曰:

「若人奉行如來教, 則為安住佛功德, 彼於三種解脫門, 深達義味無罣礙。 此中無色及受想, 亦無行識心與境,

了彼万蘊但假名, 是名具慧人師子。 不取少分菩提相, 如是最上勝丈夫, 已悟蘊空獲善利, 於佛功德無疑惑。 深達菩提實相義, 不起希望不毁些, 亦無忻喜任運心, 此則善住菩提行。 若人平等見法性, 則於諸法無所畏, 具足修證勝功德。 佛子能於此世間, 了達色相悉皆空, 於諸欲境咸棄捨, 亦不希求不願樂。 觀察輪迴三有中, 若人明了五蘊法, 佛及菩提并授記, 說者聽者二皆空, 如是悟解無所礙。 佛功德法凡夫法, 此一切相本無生, 能了最上法性門, 是則名為真佛子。 又復了知如是法, 五蘊處界本無滅, 佛及菩提授記言, 斯等諸法悉同等。 智者達解此法門, 而不捨離菩提行, 由了法性無滅故, 於佛菩提不難得。 佛及菩提皆空寂, 又復諸蘊 及處界, 若人於此無依求, 彼則能持佛正法。 諸蘊處界皆無作, 佛及菩提授記事, 彼等諸法悉皆同, 如是了知為佛子。 諸蘊處界自性空, 佛及菩提授記事, 智者决定善了知, 此則名為直佛子。 諸蘊處界悉虚妄, 及與最勝二足尊, 菩提授記亦同然, 如是了知為佛子。 是法非離非不離, 亦非為有亦非無, 非有為相及無為, 如是了知為佛子。 了達如是微妙義, 如來出現於世間, 是為最上勝丈夫, 堪受諸天廣供養。 我今稱讚佛功德, 所獲福報利群生, 迴向自他皆作佛。」 唯有如來悉證知,

爾時世尊知諸天子心之所念,希望如來與授佛記,即於座中,放淨 光明。時尊者馬勝親是相已,合掌向佛,以偈問曰:

「世尊今者何因緣, 以神通力現斯瑞? 願為眾會說其由, 一切世間咸喜悅。 覩佛口中放淨光, 諸天皆悉懷疑惑, 各各瞻仰於慈顏, 一心願聞佛所說。 譬如病者遇良醫, 唯希拯救授靈藥, 今此眾等住佛前, 渴仰希須亦如是。 諸來集會天人眾, 皆具廣大清淨慧, 一心諦聽無異緣, 於佛所說能入解。 如來常以大悲心, 能破一切諸疑網, 彼等聞已皆奉持, 摧諸異論生正見。」

爾時世尊,為馬勝比丘說伽陀曰:

「馬勝汝今發斯問, 為利世間作照明, 智者能息諸群疑, 故得人天咸尊重。 達最上法甘露味, 想史天王及天子, 作大供養妙莊嚴, 是故我今與授記。 彼以勝慧觀世間, 得見法性無所著, 善達三種解脫門, 非愚癡者之所及。 已曾請問如是義, 彼於過去諸佛所, 悉如先佛之所說。 觀諸法性畢竟空, 今復於我興供養, 最上最勝無與比, 能以空義讚如來, 皆為利樂有情故。 一切諸法皆無生, 佛及菩提授記事, 乃至修習菩提者, 本性無牛亦同等。 若人如是了法性, 決定當證大菩提, 彼諸天子昔聞持, 故能宣暢第一義。 能以明慧善決擇, 了知法性常無減, 彼諸天子離諸疑, 自然成就無師智。 法性非取亦非求, 畢竟無依離分別, 彼諸天子離諸疑, 愚夫心則生驚怖。 菩提及彼菩提心, 一切諸法離自性, 彼諸天子善了知, 本來清淨無染著。 覩史天王天子等, 住堅固慧無所住, 不久當得佛菩提, 具足圓成一切智。 於彼未來星宿劫, 次第出現於世間, 度脫無邊諸眾生, 同名決定智王佛。 如來知彼心所念, 應念忽放淨光明, 為說授記成佛因, 今彼時會生忻慶。」

父子合集經樂變化天授記品第十八

爾時樂變化天主,與七十俱胝天子眷屬俱,見諸阿脩羅王乃至都史多天諸天子等,於世尊所作供養已,深生隨喜,踊躍無量,復聞如來與彼授記,是諸天子聞是說已,身意泰然,得住實際,於勝義法,離諸疑惑。

時樂變化天王,即從座起,頭面禮足,合掌恭敬,而白佛言:「世尊!如我解佛所說義,一切諸法名為實際,名無量際、無礙際、無住際、無盡際、無二際,非際無際,說名實際。世尊!言實際者,不顛倒故;無量際者,非分限故;無礙際者,非和合故;無住際者,離自性故;無量際者,無有生故;無二際者,唯一相故;非際者,體非有故;無際者,本無極故。世尊!此實際法遍一切處,有為、無為通達無礙,無有一法非實際故,乃至菩提,亦是實際。復以何法名為菩提?此一切法即是菩提,乃至所有五無間業亦是菩提。何以故?彼菩提法,離自性故,五無間業亦離自性。世尊!又彼五無間業,即無餘涅盤界。何以故?彼諸法性離罪相故,是故無間業,名為涅盤界。世尊!住輪迴者,可求涅盤,彼實際中,無有二相,無生死可離,無涅盤可證。何以故?自性離故。世尊!我今於此實際理中無有疑惑,若於此法得離疑者,當知是人,已於過去佛世尊所,得授阿耨多羅三藐三菩提記。」

是時如來聞彼天王作是說已,欲令大眾心淨信解,生歡喜故,即於 座中放大光明。時尊者馬勝比丘,以偈問曰:

「憐愍世間調御師, 於大眾中現斯瑞, 口中忽放淨光明, 此相非無其所以。 今此諸來大集會, 咸生清淨恭敬心, 願說所放光因緣, 使除一切諸疑惑。 此等若聞佛所說, 一心諦聽而信受, 咸遵佛教能奉行, 誓求無上菩提果。 唯願如來速演說, 慰彼群生渴仰心, 諸天身意咸泰然, 決定自知當得佛。

爾時世尊為馬勝比丘說伽陀曰:

「馬勝今問放光事, 如來所作非無因, 汝當諦聽無異思, 今與諸天授佛記。 化樂天王并眷屬, 漸能成就一切智, 當於天人大眾中, 作師子吼摧異論。

譬如一切山穴中, 如是化樂諸天人, 又如世間日沒時, 彼諸天子達法性, 又如世間日中時, 彼諸天子達法性, 又如世間夜分時, 彼諸天子達法性, 又如世間諸流泉, 彼諸佛子達法性, 如以瓦礫擲空中, 彼諸佛子達法性, 若人了達此法性, 彼當取證大功德, 假使二十那由他, 由具正見達法性, 如是彼諸天子眾, 各各希望授記言, 是諸天子久修習, 自知決定得菩提, 馬騰比丘當了知, 常樂親近佛世尊, 自能入解於下理, 隨其力能為演說, 設百千劫行苦行, 於剎那頃了法性, 過去所有一切佛, 以及未來諸世尊, 化樂天王并眷屬, 已曾往昔植福因, 諸有世間具智者, 若能依止勝等持, 馬騰比丘當了知, 常能游戲佛境界, 是故勤修清淨業, 常樂親折說法師,

不產珠璣無有惑, 決定當來得作佛。 不久應知月出現, 自知必定成正覺。 觀諸色像皆明了, 當獲如來一切智。 有情咸知日不現, 當得明慧悉照了。 悉皆注下歸於海, 必能速證大菩提。 力盡墜地必應爾, 不久成佛無有疑。 入佛知見離戲論, **往**趣菩提場不遠。 弊魔說我不作佛, 不能退壞菩提意。 善解法性心無著, 故我讚勵生忻慰。 不由他悟能入解, 諸有智者皆隨喜。 若求無上菩提者, 觀諸法性無罣礙。 復今他人善诵達, 是為第一行法者。 以身血肉而布施, 此福廣大復禍是。 現在救度眾生者, 無不依此而修習。 今於我前伸供養, 故能了斯深法義。 當須修證三摩地, 是人得至佛行處。 此諸佛子悟法性, 摧伏一切諸異論。 則能遠離諸苦惱, 得成無上菩提道。」

父子合集經他化自在天授記品第十九

爾時他化自在天王,與八十那由他天子眷屬俱,見諸阿修羅王乃至 樂變化天等,於如來所作諸供養,復聞如來與彼授記,歡喜踊躍, 得未曾有。白言:「世尊!此樂變化天所說實際,我今於實尚不可 得,云何復說更有於際?何以故?世尊!若見實者亦應見際,當知 是人住二種相,何能入解證彼菩提?應知彼說是非道行。若善男子 離此二相名善安住,住無所住,則無言說。求菩提者,無有少法當 情可見,而能覺悟得彼菩提。何以故?此實際法,非有非無,離一 切相,非過去、非現在、非未來,非有為、非無為,非識識、非智 知,非觀察、非現證,無有少法為能對治,亦無少法作所對治。何 以故?法非煩惱所染污故,法無自性不可得故;若彼彼法有所對 治,則有少法自性可見。世尊!若色生者,彼色離生相故,受、 想、行、識生者,受、想、行、識離生相故。世尊!若色滅者,彼 色離滅相故;受、想、行、識滅者,受、想、行、識離滅相故。世 尊!若過去者,離過去相故;未來者,離未來相故;現在者,離現 在相故。世尊!若有為者,離有為相故;無為者,離無為相故。如 是五蘊所攝,三際所攝,有為所攝,無為所攝,此等諸法皆不可 得;以不可得,是故彼法不可知、不可見、不可說、不可解、不可 觀、不可證。世尊!若善男子,善女人,為求菩提,如是發心決定 修行;彼皆名為善能安住菩薩乘者。」

爾時他化自在天子,咸說是所悟法已,合掌向佛,以偈讚曰:

「如來顯示輪迴際, 無始堅固難招越, 樂住三有牛死海。 世間無智諸凡夫, 諸蘊本來自性空, 一切有情不可得, 無有少法可對治, 當知諸法皆無相。 非知非識非觀察, 色自性空本非有, 非見非證亦非無, 依此正理善明了。 菩提分法亦復然, 菩提無相不可得, 佛菩薩僧但假名, 離心取相皆無相。 自謂我得菩提心, 愚夫著欲取諸相, 彼行顛倒境界中, 染慧難證真常理。 於佛境界離相者, 是為智者依法行, 遠離諸相如無相, 亦離於空及不空。 依此修習菩提行, 獲得最上第一樂, 一切外道不能知, 亦非聲聞所行學, 心善解脫離塵垢, 又非辟支 加佛陀,

亦非無漏阿羅漢, 於此正理能入解。 牟尼無相菩提行, 唯大智者善了知, 若依正教能說空, 非二乘輩之所有。 善達實相不思議, 了一切法無自性, 菩提淺識不能知, 上根聰慧聞即解。」

爾時世尊,知諸他化天子心之所念,即於坐中放淨光明。時馬勝尊者覩是相已,合掌向佛,以偈問曰:

「佛知他化天意樂, 忽放清淨大光明, 此唯如來自證知, 願為時眾分別說。 諸天咸作是思念, 佛非無因現此光, 必為饒益諸群生, 令生諦信心渴仰。 今此大眾懷猶豫。 中覩如是希有因。 口中放此淨光明。 應與諸天授佛記。 彼等棄背輪迴道, 求趣寂靜涅盤城, 佇閏如來梵音聲, 無礙辯才揀演說。 達諸法性無有疑, 眾等尊重如來教, 堅固聞持信解心, 稱讚牟尼功德海。 如來下教不思議, 今眾牛至安隱處, 若能如理善修作, 畢竟得成無上道。」

爾時世尊為尊者馬勝說伽陀曰:

「善哉馬勝大比丘, 諮問為利群生故, 我今放此淨光明, 與授最上菩提記。 他化自在天主等, 信解堅固悉利根, 皆能奉持諸佛言, 久已修習菩提道。 能了世間諸妄想, 如見陽焰知非實, 愚夫謂水起妄心, 求菩提者勿同彼。 諸有執著想見者, 無智扳怖於無相, 愚夫妄想趣非道, 離此能得大菩提。 妄想邪思為苦本, 隨生分別即為縛, 智者了此悉皆空, 得勝總持寂靜樂。 妄想之心不平等, 決定墮落於諸趣, 百千生中為苦緣, 三世如來同此說。 則為陰界所纏縛, 若人取著於想者, 一切皆空無有相。 善觀察者息妄緣,

由想相故增諸惑, 復能損減諸福業, 速證無上菩提果。 若於無相離狐疑, 若人分別求聖道, 分別求道即為縛, 彼則善修無相行。 智者在欲而行禪, 諸法無體不可說, 分別諸法性皆空, 彼無相法離思惟, 如是菩提不難得。」 眾離疑惑得無畏, 聞佛世尊作是說, 授之歡忻而頂受。 如以詹博迦花鬘, 是諸天眾心開悟, 今於佛所伸供養, 了知法性本來空, 於未來世皆作佛。

父子合集經卷第九

父子合集經卷第十

西天譯經三藏朝散大夫試鴻臚卿宣梵大師賜紫沙門臣日稱等奉

耀

詔

大梵王天授記品第二十

爾時會中,有六十俱胝梵天子眾,見諸阿脩羅王乃至他化自在天等,於世尊所作供養已,復聞如來與彼授記,歡喜踊躍,怪未曾有。是諸天子已於過去諸如來所,親近供養,積集善根,深修禪定,超世俗法,於佛正教,各獲最上甚深法樂,明了通達,離諸戲論,生決定解,了知諸法非作、非無作,非生、非無生,非得、非無得,非盡、非無盡,非離、非不離,非垢、非離垢,非愚、非不愚,非智、非無智,非見、非無見,非取、非不取,非空、非不空,非相、非無相,非願、非無願。是諸天子,如是知已,心無所著,遠離諸想,無所依求,無種種求想,無作者想、無作者法想,無凡夫想、無凡夫法想,無聲聞想、無聲聞法想,無緣覺想、無緣覺法想,無菩薩想、無菩薩法想,無如來想、無如來法想,無涅盤想、無涅盤法想,無善遵法想,無論迴法想。是諸天子了彼法性猶如虛空,無有染著,於佛法中離分別想。時梵天王合掌向佛,以寂靜意,說偈讚佛:

「如來具足平等慧, 修寂靜行到彼岸, 說寂靜法度群生, 觀諸世間常寂靜。 菩提寂靜本無染, 依寂靜境無動亂, 常飡寂靜甘露味, 於一切處悉通達。 善觀察者獲妙樂, 如是最上寂靜道, 依八正道久薰修, 能斷世間煩惱縛。 乃是先佛之所說, 修寂靜法證菩提, 如佛世尊無有異。 決定能至涅盤城, 若人依止佛正教, 受持讀誦勤修學, 一切世間無過上。 求趣寂靜解脫門, 善修平等寂靜道, 諸根嫡悅常清淨, 具諸福慧遍莊嚴, 如那羅延有大力。 若了寂靜甘露法, 則能盡袪諸有相, 觀察世間無所依, 是為最上如來子。 是人久遇於諸佛, 種植無邊勝善根, 息除諸惑無所染。 達斯寂靜等持門,

由具正念精進力, 離於諂曲 懈怠想, 能離世間諸相故。 了知牛死即涅槃, 諸佛出現於世間, 演說寂靜解脫法, 智者了達無有疑, 永出輪迴生死海。 若人於蘊求解脫, 於寂靜法非愛樂, 唯悟蘊法不堅牢, 於佛菩提生驚怖。 能以明慧善揀擇, 離欲淨小求解脫, 著欲取相諸愚夫, 故佛於彼不開示。 若取寂滅亦是縛, 不能成就一切智, 不起一切執著心, 是名善住無相行。 能至無名安隱處, 逮得清淨佛功德, 息諸諍論伏魔怨, 能斷一切煩惱縛。 我以平等寂靜意, 稱讚牟尼福德聚, 迴向法界諸有情, 同證無上菩提果。」

爾時大梵天王知諸梵眾天子偈讚佛德,合掌向佛,而說偈言:

「牟尼善了世間法, 決定虛假如空拳, 佛常顯示袪諸妄。 亦如秋雲及電光, 如人夢中饑所逼, 遇冷上妙諸美膳, 畢竟無食亦無人, 如來證法亦如是。 又如夢中渴乏者, 得飲甘露清冷水, 應知渴飲悉皆無, 如來證法亦如是。 如夢中聞美妙言, 彼語言相實無得, 亦無說者及聽人, 了法如此無疑惑。 又如箜篌出妙聲, 彼聲本無有自性, 智者觀蘊理如然, 知蘊白性不可得。 無所作業及受報, 無作無受無眾生, 亦無受彼果報者, 佛於此理善明了。 譬如摩尼體瑩澈, 置之衣上 隨色變, 諸法自性本無塵, 隨其分別而增染。 推其響自何所得, 又如吹貝發大聲, 佛了諸法亦如是。 彼聲自性本來空, 又如世間香美饌, 彼由眾味而合成, 佛了諸法亦如是。 觀食自性本來空, 如天帝幢極高顯, 無思而現諸色像, 大仙證法亦如是。 彼幢自性本來空, 又如身藉眾緣成, 推其體相不可得,

當知諸蘊本如然, 如來證法亦如是。 能 令 聞 者 生 忻 悦 , 又如擊鼓所出聲, 彼之音響本來空, 如來證法亦如是。 如人以桴而擊鼓, 尋其聲自何方現, 復推隱沒向何方, 如來證法亦如是。 又如鼓韻無憎愛, 離濕潤緣則鳴響, 此身虚假本同然, 如來證法亦如是。 彼聲任運無所召, 如人擊鼓發響時, 了身如彼自性空, 如來證法亦如是。」

爾時世尊,知諸梵眾、大梵王等心之思念,以寂靜意讚如來已,即從口中,放大光明,令彼時會覩斯光已,堅固正見,增發淨慧。時尊者馬勝比丘,以偈問曰:

「如來今者現奇相, 放淨光明極希有, 諸天及人龍鬼神, 覩斯神變咸疑慮。 最上牟尼調御士, 現此瑞應非無因, 願佛開演光因由, 令諸時會心忻豫。 我等一心牛渴仰, 瞻奉慈容無暫捨, 若得聞佛梵音聲, 各各除疑牛信解。 如來現此神通事, 必為慈念諸眾生, 今正是時冀開示。 何緣放此淨光明, 大聖牟尼方便力, 今時機發增上心, 眾等合掌住佛前, 唯願如來速演說。」

爾時世尊為馬勝比丘說伽陀曰:

「馬勝汝矚此光明, 普為成熟有情故, 時眾若聞我所說, 則於菩提無狠轉。 大梵天王梵眾等, 善達法性除疑惑, 已於那由他劫中, 修習無邊清淨行。 於諸境界無染著, 心如虚空無罣礙, 常樂利樂諸有情, 而不取證菩提果。 彼等復於未來世, 過於無量俱胝劫, 成就無邊大忍力, 具足修證解脫門, 然後得成無上道, 號曰大忍力如來, 調伏攝化諸群生, 觀諸世間皆空寂。 同昔修行諸劫數, 彼佛壽量極長久,

具大威德及名稱, 能拔有情生死苦。 富樂豐饒無與等, 彼佛剎土極嚴淨, 設於那由他劫中, 說其功德不能盡。 彼佛說法難思議, 自性空寂無所依, 其國所有諸眾生, 成熟善根無損減。 無一復受後有身, 皆盡輪迴苦邊際, 亦無鬼畜地獄名, 唯有遷流諸行苦。 由悟諸行無常故, 各發勝願生厭患, 是故彼國諸有情, 皆能永離老病死。 又彼有情善修作, 耳不復聽餘音聲, 唯聞無我及無常, 苦空寂靜無相法。 奉持佛語不放逸, 常修純淨直實行, 最上最勝菩提道。 趣求甘露解脫門, 彼十所有諸塔寺, 若牆若壁林木等, 皆出清淨妙法音, 閏者咸登不退地。 此是如來神力故, 演斯八種梵音聲, 間已棄背 牛死流, 求證寂靜直常樂。 其國所有諸眾生, 已於過去河沙劫, 為菩提故久修行, 今當次第得成佛。 大梵天王梵眾等, 由常修證寂滅理, 爾時彼佛及眾生, 同飡寂滅甘露味。 未曾暫起疲勞想, 復觀眾牛界本空, 故能漏入諸法性, 常修寂靜無相行。」

父子合集經光音天授記品第二十一

爾時會中,有八十俱胝光音天子,見諸阿脩羅王乃至梵天王等,於世尊所,各現神變作諸供養,復聞如來與授阿耨多羅三藐三菩提記,歡喜踊躍,得未曾有。是時天主,即從座起,偏袒右肩,頭面敬禮,住立佛前。白言:「世尊!有三摩地,名照明諸法。若有菩薩,善修習此三摩地者,則能入解一切諸法;復能獲得無量辯才,所謂:無著辯才、加持辯才、善巧辯才、美妙辯才、適意辯才、離縛辯才、安隱辯才、甚深辯才、微妙辯才、無等辯才,乃至獲得如來所有最上辯才。世尊!何故名為照明諸法三摩地?若菩薩摩訶薩得此三摩地者,於一切法無有尋伺及彼作意,若離此者,則無疑惑。若於諸法斷除疑惑,於一切處通達無礙。何以故?以彼諸法離自性故,若了諸法自性無有,彼菩薩則能入解阿字義門。所謂阿者

無作,阿者普遍,阿者非有為,阿者非無為,阿者無不成就,阿者無所依止,阿者非動,阿者非亂,阿者非針別,阿者非離分別,阿者非畢竟,阿者非散壞,阿者非形色,阿者非顯色,阿者非住持,阿者非定住,阿者非知議,阿者非是,阿者非去來,阿者非己,阿者非盡,阿者非無盡,阿者非相,阿者非對治,阿者非覆障,阿者非盡妄,阿者非無盡,阿者非二,阿者非不二,阿者非實,阿者非虛妄,阿者非求,阿者非離求,阿者非爭,阿者非離,阿者非難,阿者非離執,阿者非離執,阿者無生無所不生,無少法可生,阿者無滅,無所不滅,無少法可滅,阿者不空,無所不空,阿者無相,無所不相,阿者無願,無所不願。如是解已,知非戲論,是名入解阿字義門。

「世尊!又復諸法從意中生,由阿字故引生達字,若能入解達字門者,則能入解一切教法。所謂入解有為法、無為法、有表法、無表法、世俗法、勝義法。世尊!勝義法者,唯一真如,以言詮顯,何由能解?世尊!如人夢中作種種事,夢境非實,但有假名,覺已了知,皆由心造。世尊!如空谷中傳於音響,自性無實,從和合生。世尊!如幻化人作諸幻事,愚夫不了,謂為實有。世尊!又如陽焰妄生水想,智者了知,本無其體。世尊!又如鏡中,現諸色像,妄生分別,實不可得;諸法性空,亦復如是。但為悅豫彼愚夫人,畢竟諸法本來寂靜。世尊!我昔曾聞先佛所說勝義諦法,得真實見。」

是諸天子,作此說已,佛所印可,頭面作禮,以偈讚佛:

「世尊善達第一義, 故能展轉說諸法, 諸有聰慧佛直子, 於佛教海能遊戲。 世間少智愚癡人, 由著我故不能解, 十方求之不可得。 我及我所本來空, 如見陽焰本非水, 愚夫妄想作水解, 如是顛倒執為我, 皆由染慧迷真智。 由於五欲生愛樂, 備受牛死諸楚毒, 愚夫枉墜於諸趣。 諸蘊自性本來空, 彼無下智心狂亂, 於諸苦境妄為樂, 為三毒火鎮燒然, 未掌覺悟生怖畏。 愚夫不厭諸垢惑, 如隨怨賊為親友, 閏如來說勝義空, 扳牛驚怖或輕毀。 猶如世間怯弱人, 雖持利劍心憂怖, 所謂微密一阿字。 如來演暢正法門,

出生最上直實慧, 如平坦地生喬木, 善能降伏眾魔軍, 速證無上菩提道。 牟尼有諸勝弟子, 了達如是第一義, 見餘毒者施法藥。 既自消伏三毒垢, 以八正道大船筏, 運載群牛出有海, 今知諸法本來空, 息諸異論妄分別。 夙昔曾修彼善根, 明人捨邪歸正道, 了法體性本來空, 心無所著即解脫。 若達法性即同佛, 是名大智那羅延, 亦無繋縛及縛者。 諸法性空無所空, 真如寂滅離諸相, 體非垢染亦非淨, 以其法爾本如然, 非煩惱縛亦無斷。 如是了知諸法性, 是人不久得菩提, 自能得度亦利他, 善談正理不希報。 有情常生虚妄想, 於境執著男女相, 增長愚癡染污心, 猶如渴鹿奔陽焰。 由彼彼業生諸趣, 此業皆由妄想生, 了業體性本來空, 畢竟無有能作者。 我等解佛所說義, 顯示難思妙法門, 歸命牟尼大導師, 諸根寂靜無所著。 如來清淨無瑕穢, 成就無邊功德海, 堪受諸天妙供養。 於三界中作照明, 我等於今大會中, 稱讚能仁大福聚, 善哉無比二足尊, 究盡諸法實相義。 以此所獲善根力, 迥施三有諸眾生, 願於未來淨十中, 悉能成就菩提果。」

爾時世尊,知諸光音天子心之所念,於佛法中明了通達,具足殊勝廣大辯才,希望如來與授佛記。即於口中,放大光明。時尊者馬勝比丘覩是事已,合掌向佛,以偈問曰:

「大悲救護世間者, 成就吉祥功德聚, 以方便力息群疑, 放此光明極希有。 眾會若聞佛所說, 心生淨信決定解, 勤修妙行趣菩提, 超出輪迴生死海。 一切天人阿脩羅, 為老病死所逼切, 如來常以大悲心, 救濟令修八聖道。 彼由勇猛大精雄, 深心堅固無退屈,

樂修如是妙法門, 誓證菩提求佛智。 今此會眾無餘念, 一心瞻仰佛慈顏, 願聞如來微妙音, 決除疑網生忻慶。 親佛現斯神變事, 口中放此淨光明, 譬如痼疾遇良醫, 亦如嬰兒顧慈母。 何人請問深法藏, 滿足廣大悲願力, 獲得最上祕密門, 感佛現斯希有事? 眾會心皆大歡喜, 冀聞佛說光因緣, 修習如是三壓地。」 各能具足清淨心,

爾時世尊為馬勝比丘說伽陀曰:

「馬勝具足妙辯才, 能應群心發斯問, 今正是時說此因, 斯則如來神變力。 此諸光音天子眾, 往昔曾供無數佛, 觀察世間苦眾生, 誓求佛道而濟度。 决定當得一切智, 已修廣大直實行, 為彼深著邪見者, 指示咸令歸正道。 彼等由聞佛正教, 深入義味生尊重, 猶如世間諸女人, 喜得牛男心滿足。 志求無上佛菩提, 是諸天子心清淨, 曾於那由他劫中, 修習利他殊勝行。 皆能發起大乘心, 所化眾生無限量, 具足福智相嚴身, 星宿劫中皆作佛。 彼諸天子成佛時, 國十無量百千億, 廣博殊妙不思議, 種種莊嚴無與等。 三惡趣及八無暇, 彼諸佛剎未嘗聞, 亦無求證二乘人, 各各咸登不退地。 又彼諸佛剎十中, 有情壽量悉同等, 满足十億恒河沙, 常能承事於諸佛。 若令那由他眾生, 依二乘法取滅度, 不如能化於一人, 或男或女修大行。 以初福聚比於此, 百千萬分不及一, 何況勸勵於多人, 安住大乘菩薩道。 馬勝汝今當諦聽, 如來出世甚希有, 譬如優曇鉢羅花, 經無邊劫難值遇。 善巧方便說法師, 能示真實無為道, 志求寂靜菩提者, 應當恭敬常親折。

那由他數諸天子, 散妙寶衣從空下, 復以清淨妙伽他, 稱讚如來勝功德。 佛說寂靜甘露法, 能袪眾生煩惱熱, 若依如來教奉行, 漸次得成無上覺。」

父子合集經卷第十

父子合集經卷第十一

西天譯經三藏朝散大夫試鴻臚卿宣梵大師賜紫沙門臣日稱等奉 詔

耀

遍淨天授記品第二十二

爾時會中,有十二那由他遍淨天子,見諸阿脩羅王乃至光音天等, 於世尊所設諸供養,復聞如來與授佛記,心生歡喜,得未曾有。此 諸天子,已於過去無量佛所植眾德本,入解正法,充足法財,有大 神力,自在無礙,從座而起,頭面禮足,白言:「世尊!有三摩 地,名超諸法樂,若菩薩摩訶薩,獲證如是妙三摩地,所作事業離 諸攀緣,得最上樂,不生苦受,無一因緣,而非樂想。假使入於諸 地獄中,種種苦具,治罰逼迫;由是菩薩三摩地力,一切苦惱悉為 快樂。如彼世間諸有情類,造作諸惡、不律儀事,劫奪他財,王法 所戮,或截耳鼻,或斷手足,或杖捶打,或繩繋縛,為諸獄卒禁閉 同
国
,
雖
受
楚
毒
,
心
無
追
悔
,
為
貪
所
蔽
,
翻
如
樂
想
。
又
諸
有
情
,
傭 力自濟, 艱辛求索, 以苦為樂, 謂裁衣者、造蠟炬者、壓蔗漿者、 作伎樂者,造飲食者,供象酒者,或然酥燈及油燈者。如是等輩種 種所作,或不如法,或復遲惰,為彼主者呵罵驅遣,受諸陵辱,皆 如樂想。又如世間諸俳優者,令他喜悅,易己形狀,作鵂鶹面,或 師子面,或打或縛,翻為樂想。何以故?以彼眾生作業決定,為貪 所使,心無悔故。菩薩摩訶薩亦復如是:為利有情,能於生死長夜 之中,修習種種難行苦行,志求阿耨多羅三藐三菩提,乃至救濟饑 渴眾生, 噉己血肉, 常生樂想。或於菩薩惡罵捶縛, 及斷命根, 雖 受苦惱皆生樂想。如是具足廣大願力,能與眾生種種快樂,長時修 作無有間斷,則能獲得彼三摩地,不為惡魔之所動亂,復能破壞一 切魔業,當得如是五種自在。何等為五?一者、壽命自在,二者、 所生自在,三者、業報自在,四者、尋伺自在,五者、受用自在。 彼菩薩若求一生成等正覺,由得如是妙三摩地,即能如意滿菩提 願。若不速求無上菩提,則能久住無量無數阿僧祇劫,利樂有情, 嚴淨佛土。何以故?由彼菩薩從初發心,普為攝受一切有情,不怖 惡道,於彼受生,皆令習學諸菩薩行,善巧方便通達諸法,成熟般 若波羅蜜多;是為善住菩薩乘者。世尊!若菩薩樂修如是三摩地 者,當知是人,皆是如來威神功德之所加持,則能決定入解諸法自 性本空,無有疑惑。」

時遍淨天子作是說已,合掌作禮,以偈讚佛:

「我等遍淨諸天子, 頭頂禮敬調御師, 如來以大智慧力, 歸依最上牟尼尊, 諸法自性無所有, 妄想攀缘悉了知, 如是六趣諸眾生, 谷響求之自性無, 人中最上釋師子, 彼無我相亦無人, 如來大慈無與等, 演實相法妙難思, 佛觀眾生界平等, 故能憐愍諸世間, 我今於佛智慧海, 清淨慈門利有情, 如來最勝天中天, 而於十方世界中, 既無眾生亦無苦, 已能除潰諸憂疑, 佛於諸趣不見苦, 以此愍念於有情, 無苦無救無眾生, 佛知法性本如然, 如來出現於世間, 不見慈悲喜捨心, 不見行於放逸者, 知佛如是方便門, 牟尼常說四念處, 我於佛教如是知, 佛說觀受不可得, 乃至受者亦復然, 佛說觀心及觀法, 亦不見有所修念, 我今不見有諸法, 佛以念處度眾生, 復說念與法和合, 我於佛教如是知,

於佛正法能了知, 諸根寂靜無所畏。 悉能破壞諸魔軍, 引導群萌登彼岸。 亦復畢竟無所住, 猶如幻師明幻事。 皆從虛妄因緣有, 如來證法亦同彼。 觀諸妄法悉皆空, 及與眾生壽者想。 為度愚夫出世間, 一切無能測量者。 常起清淨無緣慈, 畢竟不見眾生相。 心無垢染離諸疑, 堪受諸天廣供養。 常於眾生起慈護, 求其苦性不可得。 是故如來無所緣, 獲證直常寂靜樂。 亦無所證大菩提, 皆令棄背牛死縛。 亦無菩提而可得, 故我於佛伸妙供。 以四無量利含識, 亦不見有眾生相, 亦復不見修聖道, 故我於佛興供養。 觀身畢竟不可得, 今得供養救世者。 以受無有真實性, 故我於佛興供養。 二相求之不可得, 及以安住念處者。 亦復不見修法者, 彼念自性常空寂。 欲求解脫應修習, 今得供養一切智。

念處一尚不可得, 是故我今達佛意, 如來常說四下勤, 斯則能為解脫因, 如是無解亦無縛, 而復不壞其假名, 佛說如意四神足, 諸根寂靜解脫人, 又彼如意及神足, 非動非靜非無作, 今此眾會諸天子, 我於佛教正了知, 此為最上法供養, 如來妙智無等倫, 又復牟尼說五根, 出生福智二資糧, 所謂信進念定慧, 我於佛法無有疑, 如來宣說五種力, 息諸煩惱破諸魔, 如是諸力無能屈, 我於佛法離諸疑, 大仙開示七覺分, 善修習者諸有情, 牟尼復說八聖道, 常修聖智現其前, 如是聖智及諸惑, 諸天於此得無疑, 於奢壓他善修習, 如來曠劫悉圓成, 如是相應因與果, 諸天於此得無疑, 說不淨觀除貪欲, 以其智慧遣愚癡, 彼皆無作無罪相, 諸天於此得無疑, 又復佛說十不善, 惡言綺語貪恚癡,

況復說有二三四, 畢竟無受苦樂者。 有諸比丘專修習, 得越輪迴生死海。 無佛無法及菩提, 故我於佛伸敬禮。 最上殊勝安隱樂, 修此能得涅盤道。 諦觀彼體不可見, 如是顯現難思議。 而不見有眾生想, 皆能遠離諸疑惑。 唯佛堪任受此供, 故我一心生讚歎。 此法能得菩提道, 善觀察者除放逸。 不見能修及所得, 是故今當興供養。 能除邪見心諂曲, 趣向無為寂靜道。 無有所縛及縛者, 今當供養調御士。 最上清淨菩提道, 得證真常安隱處。 成熟眾生諸善根, 能盡苦陰諸纏縛。 畢竟清淨無有餘, 故我供養人中聖。 毘鉢舍那亦復然, 能斷諸惑及習氣。 及觀察者悉皆空, 故我供養牟尼主。 慈心對治彼瞋恚, 為利眾生佛所說。 是故不垢亦不淨, 由此供養無上士。 殺盜婬妄及兩舌, 此等名為十業道。 眾生非有亦無殺,餘九過惡理同然, 無善惡相無對治,以彼罪性本空寂。 此義非無佛正教,然其不壞法體性。 如是牟尼最上法,宣揚引導諸群迷, 如理作意正思惟。是名最上真佛子。」

爾時遍淨諸天子說是偈已,咸各默然,住在一面。時佛世尊,知諸天子心之所念,希授佛記,口中忽放清淨光明。尊者馬勝見是事已,合掌向佛,以偈問曰:

「善哉調御大聖主, 為利群生出於世, 甚深智慧妙難思, 而能化伏諸天眾。 窮盡諸法救世者, 現斯瑞相非無因, 能與眾生作導師, 唯冀能仁為演說。 此諸遍淨天子眾, 合掌稱讚甚希有, 瞻仰如來功德山, 聞已一心而頂受。 佛為最上天人師, 了達諸法無罣礙, 當願憐念諸眾生, 說此放光神變事。 何人於此生淨心, 解於微妙甘露句, 彼於十方世界中, 當得圓明一切智? 誰於未來佛剎土, 饒益攝受諸群迷, 善宣無上妙法輪, 降伏魔軍及異論? 是諸天子於佛教, 深入義味心決定, 唯願如來震法音, 使諸時會除疑網。 百福莊嚴無卜十, 慈心普覆於世間, 八種功德梵音聲, 咸願閏持佛教勅。 若有眾生於佛所, 樂聞正法勤修習, 堅固不退菩提心, 漸能成就一切智。 能盡有情生死苦, 如來善說微妙法, 則令佛種永不斷。」 佛子淨心當奉持,

爾時世尊為馬勝比丘說伽佗曰:

「馬勝善問放光事, 我為利樂諸天人, 汝所得福叵思量, 比喻說之尚無盡。 善哉尊者應其機, 一切大眾心忻悅, 此等遍淨諸天人, 於我法中得解脫。 往昔曾供於諸佛, 其數千億那由他,

達諸法性無有疑, 各於彼佛問斯義。 彼由往昔因緣故, 以妙伽佗讚於佛, 此生復以清淨心, 稱揚賢劫諸善浙。 成佛號日那羅延, 後於優曇鉢羅劫, 教化那由他眾生, 悉證無為寂靜樂。 同一劫中出於世, 皆名法幢下等譽, 次第皆當成佛道。 化度眾生數同等, 是諸如來化緣畢, 分布遺形諸舍利, 建立無量窣堵波, 猶若散花嚴佛剎。 如是所有眾生類, 各於舍利興供養, 咸登寂靜甘露門, 一切如來所稱歎。 若有稱彼佛名號, 發生淨信歡喜心, 得值當來彌勒佛。 當知由是善因緣, 彼得慈尊攝受故, 動加精推斷諸結, 樂修寂靜奢摩他, 漸次得成無學果。 從一佛剎至佛剎, 供養親近無疲懈, 稱揚最上佛功德。 於諸天人大眾中, 今此遍淨諸天子, 皆具威德大名聞, 深達佛智不思議, 各各頂禮如來足。」

父子合集經廣果天授記品第二十三

爾時會中,有八俱胝廣果天子,見諸阿修羅王乃至遍淨天等,於世尊所,種種施設作諸供養,奉上如來。復聞與授成佛之記,心大歡喜,得未曾有。是諸天子即作是念:「如來所說一切諸法,於三際中求不可得,一切諸根皆不可說,若能入解彼法界者,則能通達一切諸法。若能了知一切諸法,則能證得四如實諦,所謂苦諦集諦滅諦道諦,如世尊說,一切諸法皆悉空寂,無我、無人、無眾生、無夢之事,如此諸眾生本寂靜故,則無有苦;當如是知。所以者何?眾生無故,苦諦亦無。以無苦故,集諦亦無。何以故?若無是因,則無斷集。以無滅故,道諦亦無。何以故?若無集諦,則無斷集。以無滅故,道諦亦無。何以故?若無集諦,則無斷集。以無滅故,道諦亦無。何以故?無有是道,不斷集者。世尊!彼煩惱業不可得故,斷煩惱滅亦不可得。以滅不可得故,道亦不可得,不可說為過現未來。何以故?過去已滅,現在不住,未來未至。於三際中,皆不可得。依世俗諦,有種種相;若三際非有,彼則無生

亦非有滅,無想、無作、無施、無受、無說、無聽,無所說法,無 了悟者,以彼三世未曾有故。若法若空,皆不可說,眾生顛倒不能 入解,無因無緣,無名無相,無所詮表,無所趣向,自性離故皆不 可得。彼不可得亦不可得,何以故?以眾生界本非有故,若彼彼法 皆不可得,則無染淨,無作無證,無凡夫地,無聲聞地,無緣覺 地,無菩薩地,無如來地,非地非無地,此即真如寂靜無相。若說 有表、有為限量,名如來者;依世俗說,非勝義中有如來也。何以 故?法無得故。若彼如來廣大官說色界乃至識界,如是意界乃至法 界。若無法界,無所依止,亦無詮表,無四諦、無五根、無緣生 等。世尊!彼一切法隨其所在,安布建立種種名字,然不壞彼法界 體性。世尊!如彼地界,隨其方處建立名字,亦不壞彼地界本性。 如是水界、火界、風界、空界,立異名字亦復如是。世尊!又若證 入彼法界者,即能入解二十二根,所謂眼根、耳根、鼻根、舌根、 身根、女根、男根、命根、苦根、樂根、憂根、喜根、捨根、意 根、信根、精進根、念根、定根、慧根、未知、當知根、已知根、 具知根。世尊!若眼、眼體不可得,若根、根體亦不可得。何以 故?眼離自性不可見故,若法自性不有,彼即非物,以非物故,即 不可作,若不可作,彼即不生。若不生者,即是不滅,以不生不滅 故,不可說為過現未來。於三世中無生滅者,彼即非眼,亦非眼 根;何有作用世俗詮表?世尊!譬如空拳中無有物,但誑愚童,唯 假名爾。勝義諦中,以至空拳,所立名字,亦不可得。如是乃至眼 及眼根,於勝義中,亦復非有。 父子合集經卷第十一

父子合集經卷第十二

西天譯經三藏朝散大夫試鴻臚卿宣梵大師賜紫沙門臣日稱等奉

譯

詔

廣果天授記品之餘

「世尊!如是色蘊無有分量,無所住持,亦非入解。何以故?以色 自性不可得故。若諸法非作則無積聚,由積聚故說名為蘊。猶如世 間造立舍宅,宮殿、樓閣、戶牖、軒檻、園林、渠流、牆塘圍遶, 多物積聚,名為城邑。當知彼色本來非有,復以何法名為積聚?以 無積聚,亦無彼蘊;受、想、行、識亦復如是。若於諸蘊各得入 解,所造淨色任持自性皆不可得;當知地界、地界性畢竟清淨,乃 至風界、風界性皆畢竟清淨。何以故?自性離故。復何說有過現未 來生滅等相?是故色蘊不可分別,受、想、行、識亦不可分別。世 尊!又若眼處自性非有,本來清淨亦無有苦,但是世俗假名顯示, 彼名及體俱不可得。何以故?實無少法得名為眼,亦無少法得名為 處,如是耳、鼻、舌、身、意,色、聲、香、味、觸、法等處,自 性非有,本來清淨,苦及苦名,皆不可得。世尊!又彼眼界,無少 可得。何以故?若眼離眼性故,若界離界性故,乃至法界亦復如 是。由自性離彼則非物,以非物故則非所作,非所作者則無有生, 若無生者亦無有滅,若不生不滅即無過去現在未來建立施設。當知 諸法本離自性,若法離自性者,無名相、無作用、無可說、無稱 讚、無授記。」彼諸天子作是說已,時會聞者心生愛樂,歡喜踊 躍,快得善利。

時彼天主,即從座起,前詣佛所,白言:「世尊!有三摩地名無量義門,若菩薩摩訶薩能修習是三摩地者,則能獲得無量辯才,所謂相續辯才、相應辯才、正說辯才、無著辯才、不謬辯才、微密辯才、甚深辯才、善巧辯才、美妙辯才、正論辯才。得如是等殊勝辯才,各各入解無量法門,具足正見達諸法性,捨離攀緣滅除癡暗,了勝義法,入總持門,入解蘊,入解處,入解界,入解諸根,入解四諦,入解緣生,入解眾生,入解無眾生,入解有想,入解無想,入解有形,入解無形,入解我,入解無我,入解空,入解不空,入解相,入解無相,入解願,入解無願,入解出離,入解不出離,入解有為,入解無為。於如來教,不可詮表,但唯假名,世俗分別,非言說、非無言說,非思議、非無思議,非見、非無見,非聞、非無聞,非覺、非無覺,非知、非無知,非了別、非無了別,非悟,非帶,非覺、非無得,非對、非無對,非證、非無證,非白非黑,非明非暗,非淺非深,非清非濁,非安非動,非縛非解,非順

非違,非染非淨,非去非來,非生非滅,非智非愚,非成非壞,非 道非非道,非執非離執,非眾生、非無眾生,非壽者、非無壽者, 非我、非無我,非有、非不有,非空、非不空,非相、非無相,非 願、非無願,非出離、非無出離,非有為、非無為,非斷非常,非 邪非正,非真非假,非實非妄,非住、非無住,非依止、非無依 止,非解脫非離解脫,非觀察非現證,非輪迴非涅盤,非凡夫境 界,非聲聞境界,非緣覺境界,非菩薩境界,非佛境界,非境界非 非境界。若能如是入解法界,則能入解十二緣生;所謂無明緣行, 行緣識,乃至憂悲苦惱為大苦聚。

「世尊!又彼無明性不可得。何以故?自性離故。若法自性離者彼 則非物,以非物故則畢竟清淨,亦無生滅非三世攝,無名、無相不 可顯示,亦無記別。但為成熟愚夫、異生,假名安立生諸戲論,於 勝義中實不可得。世尊!又若無明無自性者,云何能生彼行支耶? 以無明無故,行支亦無;乃至無彼生緣老死。世尊!若法不生,云 何有老?若無老者,亦無有病及以滅故。即彼三世諸佛菩提,但唯 世俗,名字施設;非勝義諦,作如是說,所言無明即是菩提,諸有 支等亦即菩提。如是入解十二緣生,即是入解真實法界。世尊!如 來不生,一切法亦不生;是故無生法即是如來。世尊!如來不滅, 一切法亦不滅;是故不滅法即是如來。世尊!如來無相,一切法亦 無相,是故無相法即是如來。舉要言之,如是無名無相,不垢不 淨,非愛非憎,法界不可識,亦復不可知。世尊!真如者即是如 來,一切諸法即是真如,是故一切法即是如來。世尊!實際者即是 如來,一切諸法即是實際,是故一切法即是如來。世尊!隨所有法 即是如來,於其法中即有一切法,是故一切法即是如來。世尊!若 有人言:『如來得阿耨多羅三藐三菩提者。』當知此人是執著見。 何以故?如來無二,菩提亦無二,以無二故而無所得。世尊!若有 人言: 『如來轉於無上法輪。』當知是人為執著見。何以故?實無 少法如來可得,以諸法性非隨轉故。世尊!若有人言:『如來化度 無量眾生。』當知是人是執著見。何以故?實無眾生如來度者。世 尊!若有人言:『如來緣盡入般涅盤。』當知是人是執著見。何以 故?法性常住,非生滅故。若有眾生,於我所說如是法要,能信解 者,當知是人於阿耨多羅三藐三菩提得不退轉。世尊!假使法界有 其變異,若善男子、善女人深信是法,於佛菩提而退轉者,無有是 處。」時諸廣果天子於如來前,說己所證勝義法已,頭面禮足,右 遶三匝,一心合掌,以偈讚佛:

「歸命牟尼大聖主, 具足勝慧無過上, 憐愍世間諸有情, 常說如是第一義。

成就無量功德聚, 既自了達諸法性, 万蘊 自性本非有, 譬如膠著獼猴身, 蘊體求之不可得, 如以瓔珞飾虚空, 又復牟尼作是說, 猶如深谷傳於聲, 愚癡凡夫由此縛, 如持珠寶莊嚴風, 彼一切智作是說, 如示空拳但有名, 凡愚妄想執為有, 展轉輪迴三有中, 又復如來作是說, 如諸影像現鏡中, 無智疑惑不能了, 猶如深淵墮網魚, 眾生本空法亦空, 如依壁繪十夫形, 愚夫執著生愛樂, 因緣自性無所依, 緣生之法剎那有, 如人夢中受五欲, 無始有情妄分別, 若能達彼法性空, 諸法寂靜離言說, 諸法寂靜本來空, 諸法寂靜離諸相, 佛於三界無所著, 佛於諸法離諸怖, 廣宣下教破群迷, 佛於諸法離分別, 此唯如來方便門, 或有眾生作是說, 或有眾生作是說, 或有眾生作是說, 或有人作如是說,

救拔輪迴諸苦因, 復能開示於群品。 應知但誑彼愚夫, 無智疑惑不能脫。 無所依止絕攀緣, 智者於斯得解脫。 諸入自性悉皆無, 彼響尋之何所有。 於真諦法不了知, 智者觀之無所著。 諸界本來常空寂, 許誘愚童實無得。 由於勝義不能解, 譬如商人继巨海。 諸根自性常清淨, 畢竟尋之本非有。 為彼纏縛何由脫。 依真勝義無所得, 智者觀之非有我。 皆由不達於正教, 如彼卵生出其縠。 暫起即滅罪 堅牢, 覺位推求何有樂。 常為境界之所縛, 如彼飛禽脫籠網。 佛能於此證法性, 佛能如是歸圓寂。 佛能宣暢第一義, 如來由是出於世。 由不起彼自他想, 故稱善導眾生者。 而能助顯第一義, 非是凡夫之境界。 如來已證大菩提; 如來能轉妙法輪; 如來已度河沙眾; 佛於輪迴久解脫,

饒益無量眾生已, 入於寂靜大涅盤。 皆是凡夫所執見, 為彼魔黨之所持, 以不了故不知佛。 於勝義法不了知, 若有達斯正法者, 是人決定得菩提, 廣能救度諸世間, 具足最上功德聚。 如是吉祥寂靜法, 體即真如無變異, 唯有牟尼能證知, 我已善達實相義。 今此廣果諸天子, 於甚深法心決了, 恭敬合掌無異緣, 住立佛前廣宣說。」

爾時世尊知彼廣果諸天子等,畢竟悟入第一義諦,亦能增長時眾善根,即於口中放大光明。時尊者馬勝,矚斯相已,合掌向佛,以偈問曰:

「具足福智無上士, 何因現此神變相? 我曾往昔從佛聞, 若放淨光為大利。 能 今 眾會 心 泰然, 如來現此奇相已, 咸願親聞佛所說。 諸天及人阿脩羅, 牟尼今者有何故, 口中忽放清凉光? 大眾合堂住佛前, 瞻仰尊顏無暫捨。 佛為無上天人師, 願速演斯希有相, 一切世間諸有情, 若聞佛說除猶豫。 今此廣果天人眾, 各各自知成佛事, 彼無所證亦無修, 何人所作何所得。 如來八種梵音聲, 眾牛聞已咸忻慶, 隨順下理如法行, 悉能護持於佛教。 我等眾會生渴仰, 冀於佛所得親聞, 若蒙佛說宿修因, 增長人天諸善利。 彼諸天子久植本, 决定成就一切智, 當度無量苦眾生, 今悟直如法自性。 」

爾時世尊為馬勝比丘說伽陀曰:

「善哉馬勝發斯問, 我當為汝分別說, 為利廣果諸天人, 於大眾中現此瑞。 如來具足一切智, 有三種因放光明, 隨順觀察彼機緣, 現此吉祥神變事。 或有樂住涅盤者, 小智求彼聲聞乘;

或有愛樂默然者, 或樂為世大導師, 故我觀察彼善根, 若求聲聞得度者, 為求緣覺解脫人, 馬勝當知最上光, 如其次第下中上, 若為聲聞放光明, 若為辟支佛淨光, 若為求彼無上道, 隨其勝劣有所表, 馬勝比丘當了知, 若光漸次復增廣, 等佛身量遍莊嚴, 如是變現淨光明, 若光出已猶如蓋, 有光如華住空中, 或光三匝入佛身, 當知如來所現相, 今此廣果諸天子, 已經那由他劫中, 常樂說是勝義法, 誓求無上大菩提, 過三十六俱脈劫, 救度無邊諸有情, 然後皆當得作佛, 其劫稱為勝金幢, -如來出於世, 佛身猶若淨日輪, 彼諸如來壽長遠, 各各仆度諸聲聞, 假使算師及弟子, 化菩薩眾亦無邊, 如是此諸菩薩眾, 由是堅固菩提心, 彼諸如來化緣畢, 十二那由他劫中, 當其正法廣流布,

志求緣覺菩提果; 求佛菩提利含識。 隨其樂欲而施設。 即為彼放下品光; 放中品光而濟度。 與諸天子授佛記。 顯示三乘得果證。 其光出已從足沒; 現已即向臍中隱; 其光從佛頂門入。 今與諸天記佛果。 我今復說光明相, 從空宛轉而右旋, 赫奕循若融金聚, 當知記別佛剎十。 於上遍覆如來身, 煥然顯發端嚴相, 斯皆記別佛壽命。 善應群機信樂心。 满足八十俱胝數, 承事供養於諸佛。 仆利含識不疲勞, 勇猛勤修無退屈。 具修福慧植善根, 悉今離苦獲安隱。 同名號曰那羅延, 各於異剎成正覺。 國十清淨妙莊嚴, 具智光明功德聚。 住世過於那由劫, 其數廣多無有量。 比喻校計不能知, 與聲聞數等無異。 一同先佛所修行, 皆能成就一切智。 正法久住於世間, 為諸佛子常守護。 有發菩提大心者, 數量猶如殑伽沙, 各各勤修菩薩行。 如是彼佛滅度已, 所有證悟聲聞人, 悉皆求趣於涅盤, 猶如薪盡火隨滅。 大眾今聞佛所說, 咸發淨心生信解, 一心頂禮如來足。 歡喜住立於佛前, 以無與等妙供養, 奉上調御天人師, 咸發堅勇精進心, 如救頭然求出離。 常樂親近說法師, 勤修勝慧波羅蜜, 此是最上真實門, 汝等比丘善修學。」

父子合集經卷第十二

父子合集經卷第十三

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

淨居天子說偈讚佛品第二十四

爾時會中有無數淨居天子及無量眾生,於佛法中,心得覺悟,離諸疑惑,深生愛樂,歡喜踊躍,得未曾有,一心合掌,住立佛前,各以伽陀,稱讚於佛。

爾時善施天子而說偈言:

「佛昔捨身命, 國土及妻子, 圓滿彼施行, 故我稽首禮。」

爾時淨戒天子而說偈言:

「堅固持淨戒, 離一切垢染, 能渡於彼岸, 頂禮具戒者。」

爾時安忍天子而說偈言:

「佛廣修忍行, 為他斷肢節, 不生怨恨心, 得成無上慧。」

爾時精進天子而說偈言:

「大雄猛世尊, 捨生死重擔, 勤修無退屈, 速至於菩提。」

爾時靜慮天子而說偈言:

「如來大威德, 常棲止禪定, 不著彼世間, 三際悉平等。」

爾時勝慧天子而說偈言:

「如來勝慧力, 知眾生諸行,

如業而受報, 隨界趣流轉。」

爾時明福業天子而說傷言:

「若修彼福業, 勝報常現前, 餘不能了知, 此唯佛境界。」

爾時了罪性天子而說偈言:

「眾生由惑業, 常貪求彼物, 於心若了悟, 一切悉通達。」

爾時善巧智天子而說偈言:

「若人於佛智, 善思惟分別, 常念如己物, 菩提不難得。」

爾時善巧行天子而說偈言:

「若起諸惑業, 內心非所思, 了罪性本空, 此為證法者。」

爾時遍趣行天子而說偈言:

「若人造諸行, 隨善惡流轉, 受好醜之報, 佛眼悉知見。」

爾時離攀緣天子而說偈言:

「若於所受報, 能了知攀緣, 雖生諸趣中, 常與智隨轉。」

爾時隨順善巧天子而說偈言:

「若造作諸惡, 或修習眾善, 皆由先業故, 隨所生受果。」

爾時業善巧天子而說偈言:

「了三世業行, 斷故不造新, 愚夫無正慧, 隨惡而流轉。」

爾時果善巧天子而說傷言:

「或因少果多, 或因多果少, 於此不了知, 為愚癡外道。」

爾時了知業行天子而說偈言:

「善因生勝處, 惡業墮險難, 隨眾生所行, 如來悉明了。」

爾時見法樂天子而說偈言:

「若人受福報, 而不了善法, 彼為自欺誑, 不久當墮落。」

爾時善受牛天子而說偈言:

「若造諸勝業,順生受其報, 唯佛正了知,世間不能解。」

爾時善受名天子而說偈言:

「若業經多生, 或俱胝劫數, 展轉于今身, 受報佛能了。」

爾時受報成熟天子而說偈言:

「若此業和合, 彼有情受生, 皆從昔因緣, 如來悉明了。」

爾時根未成熟天子而說偈言:

「彼根未成熟, 樂作不善行, 遠離二足尊, 不希望解脫。」

爾時善成熟天子而說傷言:

「若業已成熟, 及未成熟者, 業性本來空, 隨心之所造。」

爾時決定受天子而說傷言:

「眾生所作業, 若重若輕微, 如來悉證知, 受報無差忒。」

爾時了罪相天子而說傷言:

「若造眾惡行, 當墮於惡趣, 或外遇良緣, 轉重令輕受。」

爾時明業報天子而說偈言:

「積集諸罪惡, 為彼所纏縛, 不畏未來苦, 此邪見外道。」

爾時善思惟天子而說傷言:

「能思擇善行, 少善招勝報, 如以涓渧水, 置海永無減。」

爾時入解諸法天子而說偈言:

「若人能永盡, 有漏分別業, 當證無學果, 是如來所說。」

爾時證佛智天子而說偈言:

「佛眼悉明了, 三世諸業果, 種習無遺餘, 敬禮遍知者。」

爾時業無餘天子而說偈言:

「世間諸有情, 或此生彼滅, 如來已永盡, 得稱無畏者。」

爾時離攀緣行天子而說偈言:

「眾生所行行, 唯趣於生滅, 果報如夢幻, 此如來所說。」

爾時伏諸惑天子而說偈言:

「愚癡著欲者,如渴飲鹹水, 是故調御師,觀之如夢事。」

爾時離分別天子而說傷言:

「由貪癡過患, 起分別執著, 智者善了知, 夢中何有樂。」

爾時息虛妄天子而說偈言:

「夢中說夢事, 從顛倒所起, 如來所教勅, 當求寂靜法。」

爾時觀察漏盡天子而說偈言:

「如人於夢中, 見天雨洪注, 了夢體本無, 應知漏非有。」

爾時了夢境天子而說偈言:

「夢境本為假, 何曾見其漏, 展轉妄想生, 而作於漏解。」

爾時達真常天子而說偈言:

「如世間童女, 夢已生於子, 生已而夭殤, 何有別離苦。」

爾時尋夢境天子而說偈言:

「如人於夢中, 為他斷己首, 彼識本無得, 誰為能斷者。」

爾時正觀察天子而說偈言:

「彼智了諸法,如夢境和合, 無喜無別離,此為真勝義。」

爾時智心天子而說偈言:

「從佛聞正法, 心了若虛空, 夢中尋夢因, 法性本如是。」

爾時意喜天子而說偈言:

「汝等諸天人, 常樂在禪定, 了知彼世間, 猶如鏡中像。」

爾時善慧天子而說偈言:

「如來所說法,如箜篌發聲, 饒益諸天人,故我稱讚禮。」

爾時了幻化天子而說偈言:

「幻人作幻事, 愚夫不能了; 智者所了知, 一切皆如幻。」

爾時定中變化天子而說偈言:

「如來出於世,如夢中見幻, 善達佛理者,於此無疑惑。」

爾時如幻化天子而說偈言:

「幻師知幻法, 於幻能變現,

由了彼幻故, 則見諸法性。」

爾時分別觀智天子而說偈言:

「汝觀世間佛, 起思惟分別, 夢中見佛身, 於法何所說。」

爾時離思惟天子而說偈言:

「無物不生貪, 由貪而積聚, 無思亦無貪, 見佛亦如此。」

爾時正智天子而說偈言:

「深谷本無聲, 亦無彼聽者, 如是達佛理, 於世無所著。」

爾時善說天子而說偈言:

「如人聞谷響, 彼聲不可得, 愚夫不了知, 妄執以為實。」

爾時各各入解天子而說偈言:

「諸愚夫執著, 不達勝義法, 若了法性者, 自他無疑惑。」

爾時求利益天子而說偈言:

「最上勝義法, 諸佛等無異, 無說亦無聽, 及彼領悟者。」

爾時入解法天子而說偈言:

「斷諸煩惱垢, 分別所分別, 離染得清淨, 牟尼之所說。」

爾時善思惟天子而說偈言:

「於諸法名數, 斷有漏煩惱, 心淨無瑕穢, 是名真佛子。」

爾時無依止天子而說傷言:

「心等於虛空, 三界無所著, 善善施不希報, 寂靜無畏者。」

爾時無染污天子而說偈言:

「於欲離諸貪, 色無色亦爾, 牟尼心平等, 如空無障礙。」

爾時無希望天子而說偈言:

「於欲不希望, 色無色亦爾, 離和合相應, 歸依無上王。」

爾時拔愛欲天子而說傷言:

「由斷彼愛垢, 拔三有毒箭, 敬禮調御師, 永超於彼岸。」

爾時降伏愛天子而說偈言:

「發最上精進, 伏除世貪愛, 常起大悲心, 是為救世者。」

爾時離相應愛天子而說偈言:

「離相應愛欲, 不復受輪迴, 歸依無上尊, 如蓮超濁水。」

爾時達法性天子而說偈言:

「歸依離縛者, 善達實相義, 明了諸法性, 其心無所畏。」

爾時超欲泥天子而說偈言:

「貪欲如淤泥, 勇捍能超越, 敬禮牟尼尊, 不復生三有。」

爾時棄珍玩天子而說偈言:

「若人遠追求,則能離諸惡, 於珍玩無貪,心淨踰於彼。」

爾時離憂天子而說偈言:

「若人於欲境, 心不生放逸, 則能越魔網, 是為大智者。」

爾時施無畏天子而說偈言:

「自他修正行, 離憂怖熱惱, 佛以無礙辯, 令眾生覺了。」

爾時持譽天子而說偈言:

「若聞佛音教, 善思惟分別, 是人於世間, 能盡諸苦際。」

爾時無所畏天子而說偈言:

「救世釋師子, 智海廣無極, 決定了諸法, 能起對治道。」

爾時離諸怖天子而說傷言:

「敬禮天中尊, 無垢無所著, 善拔煩惱箭, 能離一切怖。」

爾時無所著天子而說偈言:

「若諸天魔梵, 請佛轉法輪, 於大集會中, 唯佛得無畏。」

爾時師子奮迅天子而說偈言:

「善說一切法, 成就一切智, 敬禮釋師子, 三界無倫比。」

爾時除驚怖天子而說傷言:

「師子依山谷, 心常離諸怖, 震吼林藪中, 馳散餘小獸。 聖主出世間, 智慧巨思議, 演法怖眾魔, 降伏諸外道。」

爾時降伏魔怨天子而說偈言:

「所來所得法, 世間無與等, 故我稽首禮, 聖中最聖者。」

爾時師子慧天子而說偈言:

「敬禮牟尼主, 眾聖之導師, 成就一切智, 通達無邊法。」

爾時隨佛受生天子而說偈言:

「如來證諸法,無能發問者, 隨佛所受生,請宣深妙義。」

爾時持藏天子而說傷言:

「佛持正法藏,無畏善宣說, 百千億有情,皆令生覺悟。」

爾時隨法行天子而說偈言:

「隨法修諸行, 能發菩提心,

於世間勇猛, 為最上丈夫。」

爾時樂法樂天子而說傷言:

「彼大心眾生, 由聞佛音教, 如法而行學, 得成無上果。」

爾時淨心天子而說偈言:

「如來梵音聲, 聞已心清淨, 雖萬類機緣, 無能發問者。」

爾時清淨眷屬天子而說偈言:

「佛於長夜中,如理修眾行, 具相好光明,得眷屬圓滿。」

爾時無漏法天子而說傷言:

「如來盡諸漏, 故能師子吼, 於未曾有法, 分別除疑惑。」

爾時達勝義天子而說偈言:

「如來大智力, 了諸法自性, 諸天及世人, 無有如佛者。」

爾時盡諸漏天子而說偈言:

「最勝大沙門, 畢竟盡諸漏, 今此大會中, 無能伸詰問。」

爾時常勇猛天子而說偈言:

「大雄大智力, 諸法無不見, 惑業盡無餘, 於問難無惱。」

爾時寂意天子而說偈言:

「永離貪過患, 瞋癡亦復然, 不起惡業思, 敬禮寂靜者。」

爾時相應行天子而說偈言:

「歸依善逝師, 永盡諸業惑, 正行常相應, 至一切智處。」

爾時相應智天子而說傷言:

「無邊相應行, 為佛所行處, 種現習亦除, 得成一切智。」

爾時相應慧天子而說傷言:

「佛以相應慧, 為世作照明, 根本諸惑因, 畢竟永除斷。」

爾時寂靜受天子而說傷言:

「永斷一切惑, 深心常寂靜, 佛子善精進, 於怖何所有。」

爾時智現證天子而說偈言:

「佛盡諸煩惱, 種現及俱生, 破眾生無明, 大悲無與等。」

爾時拔除隨惑天子而說偈言:

「牟尼天中天, 以智能覺悟, 斷增上隨惑, 及除餘習氣。」

爾時安隱住天子而說偈言:

「能仁出興世, 斷諸有漏因, 示現從母生, 為利有情故。」

爾時離諸染天子而說偈言:

「調御天人師, 離煩惱怖畏, 焚燒苦根芽, 無復餘種子。」

爾時除虛妄天子而說偈言:

「佛以一切智, 永棄無明垢, 依止清淨行, 此名善調伏。」

父子合集經卷第十三

父子合集經卷第十四

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

淨居天說偈讚佛品之二 爾時善稱讚天子而說偈言:

「佛超三有海, 能化彼難化, 是故於世間, 得稱無所畏。」

爾時達真諦天子而說偈言:

「成就一切智,滅除諸惑業, 令盡無遺餘,是名大寂靜。」

爾時法幢天子而說傷言:

「建高勝法幢, 摧堅固我慢, 無量勇健力, 示眾生正道。」

爾時法海天子而說偈言:

「牟尼說諸法, 為大法寶藏, 開導彼群迷, 令至安隱處。」

爾時法衣天子而說偈言:

「佛子住大法, 其心無厭足, 安忍離諸怖, 故能師子吼。」

爾時求法義天子而說偈言:

「佛子善了知, 當勤求正法, 聞已如教行, 速得菩提道。」

爾時渴仰法天子而說偈言:

「無量百千萬, 俱胝有情眾, 希聞佛音聲, 志固常精進。」

爾時勇法天子而說偈言:

「具廣大辯才, 摧滅諸異論, 樂修殊勝行, 得最上菩提。」

爾時持法天子而說偈言:

「佛說第一法, 甚深極難了, 印勝義皆空, 令得寂靜道。」

爾時樂勇施天子而說偈言:

「佛子善行施, 捐捨己身命, 以是因緣故, 得成最正覺。」

爾時離染慧天子而說偈言:

「堅固持淨戒, 其心無所畏, 聞佛正法音, 頂受無忘失。」

爾時無異緣天子而說傷言:

「聖主法中王, 善巧說諸法, 不求二乘果, 勤修無上道。」

爾時近住天子而說偈言:

「世雄二足尊, 為眾生出現, 分別說三乘, 究竟唯佛智。」

爾時成就辯才天子而說偈言:

「佛名遍十方, 辯才無限礙, 咸以清淨心, 於所說隨喜。」

爾時各各成就辯才天子而說偈言:

「若人無辯才, 從佛所求願, 說法除諸怖, 聞者不毀告。」

爾時常喜天子而說偈言:

「佛子住忍力, 為呵毀無恚, 志求大菩提, 常喜無怯弱。」

爾時離二乘天子而說傷言:

「為如來長子, 不樂下劣乘, 若聞佛音聲, 唯趣無上道。」

爾時無能勝天子而說傷言:

「勇猛大精進, 不怖諸煩惱, 捨緣覺聲聞, 誓求無上慧。」

爾時相續善法天子而說偈言:

「樂修淨分法, 而無有間斷, 牟尼大導師, 知彼所依處。」

爾時善說法天子而說偈言:

「攝受彼正法,如來所印可, 住堅固精進,如滿月無減。」

爾時善法性天子而說偈言:

「法自性潔白, 為客塵所覆, 皆由染污心, 如來能現證。」

爾時達正理天子而說偈言:

「法性本無染, 黑白不共住,

此正理相應, 如來之所說。」

爾時分別善惡天子而說偈言:

「一切不善法, 善力能摧滅, 若惡法增多, 違損於白業。」

爾時入正解天子而說偈言:

「由彼染污行, 白法不增長, 定為損害緣, 此如來所說。」

爾時求解脫天子而說傷言:

「染污力強盛, 心不希解脫, 隱覆一切智, 於此善決擇。」

爾時明心天子而說偈言:

「心若脫諸欲, 惡業不復生, 如來能證知, 為眾生演說。」

爾時見煩惱天子而說偈言:

「若不了正法, 不知染污行, 常違背佛言, 去聖道彌遠。」

爾時見罪行天子而說偈言:

「若不造諸惡, 善業則增益, 是故彼智人, 樂解脫安樂。」

爾時信力天子而說偈言:

「離貪恚癡行,則能越惡道,如來出世間,常如是教誨。」

爾時知善惡天子而說偈言:

「若於染淨法, 心不能分別, 佛說如是人, 為極愚癡者。」

爾時解脫行天子而說傷言:

「隨順佛教誨, 棄捨諸不善, 是人於聖道, 決定得成就。」

爾時解脫現前天子而說傷言:

「若棄諸惡法, 白業則現前, 精勤無退修, 弊魔不得便。」

爾時順正理天子而說偈言:

「諸佛所說法, 利樂於群生, 令遠離非處, 不隨彼勸請。」

爾時吉祥無畏天子而說傷言:

「不淨觀治貪, 為相應正行, 彼貪既除已, 當今障轉遠。」

爾時進趣勝慧天子而說偈言:

「慈心觀治瞋, 彼瞋得解脫, 設復遇深怨, 而不生少怖。」

爾時淨眼天子而說偈言:

「淨慧斷癡惑, 是所對治法, 彼癡已遣除, 不隨他教勅。」

爾時破疑惑天子而說偈言:

「住正念思惟, 能離諸疑惑, 設遇邪師友, 依法善調伏。」

爾時達無相天子而說傷言:

「如來說空法, 依空善安住, 既達於正理, 此不由他悟。」

爾時除我慢天子而說偈言:

「了自他我慢, 高舉何所得, 與正行相應, 皆悉令除斷。」

爾時寂意天子而說偈言:

「永斷諸疑惑, 深心常寂靜, 煩惱不復生, 安隱而得度。」

爾時觀照天子而說偈言:

「了知道非道, 依淨而離染, 隨順諸佛言, 除怖得解脫。」

爾時了世俗天子而說傷言:

「世俗唯假名, 能起對治道; 當知彼世尊, 亦假名施設。」

爾時身威儀天子而說偈言:

「以智為前導, 身業隨法行, 利樂諸有情, 得成一切智。」

爾時淨身業天子而說偈言:

「佛身業清淨, 所作無錯謬, 憐愍諸眾生, 我今歸命禮。」

爾時身業決定天子而說偈言:

「身業善決擇, 方便利群品, 信禮調御師, 為世照明者。」

爾時善觀身天子而說偈言:

「善觀察身業, 具清淨相好, 為無上丈夫, 能與一切樂。」

爾時成就語業天子而說偈言:

「遠離彼惡言, 具美妙功德, 住正念思惟, 是如來所說。」

爾時應辯天子而說傷言:

「如來梵音聲, 世間咸尊重, 善察彼時機, 非義利不說。」

爾時成就義利天子而說偈言:

「遠離不饒益, 與相應安樂, 不壞於果報 , 是先佛所說。」

爾時不相違天子而說傷言:

「未嘗邪活命, 求利而妄語, 故佛大名聞, 世所不能壞。」

爾時實語天子而說偈言:

「佛出於世間, 所說皆真實, 是故諸天人, 咸樂聞妙法。」

爾時了實際天子而說偈言:

「佛以實語故, 得成最正覺, 了緣生諸法, 名正遍知者。」

爾時超緣牛天子而說偈言:

「若有為諸法, 及諸法實性, 牟尼法中王, 如理悉知見。」

爾時決定行天子而說偈言:

「於自他所作, 身語意業行, 佛以清淨智, 悉能分別說。」

爾時定意天子而說偈言:

「佛以清淨意, 六返觀眾生, 歸命救世尊, 大悲無與等。」

爾時善伺察天子而說偈言:

「如來有所作, 威儀無缺減, 悲智常相應, 愍念於三有。」

爾時覺意天子而說偈言:

「佛心所緣處, 身語悉調柔, 於諸大眾中, 未嘗有錯謬。」

爾時明了意天子而說偈言:

「佛以意為地, 大悲觀眾生, 知法自性空, 方便令開悟。」

爾時過去善巧天子而說偈言:

「若人於往昔, 所修諸行業, 施戒忍進禪, 如來悉明了。」

爾時觀察過去天子而說偈言:

「宿植諸德本, 承事多億佛,

今滿彼昔心, 獲得菩提果。」

爾時具足相應行天子而說偈言:

「佛於無量劫, 隨處修勝行, 正念常相應, 不捨菩提故。」

爾時觀察先行天子而說偈言:

「親近諸如來, 修習善諮問, 樂住三摩地, 出生種種法。」

爾時本行相應天子而說偈言:

「過去諸佛所, 請問如教行, 於三摩地門, 觀察無疲倦。」

爾時知宿住天子而說偈言:

「生死多過失, 應作不應作, 如來了知已, 為說解脫法。」

爾時觀先業行天子而說偈言:

「昔同造諸惡, 染污業相似, 或迭相食噉, 或與之遊戲。」

爾時了前際天子而說偈言:

「如來出世間, 以禪定智力, 能知過去世, 諸趣無有礙。」

爾時知後際天子而說偈言:

「佛知未來世, 智慧無障礙, 此歿及彼生, 業報亦復爾。」

爾時知後際境界天子而說偈言:

「如來知後際, 智力無限礙, 眾生所行行, 隨業受其報。」

爾時離輪迴天子而說傷言:

「如來大勇猛, 成就無上慧, 於三有不著, 住最勝境界。」

爾時了世俗天子而說偈言:

「眾生所歸趣, 起種種憶想, 但唯假名字, 此如來所說。」

爾時觀現在天子而說傷言:

「現在勇猛尊, 智力無能壞, 河沙諸佛土, 分別無限礙。」

爾時住無畏天子而說傷言:

「聖主法中王, 照三世平等, 諸法無自性, 愚夫不能了。」

爾時智無著天子而說偈言:

「如來善調伏, 三世無所住, 以法離自性, 一切無所得。」

爾時明三世慧天子而說偈言:

「了過未無體, 蘊起條歸滅, 如是輪迴相, 牟尼之所說。」

爾時意無著天子而說偈言:

「諸法皆幻化,如陽焰谷響, 有情及世間,自性非真實。」

爾時喜三世天子而說傷言:

「如來慧無等, 能了知三世, 諸根自性空, 一切皆如幻。」

爾時樂欲行天子而說偈言:

「如來於中夜, 示現成正覺, 發勤勇樂欲, 未曾有退減。」

爾時發起樂欲天子而說偈言:

「佛為世光明, 精進無損減, 由彼大勇猛, 超出成正覺。」

爾時超欲想天子而說傷言:

「佛出於世間, 極勇猛精進, 能超欲淤泥, 如蓮不著水。」

爾時樂欲解脫天子而說偈言:

「如來出興世, 說法界平等, 唯一無二相, 故我稱讚禮。」

爾時發起精進天子而說偈言:

「如來大威德, 能警覺群品, 勤修不懈怠, 天魔不能壞。」

爾時具正念天子而說偈言:

「佛於一切處, 常起彼正念, 是故成道已, 獲得念無減。」

爾時住等引天子而說偈言:

「如來常在定, 知眾生性欲, 隨彼所修行, 而為說諸法。」

爾時尊重正智天子而說偈言:

「世尊大智海, 邊際無限量, 設經百千劫, 說之不能盡。」

爾時樂解脫天子而說傷言:

「無能勝丈夫, 樂最上解脫, 由證解脫故, 於三有不著。」

爾時相應解脫天子而說傷言:

「牟尼大聖主, 具解脫知見, 度無盡眾生, 真智無有減。」

爾時觀往行天子而說偈言:

「昔於然燈佛, 達勝義法行, 勤修不退轉, 證得大菩提。」

爾時甚深行天子而說偈言:

「佛久離諸惡, 非如餘有情, 知法自性空, 於三際無礙。」

爾時廣慧天子而說偈言:

「佛於一切智, 心不生疑惑, 正念常現前, 如持油滿鉢。」

爾時無散亂天子而說偈言:

「佛心常湛然, 未曾有散亂, 法性本無染, 眾生不能解。」

爾時安住智天子而說偈言:

「如來不共法, 甚深巨思議, 於一切眾生, 未曾不擇捨。」

爾時超諸有天子而說偈言:

「佛為天中仙, 三界無倫比, 了達一切法, 勝智無過上。」

爾時堅固不退天子而說偈言:

「堅勇最勝尊, 於法無所畏, 覺悟諸有情, 其心悉平等。」

父子合集經卷第十四

父子合集經卷第十五

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

外道婆羅門授記品第二十五

爾時會中有外道婆羅門,名鉢哩沒囉惹迦,與其眷屬六萬人俱,見諸阿修羅王、迦樓羅王,諸大龍王、夜叉、乾闥婆等,及瓔珞天、四天王天、三十三天、焰摩天、覩史多天、樂變化天、他化自在天、梵眾天、光音天、遍淨天、廣果天等,作供養已,蒙佛授記,及聞淨居諸天子眾以妙音聲,說偈讚佛,歡喜踊躍,得未曾有。時彼外道從座而起合掌向佛,而作是言:「我聞瞿曇說無我法,心不愛樂,而生疑惑,不樂住處,無家所歸。沙門瞿曇!若無我者,何故此身從因緣生?我見瞿曇神通色相,於天人中最為第一,具足成就廣大威德,令諸見者皆生歡喜。又嘗為諸廣果天子,說一切法即是如來。云何乃言無有我耶?沙門瞿曇!願為時會如實分別,我當聽受,唯有如來他心能知,令我了解,斷除疑網。」佛言:「善哉!外道!假使汝伸百千問難,我悉能答,不以為難。

佛言: '善哉!外廹!假使汝伸日十問難,找悉能答,不以為難。 我返問汝,隨汝意答。外道!云何有情最初結生入母胎中,汝知之否?」

外道答言:「我宗所說有三種因,父、母、和合,如是成胎。」

佛言:「外道!彼胎為從父貪起耶?」

答言:「不也。」

佛言:「外道!彼胎為從母思起耶?」

答言:「不也。」

佛言:「外道!彼胎為從天中退沒,入母腹耶?」

外道答言:「不知也。」

「外道!彼胎為從人趣中歿,入母腹耶?」答言:「不知也。」

「外道!彼胎為從阿修羅中、地獄中、畜生中、餓鬼中歿,入母腹耶?」

外道答言:「皆不知也。」

佛言:「外道!於意云何?彼胎為從色生,入母腹耶?」

答言:「不知也!」

佛言:「外道!於意云何?彼胎為從受、想、行、識生,入母腹

耶?」

答言:「不知也。」

作是說已,佛即告言:「外道!此法甚深微細難知,非汝論議測度 能解,唯具正見,專心修學,於此理趣,方能了知。譬如有人患其 眼根,得遇良醫,治差其目,由是緣故,復見眾色。外道!若能親 近諸善知識,是人即得慧眼清淨,以其慧眼得見深法。若不具足信 等五根,入解深法無有是處。是故汝等諸外道輩,在昔生死長夜之 中,為彼邪論之所誑惑,起於異見,堅執不捨;於其非法取為正 法,於非解脫執為解脫,於非出離而為出離。汝師自壞,亦壞汝 等。外道!譬如有人自己無目,為諸盲者而作引導;當知此輩必墮 險難。如是沙門惑婆羅門,實非先覺自稱先覺,自處非道說為正 道,自未調伏謂已調伏,自依邪念謂為正念,自非救度謂能救度, 自不能知出離之道,謂我能知出離之道。」

佛言:「外道!我稱導師真善調伏,令於正法,決定安隱;我是正覺,如實覺了,令諸有情真實覺悟;我常正念憶持不忘,亦令眾生離諸散亂;我善出離永脫輪迴,令所化者得盡苦際;我示正道決定無異,令所化者得到彼岸。外道!汝今欲求解脫法者,應當發起清淨樂欲,一心尊重,精勤修學,先所未聞出離法要,當生淨信,令汝入解。先已學者汝宗論議,應當捨離更不尋求,先未獲得正法之藏,令汝悟入通達無礙。」

佛言:「外道!於我法中說有三種和合相應,得入胎藏。所言父者,是為過去先業之因;所言母者,乃為過去先業之緣;最初結生 羯邏藍位。業招彼識,託母胎中,此業熟故,於彼受生,如尋香城 隨心所現。識依胎已,漸次增廣,譬如世間藥草叢林,依彼大地而 得生長。外道!如是彼識入母胎已,漸次成就身支具足。將及產 生,形分顯現,因緣和合,相續不斷。外道!如是胎中最初結生分 位差別,唯除如來具一切智號正遍知,真實了達,無智愚夫則不能 解。」

佛言:「外道!若彼有情從地獄歿,得生人趣,入母胎中,出生世間,當有是相:其聲嘶嗄,語不明了,有所言說,人不信用。忽遽憧惶,事多忘失,心常恐怖,身毛顫聳。夢中時見,大火熾然,釜鑊沸騰,奔走求避,獄卒羅剎執杖驅逐,或見被縛,置於柱橛,以杖捶打,求脫不能。或見狂象毒蛇所趁,交橫馳走,不知方處,為人輕賤,視之如賊外道,是為從地獄來,有是餘習;智者了知,愚夫不解。」

佛言:「外道!若彼有情從畜生歿,得生人趣,入母胎中,出生世間,當有是相:為人闇鈍、懶惰、多睡,樂食泥土,咀嚼草木,與愚癡人共為交友,常處黑暗及泥塗中。或坐或立,足指掘地,頭多臭氣,蠅虫咂食,動搖無時,不能暫止,常苦飢渴,或得微劣不淨飲食,便生喜足。多為諂詐,虛說見聞。或於夢中,身墮糞穢;或於田野噉其水草;或夢山谷叢林之中,為彼大蟒纏遶於身,受大驚怖無救護者。外道!是為從畜生來有是餘習,設經一劫說不能盡;智者了知,愚夫不解。」

佛言:「外道!若彼有情從鬼趣歿,得生人趣。入母胎中出生世間,當有是相:其髮黃赤,怒目直視,常苦飢渴,性唯慳嫉。多希財利,心無止足,若見他財,為己有想。於他好物,思欲竊取,不淨殘食,食而無恥。見他所有園林花果,多欲摘取而損壞之。外道!是為從鬼趣來有是餘習;智者了知,愚夫不解。」

佛言:「外道,若彼有情從脩羅歿得生人趣,入母胎中,出生世間。當有是相:常懷忿怒,我慢高心,樂為諍競,結怨不捨,勇健多力,喜於鬪戰,多恃脣吻,陵蔑於他。亦有智力及無明力,攻破他論,以自活命。外道!是為從脩羅來有是餘習;智者所知,愚夫不解。」

佛言:「外道!若彼有情從人趣歿,復生人趣。入母胎中,出生世間,當有是相:是人質直,樂近賢善,棄遠惡人,篤信守節,顧惜善名。性樂工巧,常懷愧恥,樂行惠施。於善人所,心無違逆。先觀後作,言無踈謬,善能機辯,通致使命。所有教勅憶持不忘,於處非處而能揀擇。外道!是為從人趣來,有是餘習;智者所知,愚夫不解。」

佛言:「外道!若彼有情從天界歿,得生人趣。入母胎中,出生世間。當有是相:為人端正,常好潔淨,喜服華鬘,薰香塗香,沐浴其身,厭於塵垢,於彼五欲歌舞音樂,唯擇上妙而不淫泆,常與善人共為交契。好登樓閣華麗堂宇,性唯慈忍,令他喜悅。常以上服瓔珞嚴身,進止威儀心無懈惰。外道!是為從天中來有是餘習;智者所知,愚夫不解。」

佛言:「外道!若善男子,善女人,於善知識親近恭敬,供養禮拜,樂聞正法,如理作意,即得超越如向所說諸惡色相。

「外道!當知:若地獄來生人間者,以其先因多造瞋業損害有情, 墮在地獄受諸苦惱,今得為人,尚懷瞋惱,遇善知識為說對治相應 善法,令起慈心,漸令修習戒波羅蜜。

「外道!當知:若畜生來生人間者,以其先因積集愚癡,數數造作 彼不淨行,今得為人尚多婬泆,遇善知識為說十二緣生觀行,對治 無明,令生覺悟,發生淨慧,漸令修習般若波羅蜜。 「外道!當知:若鬼趣來生人間者,彼由先因慳貪嫉妬,長時造作,而無間斷,今得人身,性多鄙恪,遇善知識為說布施相應善法,對治彼慳,漸令修習施波羅蜜。

「外道!當知:若阿修羅中來生人間者,彼先造作廣大福行,常生 我慢,陵蔑他人,今生人中,性多高舉,遇善知識為說六處及空法 門,對治我慢,漸令修習忍波羅蜜。

「外道!當知:若人趣中來生人間者,由彼先修十善業道慣習力故,樂近善友,柔和共住。觀察正理悟無常法,厭生死苦,忻真常樂。漸次修習六波羅蜜,能發無上菩提道意,當得如來一切種智。「外道!當知:若天趣中來生人間者,是人前身所修施戒,不能忘相,皆希果報,以是緣故得生天上,久受天樂,退生人世,為由宿昔福慧力故,念已先業,必從天墮,而於此身勤加精進。勸行布施,不應希報,若住相者,則為過患,應住無相,得福無量,勸持淨戒,不應希報。若取相者則為瑕垢,應當純淨,離諸染污。如是持戒,得福無量,於佛菩提,得不退轉。

「復次,外道!從地獄出,得生人趣者,是人應當近善知識,樂聞 三世佛所說法,住阿蘭若專修梵行,精勤習學,心無疲懈,巧於問 難分別義趣,了一切法無有自性,由解法故樂為他說。或於聚落城 邑之中,化諸比丘及比丘尼,諸優婆塞、優婆夷等,講宣正法,能 令自他斷惡修善,漸次修習得無上道。

「復次,外道!從畜生脫得生人趣,彼應親近善友良緣,得聞正法,捨離愚癡,由善友力多聞熏習,觀諸法空,離諸纏縛,而於自身作非有想,於大眾中心無所畏,自然證得平等法性,了一切法本無自性,速能獲得一切種智。

「復次,外道!從餓鬼脫得生人趣者,彼應依止善友知識,初習布施,除其慳貪。由行施故,發生善慧,樂求出離,修清淨行,於所修福而不取著,了知三世諸法平等,皆唯一相所謂無相,漸次修習得一切智。

「復次,外道!從修羅中來生人趣者,應先發心依善知識,與煩惱 魔共為鬪戰。煩惱魔者,所謂我慢。應當思惟:『何者是慢?誰起 此慢?誰受此慢?亦不見有捨此慢者。』如是作意、思惟、觀察, 我慢之相了不可得,自誑己身都無實性,則能了達諸法無性。若法 自性不有,彼則非物,若非物者則不可成辦。若非成辦,彼則不生 不滅;若無生滅,則不可分別;若無分別,則無過去未來現在;若 三際不可得,當知彼法不可破壞。」

佛言:「外道!如是法性無變、無異,體即真如,名為如來。應知 我相實不可得,由起我慢生修羅中,或人或天,流轉諸趣;是故觀 察我慢之相,本無體性自他平等,斷除餘習心得清淨。外道!此名 捨離我慢善巧方便波羅蜜多,汝於是中當勤修學。」 時彼會中六萬外道,聞說此法,得無生忍,從座而起,頂禮佛足, 一心合掌,說偈讚佛:

「世尊智力無與等, 能了眾生所行行, 亦知諸法所歸趣, 如觀堂中蕃羅果。 觀彼世間諸惡業, 猶如雲霧蔽虛空, 愚夫不了鎮沈淪, 亦如盲者失正道。 有說世間為無常, 或言世間非無常, 又云非常非不常, 譬如犴象為拘縛。 有說世間無有邊, 或言世間非無邊, 如彼飛禽被籠罩。 又云非邊非無邊, 有說即身執為我, 或言離身別有我, 此皆妄見之所迷, 如獸觸網心牛惱。 有說大自在天化, 亦云非因之所生, 如是惡見覆有情, 如雲翳彼水中月。 猶如籠中所拘鳥, 眼視籠竅欲求出, 當知外道愚癡人, 彼無解脫亦如是。 或有歸依大梵天, 那羅延天多聞天, 如人處暗為賊侵, 彼無解脫常生怖。 心求出離無所依, 外道愚夫著邪見, 如囚拘繋於獄中, 常如貧餧而求丐。 若能捨邪修正行, 如來於彼起慈心, 速令免離於輪迴, 如干赦宥蠲諸咎。 如來備修諸苦行, 始證最上佛菩提, 為度愚癡邪見人, 皆悉解脫無明縛。 人中師子二足尊, 於諸法中得自在, 以方便力而拔濟。 愍彼沈淪苦海中, 消伏魔怨無有餘, 若蒙如來大智力, 於大眾中師子吼。 願我當得如世尊, 如來能動三千界, 放無量光普照明, 成熟一切諸有情, 唯願與授菩提記。」

爾時世尊知諸外道深心信解,口放淨光。時尊者馬勝以偈問曰:

「如來威德無與等, 令諸外道生信心, 今於天人大眾中, 放大光明叵思議。

親佛淨光從口出, 猶如秋空月滿時, 諸天及人咸有疑, 願聞佛光所因起。 何人於佛伸妙供, 何人稱悅如來心, 感得如來現斯瑞? 何人住佛功德中, 外道今間授佛記, 一切眾生亦發心, 如來出現於世間, 為攝受彼今調伏。 善哉牟尼大聖主, 能斷一切諸疑惑, 於佛法中生愛樂。」 今此眾會咸樂盟,

爾時世尊為馬勝比丘說伽陀曰:

「馬騰比丘汝當知, 今正是時發斯問, 為欲利樂諸有情, 請益如來放光事。 我今為汝分別說, 應當諦聽無異思, 如來所作非無因, 官生忻慶住正念。 此諸外道悉調伏, 捨於邪見得正見, 由入正法起對治, 故能安住菩提道。 而於見取心厭離, 了知無垢寂靜法, 從佛聞斯授記音, 決定自知當作佛。 已曾往昔修正行, 得值二十俱胝佛, 供養承事不疲勞, 為求無上菩提故。 **廣行惠施心無恪**, 堅持淨戒住忍力, 精勤修習總持門, 依三摩地發淨慧。 具足六度諸功德, 念念增進無退轉, 百千問難善分別。 摧諸異論捨邪宗, 昔由習近惡知識, 依止群邪異見中, 頓棄所修邪教行。 得遇如來大導師, 皆當作佛同一名, 於彼未來星宿劫, 各各出現於世間, 號曰普遍勝名稱。 其佛國十極嚴淨, 種種珍寶妙莊嚴, 得離邪見諸眾生, 同依佛教生明慧。 彼十無有三惡道, 及以八難所逼惱, 諸佛壽命極延長, 等同八萬四千歲。 若人聞此佛名者, 悉能捨離於貪欲, 女人得轉丈夫形, 斯由聞佛功德力。 與諸外道授佛記, 如來善伏魔怨者, 聞已咸牛歡喜心, 皆當成就一切智。」

父子合集經卷第十五

父子合集經卷第十六

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

六界差別品第二十六之一

爾時淨飯王并諸營從眷屬等,見諸阿脩羅王乃至外道婆羅門蒙佛授記,發希有心,歎未曾有:「世尊言音美妙清徹,一切世間聞者忻悅。」時淨飯王始見如來,以愛戀故,情意慇懃。

爾時世尊知彼父王心之所念,而告之曰:「大王!我所說法初中後善,其義巧妙,清淨一相,梵行圓滿。今正說者,所謂分別六界差別分位法門。王當諦聽!善思念之!」

時淨飯王即白佛言:「善哉!世尊!願樂欲聞,為我宣說,憶持信受。」

佛言:「大王!如是六界、六觸處,十八意所伺察,是補嚕沙為緣得生。云何六界?所謂地界、水界、火界、風界、空界、識界。云何六觸處?謂眼觸處而見於色,若耳觸處得聞其聲,若鼻觸處能嗅於香,若舌觸處悉嘗於味,若身觸處親覺其觸,若意觸處則知於法。云何十八意所伺察,謂眼見色已,若生適悅,若生憂惱,若住於捨;如是六根各各緣彼適悅等三,是名十八意所伺察。大王!云何為內地界?謂於內身所生硬澁,髮毛爪齒,皮肉筋骨。若內地界不生,亦無有滅,則無集行。大王!若時女人,而於內心如所思惟彼補嚕沙,彼補嚕沙亦生愛樂,由二和合羯邏藍生。又復思惟相似和合,而得生者,無有是處;若二女人,無有是處;二補嚕沙,無是處;若彼彼思惟而得生者,亦無是處。自體無實,非相應故。云何說此為堅硬性?大王!此堅硬性相似而立,畢竟此身潰爛散滅,唯塚壙中是所歸趣。彼堅硬性從何所來?亦非四方上下而去。大王!此內地界,應如是知。

「大王!云何外地界堅硬性者,如彼世間初建,梵王所居宮殿大寶所成;復生他化自在諸天,所居宮殿皆七寶成。大王!若無地界,彼堅硬性從何所生?復成大地,厚八萬四千踰繕那,縱廣六萬踰繕那;復生輪圍、大輪圍山,堅固安住同一金剛;復生蘇彌盧山、庾健陀山、[寧*頁]泯陀山、伊舍陀山,乃至黑山。如是三千大千世界,次第成已,堅固安住。若無地界,彼堅硬性從何所來?大王!又此地界欲壞滅時,或為火焚,或為水漂,或為風吹,譬然酥油,其焰熾盛,乃至灰燼,不復可見。若為水漂,猶如以鹽投於水中,須臾消散。若為毘嵐猛風所吹,彼時三千大千世界悉皆散壞,淨盡

無餘。大王!此外地界生時本空,滅時亦空,自性空故,無有男相,亦無女相;但唯言說之所顯示。如是地界與地界性皆不可得,唯佛正慧而能了知。

「大王!云何內水界?謂此身內所有執受濕潤等性,涎唾、脂髓、膿血、便利為內水界。大王!若時忽見親愛人等,眼中流淚,或為 苦惱所逼流淚,或聞深法信重流淚,或為寒風所吹流淚。如是水界從何所來?水相乾時,復何所去?乃至此界壞時,興大黑雲三十二重,遍覆三千大千世界,降霆洪雨,點大如象,晝夜傾注,相續不絕。如是時分經五十劫,其水積滿,上至梵世。大王!此外水界從何所來?又此世界將欲壞時,有二日出一,小河泉流悉皆枯涸。三日出時,無熱惱池,所出四河亦皆乾竭。四日出時,大海水河第結竭至八十踰繕那。有餘水在,或深至一多羅樹,或深至胸臆,或深至牛跡,乃至少水如指面量。當爾之時,大海水中悉皆乾燥淨盡無餘。大王!此水界相,生無所來,滅無所去,生時本空,滅時亦空,自性空故,無有男相亦無女相,但唯言說之所顯示。如是水界與水界性皆不可得,唯佛正智而能了知。

「大王!云何身內火界?若此身中所有執受,溫煖蒸熱咀嚼飲食, 成熟變壞便令安和,入熱數者名為火界。云何外火界?謂不執受溫 熱相生。若復有人於曠野中尋求火緣,或以蒿艾,或牛糞屑,或兜 羅綿,引火生已;或燒草木山林聚落,及餘方處皆為所燒。大王! 此火界性生無所來,滅無所去,生時本空,滅時亦空,自性空故, 但唯言說之所顯示。如是火界與火界性皆不可得,唯佛正智而能了 知。

「大王!云何身內風界輕動等相?謂此內風或時上行,或時下行,或住腹間,或脇或背,或發癮胗,或聚成塊,或如刀裂,或如針刺,出入息等遍滿身支。云何外風界?謂若此風從四方來,或狂暴起,摧折樹木,墮裂山峯,若微細起,飄舉身衣,動多羅樹,名外風界。大王!此風界相生無所來,滅無所去,生時本空,滅時亦空,自性空故,無有男相亦無女相,但唯言說之所顯示。如是風界與風界性皆不可得,唯佛正智而能了知。

「大王!云何內空界?若此身內皮肉血等顯現增長,離質礙性。謂若眼竅耳穴面門咽喉,嚥噉飲食所引滋味,於腸胃間通徹而出。若時業緣引生六處,諸處生已,圍遶空界,此說名入內空界數。然彼空界從何所來?又若方處外所顯現,離質礙性名外空界。大王!若色變壞一切皆空。所以者何?是虛空界本無盡故,安靜不動,猶如涅盤,遍一切處無有障礙。大王!譬如有人於彼高原穿鑿池井。於意云何?是池井中所有空相,從何所來?」

王曰:「無所從來。」

佛言:「大王!設使彼人復填以土。於意云何?空何所去?」

王曰:「空無所去。所以者何?是虚空界無去來故,不住男相,亦 非女相。」

「大王!外虛空界本來無動,自性離故,但唯言說之所顯示,除佛 正慧而能了知。

「大王!云何識界?調若眼根為主,緣彼形色及彼表色,名眼識界。若餘五根緣於自境各別建立,名五識界。又此識界,不著於根,不住於境,非內非外及二中間。然此識界,各各了別彼彼境已,即便滅謝,生無所來,滅無所去。大王!識生時空,滅時亦空,自性離故,不住男相亦非女相,但唯言說之所顯示。如是識界與識界性皆不可得,如佛正慧而能了知。

「大王!云何眼處?謂四大種——地界、水界、火界、風界——所造淨色。若地界清淨,則眼處清淨;若水、火、風界清淨,則眼處清淨。何以故?由地界清淨眼處得生,是中無有少法可得。如是乃至風界清淨,眼處得生,是中無有少法可得。何以故?無主宰故,無造作故。猶如涅盤自性清淨。大王!如是眼處各各尋求皆不可得。所以者何?地界空故,則地界清淨,乃至風界空故,則風界清淨。若諸法自性本空,則彼界何有清淨?亦無忿諍。若淨若諍皆不可得,復有何色而可見耶?當知眼處畢竟空故,自性亦空,前際後際皆不可得,未來所造亦不可得。何以故?自性離故。若自性無有,則無男相亦無女相,何有愛樂?若生愛樂是魔境界,若無愛樂是佛境界。何以故?若無愛樂,則能遠離一切諸法。

「大王!云何耳處?謂四大種所造淨色,分別行相,如前所說。大王!諸法解脫,決定現前,如法界空不可施設。大王!諸根各各樂著境界,眼緣色時而生愛樂,是故說色為眼境界。又此眼根緣於色境,有三種相:見可愛色起於貪想;不可愛色起於瞋想;非愛非惡而起捨想。如是乃至意著法處為意境界,若彼意處緣可愛色極生愛樂,為彼所牽引生貪行;不可愛色生於瞋行;愛非愛色起於癡行。如是聲等三種攀緣領納等相,准前應說。

「大王!諸根如幻、境界如夢,譬如有人於夢寐中與諸婇女共相娛樂。大王!於意云何?彼夢覺已,憶所受樂,為實有不?」

王曰:「不也!」

佛言:「大王!是人所夢執以為實,為智者不?」

「不也!世尊!何以故?夢中婇女畢竟非有,何況與之共相娛樂, 當知是人憶夢中境,徒自疲勞,不復可得。」

佛言:「大王!如是,如是!愚癡眾生眼見色已,心生愛樂,復起 貪著,為彼所牽,造貪業行,身業三種,語業四種,意業三種。最 初造作剎那滅謝,是業不依東西南北四維上下中間而住,於死邊際命根滅時,自分業報皆悉現前,猶如夢覺,念夢中事。大王!識為其主,業為攀緣,二種相因初識生起,或趣地獄,或墮傍生、琰摩羅界及阿脩羅,若人若天。初識生已,各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世,得至他世。所以者何?性生滅故。大王!身識生時,無所從來,滅無所去;彼業生時,無所從來,滅無所去;初識生時,無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空,了知業轉無有作者亦無受者,但唯名相分別顯示。

「大王!譬若有人於睡夢中,與諸冤對共相鬪戰。於意云何?是人 覺已,憶念夢中鬪戰等事,為實有不?」

王曰:「不也!」

佛言:「大王!是人所夢執以為實,為智者不?」

王曰:「不也!世尊!何以故?夢中畢竟無有冤對,何況與之共相 鬪戰?當知是人徒自憂惱,都無有實。」

佛言:「大王!如是,如是!愚癡異生眼見惡色,即生於惱厭離破壞,毀告過失,造瞋業行。身業三種,語業四種,意業三種,最初造作,剎那滅謝,是業不依東西南北四維上下中間而住,於死邊際命根滅時,自分業報皆悉現前,猶如夢覺念夢中事。大王!識為其主,業為攀緣,二種相因初識生起,或趣地獄,或墮傍生、琰摩羅界及阿脩羅,若人若天。初識生已各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王?身識生時無所從來,滅無所去;彼業生時無所從來,滅無所去;初識生時無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空,了知業轉無有作者亦無受者,但唯名相分別顯示。

「大王!譬若有人於睡夢中為畢舍遮之所嬈害,心生怖畏,癡迷悶絕。大王!於意云何?是人覺已,憶念夢中為鬼所嬈,為實爾不?」

王曰:「不也!」

佛言:「大王!是人所夢執以為實,是智者不?」

王曰:「不也!世尊!何以故?夢中畢竟無鬼所惱,何更說有癡迷悶絕?當知是人徒自疲勞,都無有實。」

佛言:「大王!如是,如是!愚夫異生眼見是色,迷惑不了,造癡業行。身業三種,語業四種,意業三種,最初造作,剎那滅謝,是業滅已,不依東方南西北方四維上下中間而住,最後邊際命根滅

時,自分業報皆悉現前,猶如夢覺念夢中事。大王!識為其主,業為攀緣,二種相因,初識生起,或趣地獄,或墮傍生、琰摩羅界及阿脩羅,若人若天。初識生已各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時無所從來,滅無所去;彼業生時,無所從來,滅無所去;初識生時無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空。了知業轉無有作者,亦無受者,但唯名相分別顯示。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無有相即無願求,名無願解脫門。如是三法與空共行,涅盤先道,當如是學。」 父子合集經卷第十六

父子合集經卷第十七

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

六界差別品第二十六之二

佛言:「大王!譬如有人於睡夢中,聞妙樂聲,心生適悅。是人覺 已,憶念夢中美妙音樂,是實有不?」

王曰:「不也!」

佛言:「大王!於意云何?是人所夢執以為實,是智者不?」

王曰:「不也!世尊!何以故?夢中畢竟無有樂聲,何況復有生適悅耶?當知是人徒自疲勞,都無有實。」

佛言:「大王!如是,如是!愚夫異生聞可意聲起於愛樂,而生染著,造作惡行,身三、語四、意業三種,作是業已剎那滅謝。是業滅已,不依東方南西北方四維上下中間而住,最後邊際命根滅時,自分業報皆悉現前,猶如夢覺念夢中事。大王!識為其主,業為攀緣,二種相因初識生起,或趣地獄,或墮傍生、琰摩羅界及阿脩羅,若人若天。初識生已,各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時無所從來,滅無所去;彼業生時無所從來,滅無所去;初識生時無所從來,滅無所去;何以故?自性離故。如是了知身識身識空,自業自業空,初識初識空,若滅滅空,若生生空,了知業轉無有作者,亦無受者,但唯名相分別顯示。

「大王!耳聞惡聲則生憂惱,如人夢中親愛別離,悲號啼哭,生大 苦惱。於意云何?是人覺已憶夢中事,是實有不?」

王曰:「不也!」

佛言:「大王!是人所夢執以為實,為智者不?」

王曰:「不也!世尊!何以故?夢中親愛畢竟無有,何況復有別離事耶?當知是人徒自疲勞,都無有實。」

佛言:「大王!如是,如是!愚夫異生聞其惡聲,則生憂惱,起於 瞋心,造作瞋業,所謂身三、語四、意業三種,造彼業已剎那滅 謝。是業滅已,不依東方南西北方四維上下中間而住,最後邊際命 根滅時,自分業報皆悉現前,猶如夢覺念夢中事。大王!識為其 主,業為攀緣,二種相因初識生起,或趣地獄,或墮傍生、琰摩羅 界及阿修羅,若人若天。初識生已,各受其報,同分心品相續隨 轉,最後識滅名為死蘊,最初識起名為生蘊。大王!無有少法從於 此世得至他世。所以者何?性生滅故。大王!身識生時無所從來,滅無所去;彼業生時無所從來,滅無所去;初識生時無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空。了知業轉無有作者亦無受者,但唯名相分別顯示。

「大王!耳聞捨聲起於捨想,如人夢中聞他宣說不了義句。於意云何?是人覺已憶念夢中所聞之聲,為實有不?」

王曰:「不也!」

佛言:「大王!是人所夢執以為實,是智者不?」

王曰:「不也!世尊!何以故?夢中畢竟無有音聲,何況更有不了義句。當知是人徒自疲勞,都無有實。」

佛言:「大王!如是,如是!愚夫異生耳聞捨聲,不達義趣,輕慢毀告,造作癡業。身三、語四、意三種業,最初造作,即便滅謝。是業滅已,不依東方南西北方四維上下中間而住,最後邊際命根滅時,自分業報皆悉現前,猶如夢覺憶夢中聞不了義句。大王!識為其主,業為攀緣,二種相因初識生起,或趣地獄,或墮傍生、琰摩羅界及阿脩羅,若人若天。初識生已各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時無所從來,滅無所去;彼業生時無所從來,滅無所去;初識生時無所從來,滅無所去;彼業生時無所從來,滅無所去;初識生時無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空。了知業轉無有作者,亦無受者,但唯名相分別顯示。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無有相,則無願求,名無願解脫門。如是三法與空共行,涅盤先道決定,如法界周遍虛空際,於此譬喻當如是知。

「大王!譬如有人於睡夢中,以旃檀香或多摩羅葉香及餘香等而以 塗身。於意云何?是人覺已,憶念夢中所塗之香,是實有不?」

王曰:「不也!」

佛言:「大王!是人所夢執以為實,為智者不?」

王曰:「不也!世尊!何以故?夢中畢竟無有諸香,何況復有以塗身耶?當知是人徒自疲勞都無有實。」

佛言:「大王!如是,如是!愚夫異生初聞妙香便生愛樂,心起染著,造如是業,身三、語四、意三種業,造彼業已,即便滅謝。是業滅已,不依四方四維上下中間而住,乃至最後識滅,自業現前,猶如夢覺念夢中事。大王!識為其主,業為攀緣,二種相因,初識生起,或趣地獄,或墮傍生、琰摩羅界及阿脩羅,若人若天。初識

生已,各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時無所從來,滅無所去;彼業生時,無所從來,滅無所去;初識生時,無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空。了知業轉無有作者亦無受者,但唯名相分別顯示。

「大王!如人夢中見以死蛇死狗人屍繫己頸上,心生怖畏。於意云何?是人覺已憶念所見,為實有不?」

王曰:「不也!」

佛言:「大王!是人所夢執以為實,是智者不?」

王曰:「不也!世尊!何以故?夢中畢竟無死蛇等,何更復有繫之 頸耶?當知是人徒自疲勞,都無有實。」

佛言:「大王!如是,如是!愚夫異生見是臭惡,瞋恚毀呰造作是業,身三、語四、意三種業。造是業已剎那滅謝,是業不依東西南北四維上下中間而住,最後邊際命根滅時,自分業報皆悉現前,猶如夢覺念夢中事。大王!識為其主,業為攀緣,二種相因,初識生起,或趣地獄,或墮傍生、琰摩羅界及阿修羅,若人若天。初識生已各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時,無所從來,滅無所去;彼業生時,無所從來,滅無所去;初識生時,無所從來,滅無所去;初識空,若滅滅空,若經之,如是了知身識身識空,自業自業空,初識初識空,若滅滅空,若生生空。了知業轉無有作者亦無受者,但唯名相分別顯示。

「大王!譬如有人於睡夢中為彼非人斷其鼻根。於意云何?是人覺已,憶念夢中鼻根斷壞,是實有不?」

王曰:「不也!」

佛言:「大王!是人所夢執以為實,是智者不?」

王曰:「不也!世尊!何以故?夢中畢竟無有鼻根,何更說有被斷壞耶?當知是人徒自疲勞,都無有實。」

佛言:「大王!如是,如是!愚夫異生見鼻根壞,起恐怖想,造作 癡業,身三、語四、意三種業,最初造作剎那滅謝。是業滅已,不 依四方四維上下中間而住,最後邊際,命根滅盡,自分業報皆悉現 前,猶如夢覺念夢中事。大王!識為其主,業為攀緣,二種相因, 初識生起,或趣地獄,或墮傍生、琰摩羅界及阿修羅,若人若天。 初識生已,各受其報,同分心品相續隨轉,最後識滅名為死蘊,最 初識起名為生蘊。大王!無有少法從於此世得至他世。所以者何? 性生滅故。大王!身識生時,無所從來,滅無所去;彼業生時,無 所從來,滅無所去;初識生時,無所從來,滅無所去。何以故?自 性離故。如是了知身識身識空,自業自業空,初識初識空,若滅滅空,若生生空。了知業轉無有作者,亦無受者,但唯名相分別顯示。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無有相,則無願求,名無願解脫門。如是三法,與空共行,涅盤先道,決定如法界,周遍虛空際;於此譬喻當如是知。

「大王!譬若有人於睡夢中,為彼饑渴之所逼切,遇諸美饌隨意而食。於意云何?是人覺已憶念美饌,為實有不?」

王曰:「不也。」

佛言:「大王!是人所夢執以為實,是智者不?」

王曰:「不也!世尊!何以故?夢中畢竟無彼美膳,況得食耶?當知是人徒自疲勞都無有實。」

佛言:「大王!如是,如是!愚夫異生見美食已,心生愛著起於貪行,身三、語四、意三種業,最初造作剎那滅謝。是業滅已,不依東方南西北方四維上下中間而住,最後邊際命根滅時,自分業報皆悉現前,猶如夢覺念夢中事。大王!識為其主,業為攀緣,二種相因,初識生起,或趣地獄,或墮傍生、琰摩羅界及阿脩羅,若人若天。初識生已,各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時,無所從來,滅無所去;彼業生時,無所從來,滅無所去;初識生時,無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空。了知業轉無有作者,亦無受者,但唯名相分別顯示。

「大王!如人夢中為饑所逼,得其苦瓠并拘賒怛計子、畢租摩哩捺子,而便食之,心生恚恨。於意云何?是人覺已,憶其夢中食苦瓠等,為實有不?」

王曰:「不也。」

佛言:「大王!是人所夢執以為實,是智者不?」

王曰:「不也!世尊!何以故?夢中畢竟無苦瓠等,況復食耶?當知是人徒自疲勞都無有實。」

佛言:「大王!如是,如是!愚夫異生夢為饑逼,噉其苦味,心生 恚惱,造是業行,身三、語四、意三種行,造彼業已即便滅謝。是 業滅已,不依東方南西北方四維上下中間而住,最後邊際命根滅 時,自分業報皆悉現前,猶如夢覺念夢中事。大王!識為其主,業 為攀緣,二種相因,初識生起,或趣地獄,或墮傍生、琰摩羅界及 阿脩羅,若人若天。初識生已,各受其報,同分心品相續隨轉,最 後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時,無所從來,滅無所去;彼業生時,無所從來,滅無所去;初識生時,無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空。了知業轉無有作者亦無受者,但唯名相分別顯示。

「大王!如人夢中舌根斷壞。於意云何?是人覺已,憶念夢中,是為實不?」

王曰:「不也!」

佛言:「大王!是人所夢執以為實,是智者不?」

王曰:「不也!世尊!何以故?夢中畢竟無有舌根,況復斷壞?當知是人徒自疲勞,都無有實。」

佛言:「大王!如是,如是!愚夫異生見舌壞已,心生恚惱造是業行,身三、語四、意三種業,造彼業已,剎那滅謝。是業不依四方四維上下而住,最後邊際命根滅謝,自分業報皆悉現前,如夢覺已,念夢中事。大王!識為其主,業為攀緣,二種相因,初識生起,或趣地獄,或墮傍生、琰摩羅界及阿脩羅,若人若天。初識生已各受其報,同分心品相續隨轉,最後識滅名為死蘊,最初識起名為生蘊。大王!無有少法從於此世得至他世。所以者何?性生滅故。大王!身識生時,無所從來,滅無所去;彼業生時,無所從來,滅無所去;初識生時,無所從來,滅無所去。何以故?自性離故。如是了知身識身識空,自業自業空,初識初識空,若滅滅空,若生生空。了知業轉無有作者亦無受者,但唯名相分別顯示。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無有相,則無願求,名無願解脫門。如是三法,與空共行,涅盤先道,決定如法界,周遍虛空際;於此譬喻,當如是知。」

父子合集經卷第十七

父子合集經卷第十八

西天譯經三藏朝散大夫試鴻臚卿宣梵大師賜紫沙門臣日稱等奉 詔 譯

六界差別品第二十六之三

佛言:「大王!譬若有人於睡夢中與諸寶媛共相執持,是人覺已, 憶念夢中所受妙觸,為實爾不?」

王言:「不也!」

佛言:「大王!於意云何?是人所夢執以為實,是智者不?」

王言:「不也!世尊!何以故?夢中畢竟無有寶媛,況復有彼美妙觸耶?當知是人徒自疲勞,都無所得。」

佛言:「大王!如是,如是!愚癡異生寡聞無智,於可意觸而生愛樂,心生染著造如是業,身業三種、語業四種、意業三種,造作彼業,剎那遷謝。是業滅已,不依東方南西北方四維上下中間而住,至命終時,見先所作,心想中現,如彼睡覺憶夢中事,最後識滅自業現前。大王!識為其主,業為攀緣,二種相因,初識生起,作業受報,皆不失壞。或趣地獄,或墮傍生、琰摩羅界及阿脩羅,若人若天,同分種類相續不絕。大王!最後識滅名為死蘊,最初識起名為生蘊。大王!彼識起時,無所從來,滅無所至;其緣生時,無所從來,滅無所至;彼業生時,無所從來,滅無所至。大王!無有少法從於此世得至他世。何以故?自性空故。如是了知初識初識空,自業自業空,身識身識空,若滅滅空,若生生空,輪迴輪迴空,涅槃涅槃皆自性空,無有作者亦無受者,但隨世俗之所顯示,非第一義作是說也。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無相者則無希求,名無願解脫門。若能了此三解脫門,與空共行菩提先道,廣大如法性,究竟如虛空;於此譬喻。當如是知。

「復次,大王!譬如有人於睡夢中,持熱銅鍱以為衣服而自纏身。是人覺已,憶念夢中熾然銅鍱觸身苦惱,為實爾不?」

王言:「不也!」

佛言:「大王!於意云何?是人所夢執為真實,是智者不?」

王言:「不也!世尊!何以故?夢中畢竟無熱銅鍱,況復觸身受苦惱耶?當知是人徒自疲勞都無有實。」

佛言:「大王!如是,如是!愚癡寡聞凡夫異生,見恐畏事,心生嫌惡,妄生執著造是惡業,身業三種、語業四種、意業三種,造作彼業,剎那遷謝。是業滅已,不依東方南西北方四維上下中間而

住,至命終時,見昔所作,心生恐懼,如彼睡覺念夢中事,最後識滅自業現前。大王!識為其主,業為攀緣,二種相因,初識生起,作業受果皆不失壞,或趣地獄,或墮傍生、琰摩羅界及阿修羅,若人若天。初識生已各受其報,同分心品相續而轉,最後識滅名為死蘊,最初識起名為生蘊。大王!彼識起時,無所從來,滅無所至;彼緣生時,無所從來,滅無所至;彼業生時,無所從來,滅無所至。大王!無有少法從於此世得至他世。何以故?自性空故。如是了知初識初識空,自業自業空,身識身識空,若滅滅空,若生生空,輪迴輪迴空,涅槃涅槃皆自性空。了知業報自性非有,無有作者亦無受者,但唯名相分別顯示。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無相者,則無希求,名無願解脫門。若能了知三解脫門,與空共行,菩提先道,廣大如法界,究竟如虚空。於此譬喻,當如是知。

「復次,大王!如人夢中自見其身,悉皆散壞不覺諸觸。是人覺已,憶念夢中身根散壞而生憂惱,為實爾不?」

王言:「不也!」

佛言:「大王!於意云何?是人所夢執以為實,是智者不?」

王言:「不也!世尊!何以故?夢中畢竟無有身根,況復散壞?當知是人徒自疲勞,都無有實。」

佛言:「如是,如是!愚癡寡聞凡夫異生,自見身壞,心生執著,復起恐怖,造是癡業,身業三種、語業四種、意業三種,造作彼業,剎那遷謝。是業滅已,不依東方南西北方四維上下中間而住,至命終時,見先所作,心生惶怖,如彼夢覺,念夢中事,最後識滅自業現前。大王!識為其主,業為攀緣,二種相因,初識生起,作業受果皆不失壞,或趣地獄,或墮傍生、琰摩羅界及阿脩羅,若人若天。初識生已,各受其報,同分心品相續隨轉,最後識滅名為死茲,最初識起名為生蘊。大王!初識起時,無所從來,滅無所至;彼緣生時,無所從來,滅無所至;其業生時,無所從來,滅無所至。大王!無有少法從於此世得至他世。何以故?自性空故。如是了知初識初識空,自業自業空,身識身識空,若滅滅空,若生生空,輪迴輪迴空,涅槃涅槃皆自性空。了知業報自性非有,無有作者亦無受者,但唯名相分別顯示。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無相者,則無希求,名無願解脫門。若能了此三解脫門,與空共行,菩提先道,廣大如法界,究竟如處空。於此譬喻,當如是知。

「復次,大王!如人夢中見彼幻師幻作五欲種種欲樂,自見其身為彼圍遶,受諸快樂。是人覺已,憶念夢中所作事業,為實爾不?」

王言:「不也!」

佛言:「大王!於意云何?彼於夢境執以為實,是智者不?」

王言:「不也!世尊!何以故?夢中畢竟無彼幻師,況復變現五欲等事。當知是人徒自疲勞,都無有實。」

佛言:「大王!如是,如是!愚癡寡聞凡夫異生意著於法,心生貪染,復起追求,轉增癡愛,為彼所牽,造如是罪,身業三種、語業四種、意業三種,造作彼業,剎那遷謝。彼業滅已,不依東方南西北方四維上下中間而住,至命終時,見昔所作心想中現,自分業報皆悉現前,猶如夢覺念夢中事。大王!識為其主,業為攀緣,二種相因,初識生起,作業受報,皆不失壞,或趣地獄,或墮傍生、琰摩羅界及阿脩羅,若人若天。初識生已各受其報,同分心品相續隨轉,最後識滅名為死蘊,最初識起名為生蘊。大王!身識生時,無所從來,滅無所至;彼緣生時,無所從來,滅無所至;彼緣生時,無所從來,滅無所至;彼緣生時,無所從來,滅無所至;彼緣生時,無所從來,滅無所至;彼緣生時,無所從來,滅無所至;彼緣生時,無所從來,滅無所至,彼業生時,無所從來,滅無所至,彼緣生時,無所從來,滅無所至,彼業生時,無所從來,滅無所至,被養生時,無所從來,滅無所至,也難見難見難之,自對之之。有以故?自性空故。如是了知初識初識空,自業自業空,身識身識空,若滅滅空,若生生空,輪迴輪迴空,涅槃涅槃皆自性空。作業不可得,受報不可得,但唯名相分別顯示。

「大王!當知諸根如幻境界如夢,一切諸法皆悉空寂,此名空解脫門;空無空相,名無相解脫門;若無相者則無希求,名無願解脫門。依此了知三解脫門,與空共行,菩提先道,廣大如法界,究竟如虚空。於此譬喻,當如是知。

「復次,大王!譬如有人於睡夢中,為彼瀑流漂沒己身及其眷屬, 受諸惶怖種種苦惱。是人覺已,憶念夢中水所漂溺,為實爾不?」 王言:「不也!」

佛言:「大王!是人所夢執以為實,是智者不?」

王言:「不也!世尊!何以故?夢中畢竟無水所漂,況復有彼惶怖 苦惱?當知是人徒自疲勞,都無有實。」

佛言:「大王!如是,如是!愚癡寡聞凡夫異生,意著諸法生憂惱處,展轉尋求無對治道,以不了故起諸惡行,身業三種、語業四種、意業三種,造作彼業,剎那遷謝。是業滅已,不依東方南西北方四維上下中間而住,至命終時心生惶怖,見昔所作悉現其前,如人夢覺念夢中事。大王!識為其主,業為攀緣,二種相因,初識生起,作業受果皆不失壞,或趣地獄,或墮傍生、琰摩羅界及阿脩羅,若人若天。初識生已,各受其報,同分心品相續不絕,最後識滅名為死蘊,最初識起名為生蘊。大王!初識生時,無所從來,滅無所至;彼緣生時,無所從來,滅無所至;彼業生時,無所從來,

滅無所至。大王!無有少法從於此世得至他世。何以故?自性空故。如是了知初識初識空,自業自業空,身識身識空,若滅滅空,若生生空,輪迴輪迴空,涅槃涅槃皆自性空,無有作者亦無受者,但唯名相分別顯示。

「大王!諸根如幻境界如夢,一切諸法皆悉空寂,此名空解脫門;空無空相,名無相解脫門;若無相者,則無希求,名無願解脫門。若能了此三解脫門,與空共行,菩提先道,廣大如法界,究竟如虚空。於此譬喻,當如是知。

「復次,大王!譬如有人於睡夢中,自見其身飲酒惛醉,不識善法及諸惡行,功德過失都不覺知。是人覺已,念夢中事,為實爾不?」

王言:「不也!」

佛言:「大王!於意云何?是人所夢執為真實,是智者不?」

王言:「不也!世尊!何以故?夢中畢竟無飲酒者,況惛醉耶?當知是人徒自疲勞,都無有實。」

佛言:「大王!如是,如是!愚癡寡聞凡夫異生,意著諸法,起愛染心造是癡業,身業三種、語業四種、意業三種,造作彼業,剎那遷謝。是業滅已,不依東方南西北方四維上下中間而住,至命終時,見先所作自分業報心想中現,如人夢覺念夢中事。大王!識為其主,業為攀緣,二種相因,初識生起,作業受報皆不失壞,或趣地獄,或墮傍生、琰摩羅界及阿脩羅,若人若天。各受其報,同類心品相續隨轉,最後識滅名為死蘊,最初識起名為生蘊。大王!身識生時,無所從來,滅無所至;彼緣生時,無所從來,滅無所至;彼緣生時,無所從來,滅無所至;彼緣生時,無所從來,滅無所至;彼緣生時,無所從來,滅無所至;彼緣生時,無所從來,滅無所至,無有少法從於此世得至他世。何以故?自性空故。如是了知初識初識空,自業自業空,身識身識空,若滅滅空,若生生空,輪迴輪迴空,涅槃涅槃皆自性空,無有作者亦無受者,若業若報,皆不可得,但唯名相分別顯示。

「大王!諸根如幻境界如夢,一切諸法自性空寂,此名空解脫門; 空無空相,名無相解脫門;若無相者,則無希求,名無願解脫門。 若能了知三解脫門,與空共行,菩提先道,廣大如法界,究竟如虚 空。於此譬喻,當如是知。」

父子合集經卷第十八

父子合集經卷第十九

西天譯經三藏朝散大夫試鴻臚卿宣梵大師賜紫沙門臣日稱等奉 詔

譯

淨飯王信解品第二十七

爾時世尊,告淨飯王言:「大王!如上所說解脫法門,當自繫心,正念觀察,勇猛精進,決定修作。過去未來現在諸佛,依此得證無上菩提,能招世間一切富樂,能消世間一切渴愛,能伏世間一切我慢,能破世間一切邪見,能滅有情一切罪惡。未登初地凡夫異生,皆令證得平等法性。如是法要,非諸聲聞及辟支佛所行境界,唯諸菩薩之所修作。大王!應作是念:『我當云何於人天中得為眼目?於長夜中得為照明?於愛河中得為船筏?於險難處得為導師?無依怙者為作主宰?自得度已,復能度他;自解脫已,令他解脫;自得安隱,令他安隱;自證涅槃,復令他證。』大王!不應觀彼現在世間所受富樂五欲自在,諸根如幻境界如夢,謂於色境聲香味觸心生貪著,無滿足時。

「大王!乃往過去無量俱胝那由他劫,有轉輪王名無邊稱,富貴自 在,有大威德,象馬車乘眾寶輦輿,最勝輪寶無能壞者,已曾親近 無量諸佛,於彼佛所種多善根,隨意所念皆得成就。大王!彼無邊 稱王忽於一時,作是思惟:『我當自試福德之力,以我福故,令四 天下所有一切樹木花果,皆得茂盛,受用無盡。』作是念已,彼四 天下所有花果而得敷榮。大王!彼無邊稱王如是思惟:『我今更試 自善根力,令四天下一切人民,若有所願,隨意無違。』作是念 已,彼四天下所有人民,一切希求皆得如意。大王!彼無邊稱王復 更思惟:『以我所有善根之力,令四天下降注香水。』作是念已, 於四天下普雨香水。大王!彼無邊稱王復更思惟:『以我所有善根 力故,令四天下普雨妙花。』作是念已,於四天下降雨種種上妙天 花。大王!彼無邊稱王復更思惟:『以我所有善根力故,令四天下 雨妙寶衣。』作是念已,於四天下悉雨寶衣。大王!彼無邊稱王復 更思惟: 『以我所有善根力故, 令四天下悉皆雨銀。』作是念已, 於四天下皆得兩銀。大王!彼無邊稱王復更思惟:『以我所有善根 力故,令四天下降雨黄金。』作是念已,於四天下皆雨黄金。所以 者何?皆由無邊稱王於往昔時與諸眾生共修善業之所獲得。

「大王!此閻浮提大地縱廣一萬八千踰繕那量,復有六十俱胝諸大城郭,中有一城名寶莊嚴,縱廣正等十二踰繕那,四面平正妙巧成就,於其城外有多羅樹,七重行列四寶所成,金銀琉璃玻胝迦寶,

裝校嚴飾甚可愛樂。彼金樹者,其葉花果悉皆是銀;彼銀樹者,其 葉花果皆是黃金;吠琉璃樹,其葉花果皆玻胝迦;彼玻琍樹,其葉 花果悉是琉璃。其城七重,寶網寶鈴諸妙珍琦彌覆其上,城外復有 七重寶塹,皆以七寶所共合成。一一寶塹,深半由旬,廣一由旬。 金沙布底,八功德水,澄湛盈滿。諸妙音鳥翔集其中,優鉢羅花、 拘沒那花、鉢訥摩花、分陀利花,普遍開發。 周匝階陛四寶合成, 黄金為階,白銀成陛;白銀為階,黃金成陛;琉璃為階,玻琍成 陛;玻琍為階,琉璃成陛。——階道七寶所成,其傍皆植金色芭 蕉。復於道首置諸寶座,巧妙裝校,甚可愛樂。如是富樂種種嚴 飾,皆是無邊稱王積集廣大善根福力之所獲得。又彼寶莊嚴城,周 匝復有八萬四千清淨園林,一一園中有八大池,其池各廣半踰繕 那,——池岸有四階陛,四寶所成巧妙嚴飾,八功德水充滿其中, 眾色蓮華開敷彌布。於其池岸復有諸花:阿提目葛多花、詹博迦 花、嚩始計花、蘇曼那花、阿輸迦花、婆師迦花,如是種種諸妙香 花。無邊稱王與諸臣民,止住園中共為遊樂。大王!彼王宮城高廣 嚴好,寶多羅樹行植於上,寶網周遍,寶鈴和鳴,出妙音響,如五 樂聲。時彼人民賴王德化,富樂自在安隱而住。

「大王!彼無邊稱王復於異時,如是思惟:『我今應往東勝身 洲。』作是念已,王領四兵俱乘虛空,即至其處。彼諸小王皆來奉 迎,各以國土虔誠致獻,王於彼住百千萬歲。大王!彼無邊稱王復 自思惟:『我今當往西牛貨洲。』作是念已,領四兵眾俱乘虛空, 即至其所。彼諸小王皆來奉迎,各以國土虔誠致獻,王於彼住百千 萬歲。大王!彼無邊稱王復自思惟:『我今當往北俱盧洲。』作是 念已,領四兵眾俱乘虛空,即至其所。彼諸人民歡喜歸化,王於彼 住百千萬歲。大王!彼無邊稱王復自思惟:『我昔聞有三十三天住 須彌頂,我今當往。』作是念已,即乘龍象與四兵眾,飛騰空中上 須彌頂。時無邊稱王問御臣曰: 『汝見須彌及以大海并四天下,其 事云何?』御臣答言:『我見其相旋轉不定,如陶家輪。』王語御 臣:『汝所見者,此龍象王大行未止。』王復前進,問御臣曰: 『見須彌等,其相云何?』御臣答言:『我今見彼須彌大海皆悉震 動。』王語臣曰:『今將至于須彌山頂,此龍象王小行未止。』王 復前進,問御臣曰:『見須彌等,其相云何?』御臣答言:『我今 見彼須彌大海不動不轉。』王語臣曰:『此龍象王,今已到彼須彌 山頂。』時無邊稱王及四兵眾到須彌已,彼帝釋天主即時遙見無邊 稱王, 歡喜來迎, 而作是言: 『善來! 大王! 』即分半座, 命王而 坐。時無邊稱王即就其座,住於天上經無量歲,與彼天主分半同 治。在彼時久,作是思惟:『可退彼天,我獨為主。』作是念已, 王及兵眾即時退墮寶莊嚴城寶篋園中。

「時守園者見是事已,告城中人,作是唱言: 『今有天人退沒於此。』時彼國王名曰作愛,聞是說已,速嚴駕馭詣彼園中,見如上事,怪未曾有。即勅排備種種香花、末香、塗香,詣彼王所,偏袒右肩,右膝著地,長跪合掌,安慰問訊,白彼王言: 『聖天至此,為當是誰?』彼即答曰: 『汝昔曾聞有轉輪王名無邊稱不?』作愛王言: 『我聞耆舊說: 「昔有王名無邊稱,威德自在,領四天下,與四兵眾乘空而上三十三天。」』 『汝所聞者,豈異人乎?則我身是。』

「時無邊稱王從天退已,初聞人間飲食氣味不能堪任,猶如酥油, 沃熱沙中。時作愛王見其頓弊,不能止住:『有何善說?我於來世 作何宣傳?』時無邊稱王語作愛王曰:『我從昔來富貴自在王四天 下,一切所須皆得如意。陞忉利天帝釋分座,貪無厭故從天退下, 如上眾事當如是說。』作是語已,即便命終。」 佛言:「大王!往昔無邊稱王者,豈異人乎?今我身是。是故當 知,諸根如幻境界如夢,繫心正觀,勿生疑惑。」 爾時世尊而說偈言:

「樂求正法財, 淨心常質直, 五欲不堅牢, 智者當遠離。 若於法明了, 則厭五欲樂, 能破諸煩惱。 彼善降其心, 中斷煩惱故, 不受諸惡道, 離彼業道者, 為世所恭敬。 離貪欲染污, 開示欲過失, 心樂利群生, 稱世間最勝。 速能牛厭離, 閏万欲渦患, 以智淨其心, 處世無禍上。 能滅眾生惡, 最勝大丈夫, 今離彼貪行, 處世無禍上。 最勝大丈夫, 能滅眾生惡, 處世無過上。 令離彼嗔行, 最勝大丈夫, 能滅眾生惡, 今離彼癡慢, 為清淨智者。」

爾時世尊說是偈已,為淨飯王復說法要。佛言:「大王!乃往過去無量世時,有轉輪王名曰地生,善法治世,七寶具足,所謂輪寶、象寶、馬寶、珠寶、兵寶、女寶、主藏臣寶。王有太子,名曰地天,紹繼父王轉輪王位,輔相大臣與王灌頂,為剎帝利灌頂聖王。

於十五日月盛滿時,澡沐首髮洗浴身垢,著新淨衣。以諸花鬘摩尼天冠、種種瓔珞莊嚴其身,陞高樓上采女圍繞。即於東方有金輪寶,千輻具足轂輞圓滿,光明照曜縱廣七肘。

「時地天王覩是事已:『我昔曾聞耆舊所說:「若剎帝利受灌頂時 有金輪現,如前所說,當知定作轉輪聖王。」我今應當自試驗 之。』時地天王即從座起,偏袒右肩,右膝著地,向輪合掌,作如 是言:『此金輪寶當降于地。』如是禱已,依王前住。王以妙香上 妙衣服,用拭輪寶置右掌中,而語輪曰:『我今欲往東勝身洲。』 金輪乘空,即至彼所。地天聖王出現之處,其地平正布諸寶花,以 王威力,地皆震動,井泉河池枯涸之處,八功德水悉皆盈滿,所謂 輕清甘滑,不濁不臭,飲者無厭,令腹無痛。一切林木華果敷榮, 諸枯槁者復得滋茂。王所遊處輪導其前,所至國土大小諸王,各以 金槃盛滿銀粟,或以銀槃盛滿金粟,咸來奉迎安慰問訊:『善來! 聖王!此十安隱,唯願居此治化人民,我等皆當給侍左右。』王即 語曰:『我今不須國十珍寶,汝等應當隨順教誨,遠離殺牛及不與 取,遠離邪婬亦莫妄語,乃至邪見十不善業;汝等應當自住十善, 亦教他人令住十善。孝養父母,承事師長,莫作非法,修行善行, 亦勸他人勤行眾善。』時地天王與四兵眾,從勝身洲,過盡人境, 漸度大海,至牛貨洲及俱盧洲,宣王德化。悉降伏已,王及輪寶還 閻浮提,於王宮門依空而住。

「時四天下變成七寶,所有一切三惡道苦,及八難處不善之聲,悉皆消滅,況復有彼造惡業者。所以者何?皆由地天轉輪聖王本願力故。又彼輪寶於虛空中,往來旋轉四天下時,處處皆生自然香稻,不假種植,淨無糠糩。又彼輪寶旋天下時,諸劫波樹出天寶衣,一切有情受用如意。又彼輪寶旋天下時,諸有重病皆得痊愈,唯有三病:一者、意樂;二者、段食;三者、衰老。彼諸眾生壽命千歲,設有微苦,自然消殄。有如是等無量無邊希有之事,俱時出現。

「時地天王,忽作是念:『我今於此富貴自在,頗有餘處,而勝此耶?』復自思惟:『我昔曾聞須彌山頂有三十三天快樂無比,今可詣彼。』與四兵眾即至彼所。時帝釋天主,見地天王自遠而來,即起奉迎,善言問訊,分座令坐,命王同治。時地天王經彼時久,欲退帝釋獨為天主。作是念已,王與兵眾墮閻浮提末土羅城。彼地天王久居天宮受上妙樂,忽墮人世,不能暫安。猶如酥油,置熱砂上,身心頓弊,無所堪任。

「時地天王,而說偈言:

「『王者稱自在, 不能斷貪欲, 如火益乾薪, 是故應遠離。 如渴飲鹹水, 轉增其渴心, 當知著欲者, 無厭亦如是。 如眾流入海, 曾無滿足時, 當知著欲者, 無厭亦如是。 如鏡照形容, 顯現何曾定, 當知著色者, 無厭亦如是。 如聞空谷響, 應答無休息, 當知著聲者, 無厭亦如是。 猶如盛香歷, 受薰未甞足, 當知著香者, 無厭亦如是。 均布用無時, 如杓和美饌, 當知著味者, 無厭亦如是。 如風行虚空, 轉動曾無定, 當知著觸者, 無厭亦如是。 如夢中飲水, 不能蠲渴想, 意著諸法者, 無厭亦如是。 貪火轉熾然, 若樂著諸欲, 滅之無有餘。』 當以淨智水,

「爾時地天轉輪聖王說是偈已,尋即遷謝。」 佛言:「大王!地天王者豈異人乎?我身是也。」 父子合集經卷第十九

父子合集經卷第二十

西天譯經三藏朝散大夫試鴻臚卿宣梵大師賜紫沙門臣日稱等奉 詔

耀

淨飯王信解品第二十七之二

佛言:「大王!我今復說,往古世時有轉輪王名曼達多,有大威 勢,具大福德,從彼父王頂上而生。已於先世久修梵行,曾值無量 百千俱胝那由他佛,於彼佛所植眾德本。繼嗣父王灌頂之位,統四 天下豪富自在。於閻浮提出現治化,五欲娛樂,殊勝第一。安隱豐 饒,人民熾盛。聚落城邑鷄飛相至,大地無有瓦礫荊棘,設有山阜 多產金寶。園林泉池莊嚴國界,所都大城名阿瑜闍。其城東西十二 由旬,南北修廣各七由旬,寶網寶鈴遍覆其上。王多眷屬恭敬圍 遶,猶如帝釋妙見大城。彼曼達多王造三時殿:一名月光,當熱際 時王居其中。二瑠璃藏,於雨際時王居其中。三曰目光,於寒際時 王居其中。若王入彼月光殿時,王與后妃采女眷屬,前後圍遶,身 得清涼。譬如牛頭旃檀之香以塗其身,王體安和亦復如是,亦如帝 釋與諸天子在廣勝殿受上妙樂。若雨際時,王與眷屬入瑠璃殿,譬 如以彼多摩羅跋怛囉香以塗其身,王意嫡悅亦復如是。若寒際時, 王與眷屬入日光殿,如沈水香用塗其身,王體溫暖亦復如是。大 王!彼曼達多王隨其時節,所至宮殿皆牛樂觸,或出涼風,或降香 雨,或奏伎樂,皆得如意。

「大王!彼曼達多王忽自宮內,七日之中雨諸金寶,滿七日已,王 歎希有,清淨福業,感報若此。王住治化經無量歲。時曼達多王作 是思惟:『我聞西有大牛貨洲。』作是念已,與四兵眾,上陞虚 空,從閻浮提,漸至彼所。王到彼已,受用最上飲食資具,國土人 民安隱豐樂。於王宮內七日雨寶,與閻浮提等無有異,王於彼住百 千萬歲。時曼達多王復更思惟:『我聞東有大勝身洲。』作是念 已,與四兵眾上陞虚空,從牛貨洲漸至彼所。王到彼已,受用美妙 最上飲食,化治人民安隱豐樂,亦於宮內七日雨寶,與牛貨洲等無 有異,王住於彼經百千歲。大王!彼曼達多王復自思惟:『我聞北 有大俱盧洲,其中人民不生分別我我所想,今當往彼而試驗之。』 作是念已,與四兵眾俱乘虛空,從勝身洲即至其所。王到彼已,驗 其眷屬乃知實爾,受上妙樂經無量歲。

「大王!彼曼達多王復更思惟:『我曾聞有三十三天,在須彌頂各各安住,我今當往躬自觀之。』作是念已,與四兵眾乘空而往,從 俱盧洲,即至其處。時彼天主與諸天子,集妙法堂,論天中事。時 帝釋天主見曼達多王自遠而來,即出迎之,作如是言:『善來!大 王!遠至於此。』乃分半座,命王同坐。曼達多王就彼坐時,有十種事,勝彼天主:一者、壽命。二者、容儀。三者、名稱。四者、快樂。五者、自在。六者、端正。七者、音聲。八者:身香。九者、食味。十者、細觸。時曼達多王與彼天主,形色受用悉皆相似,唯目瞬動為其別也。而諸天子,以此辯知天主人王二種有異。」

佛言:「大王!曼達多王生於人間,與其天主形儀一等,殊勝福報未曾有也,住彼天中經無量歲,得為最勝自在天主。於四天下富樂獨尊,帝釋分治,心猶未足。時曼達多王忽於一時而起異意:『我今自可獨為天主,何須帝釋?宜應退之。』作是念已,王與四兵從天而墮於閻浮提阿瑜闍城最勝園中。當退沒時,王之威光遍閻浮提普皆照曜,而能映奪日月光明。時彼人民出城遊觀,見是事已怪未曾有,即入城中而唱是言:『今有天人并四兵眾,從空退墮最勝園中。』大王!爾時城中王及人民,即辦種種塗香、末香、歌舞、伎樂、寶幢、幡蓋、華鬘、瓔珞嚴身之具,速疾詣彼最勝園中。

「大王!彼曼達多王初墮人間,地六震動,是時人民所有一切殊勝莊嚴最上妙香,各各持至最勝園中,用塗王身而為供養。時曼達多王久受天宮上妙快樂,不能堪任人中資具,譬若酥油置熱砂上,身肢疲頓,略無暫安。時城中王乃問之曰:『天為是誰,而墮於此?』彼即告言:『汝昔曾聞有轉輪王名曼達多?』王及人民咸皆答曰:『曾聞有王名曼達多,有大威德,統四天下,不離人趣,與四兵眾,而能上陞三十三天。』時退墮天即告之曰:『昔曼達多王者,我身是也,由無厭故而至于此。誰於福報而止足耶?』

「時城中王及諸臣民,以偈問曰:

「『我聞耆舊說, 昔有轉輪王,

名曰曼達多, 具廣大威勢。

與四兵眷屬, 陞三十三天,

教化諸天人, 為說於正法。

彼曼達多王, 捨天樂受苦,

無常力所加, 由心無足故。』

人民皆合掌, 頂禮大王足:

『王遺何善言, 未來我當說?』

時曼達多王, 乃語眾人曰:

『我由著樂故,從天而墮落。

有大威德力, 統領四天下,

受欲樂無足, 從天而墮落。

昔於自宮內, 七日雨珍寶,

受欲樂無足, 從天而墮落。

彼帝釋天主, 分半座同治, 惡覺所惱亂, 從天而退墮。 於欲樂無厭, 不信受佛語, 破壞自福業, 流轉輪迴海。 世有大智者, 能離欲癡暗, 亦能教他人, 止足善觀察。 若住正思惟, 隨順諸善法, 破壞輪迴行, 及牛老死厄。 觀觸如熾火, 觀受亦復然, 如是善了知, 則於貪不起。 愚人著境界, 如閏音樂聲, 了根境本空, 知法離自性。 六處不寂靜, 唯遍計分別, 若了色等空, 則不牛貪著。 厭怖輪迴苦, 智者善防護, 慧眼常照明, 得離諸過患。』」

佛言:「大王!爾時曼達多王豈異人乎?勿作異觀,我身是也。由 特威德福力自在,貪無厭故,而取終歿。是故,大王!應捨豪富憍 慢自在,安住淨心莫生放逸。若離放逸利益自他,生諸善根住平等 理,則能證入真如法性。大王!當知若有為界、若無為界二種平 等,非有男相亦非女相,亦非過去現在未來,當於此法安住自心, 決定正觀,勿隨他教。

「大王!往昔有王名曰昵彌,出現世間正法治化,心常寂靜不生放逸,於彼彼處離放逸行,怖彼罪惡故不復作。大王!彼昵彌王志意堅固,常住觀察三世平等,觀彼過去一切諸法,住平等理、本離自性,現在未來一切諸法離於自性,亦復如是。大王!彼昵彌王觀三世法平等平等,不生取著。復觀世間一切眾生,為四顛倒之所惑著,於不淨中而作淨想,於逼迫中而生樂想,於無常中而起常想,於無我中而為我想。時昵彌王即作是念:『世間愚夫深可悲愍,一切諸法自性空寂,癡妄所覆而不覺知,當設方便以四攝事,化諸有情令生信順。』即語彼言:『汝當了知,一切諸法本離自性,若法離自性者,當知彼法即非過去現在未來。何以故?以一切法自性空故。若法自性空者,則不可分別說為過去現在未來。』

「大王!彼昵彌王顯示三世平等法已,是時眾會百千俱胝那由他眾生,聞法悟解得無生法忍。爾時三十三天諸天子等,集妙法堂,共相議論,天眼遙見閻浮提中,有昵彌王十善治化,一切人民獲得法利,善巧方便饒益眾生。是時帝釋天主在於餘處,以淨天耳聞如上說。時彼天主來會中坐,問諸天子:『向說何事?』彼即對曰:

『閻浮提人快得法利,有昵彌王深達諸法,善巧方便攝化眾生,住 顛倒者令離顛倒,前所論者乃此事耳。』時彼天主謂天子曰:『此 昵彌王宿植德本,具足成就威神之力。汝欲見彼昵彌王不?』諸天 咸曰:『我等願見。』

「是時帝釋即勅御者名摩多黎:『汝當嚴飾千輻寶車,并諸營從, 詣閻浮提昵彌王所,作如是說:「大王!此是帝釋千輻寶車遣來迎 王,唯願乘此,勿生怖也。彼諸天子願覩聖王。」』御者白言: 『王今陞天,有二道往,為從顛倒眾生道去?從不顛倒眾生道 去?』王即報言:『汝可將我,於彼二道中間而去。』時彼御者摩 多黎言,隨王教勅中道而進。王復告曰:『汝可停車,暫憩少時; 我當觀彼顛倒眾生所住之處。』時呢彌王以慈願力,於須臾頃,令 無量眾生各各獲得寂靜神通遊戲三摩地及無生法忍。彼昵彌王於此 少時,能成大利。所以者何?由彼積習不放逸行,善巧方便利樂眾 牛。

「時摩多黎漸次前進,復將王至須彌山頂。王初遙見林木青茂,謂 御者曰:『此中定是不顛倒眾生所住之處。』御者答曰:『此林乃 是三十三天,彼諸天子於妙法堂,一心瞻仰欲見大王,願勿疑怖, 當陞此堂。』時昵彌王容儀和悅,身心不動,帝釋遙見,即起奉 迎:『善來!大王!遠屈威神,無至疲極。』乃分半座而奉彼王, 共相慰問,王乃就坐:『善哉!大王!快得善利,能令佛法熾然增 長。』帝釋乃謂諸天子言:『此昵彌王久植善根,成就不可思議功 德。善巧方便於少時間,教化八十俱胝有情離顛倒地安住佛法,彼 摩多黎都不覺知。』

「時呢彌王為諸天子廣說法要,白天主言:『我今當還於閻浮提。 所以者何?為欲護持佛正法故。』天主乃曰:『願王隨意。』」 佛言:「大王!往昔呢彌王者,我身是也。不放逸力不可思議。帝 釋分座,尚無貪著。是故當知於佛法中勤加精進,住不放逸。大 王!何謂佛法?一切諸法皆是佛法。」

時淨飯王聞是說已,白言:「世尊!若一切法皆佛法者,一切眾生 皆應是佛。」

佛言:「大王!眾生不住顛倒見者,即是佛也!大王!所言佛者,或名真如,或名實際,或名法界,但依俗諦推求詮表,非勝義諦作是說也。大王!一切諸法本無生滅,此名阿字陀羅尼門:無自性,無造作,無相貌,無因緣,無去來,無眾生,無壽者,無養者,無補特伽羅,無戲論,無形狀,無邊際,無染污,無餘習,無使者,無斷者,無縛無解,無進無退,無勝無劣,無散亂無妄失,無知無不知,非見非無見,非戒非無戒,非悔非離悔,非喜非無喜,非愛非無愛,非安非無安,非定非無定,非靜非無靜,非貪非離貪,非

脫非離脫,非智非無智,非作非無作,非報非無報。大王!若能入 解此阿字門,則能入解一切諸法。

「大王!色離自性,非已有、非現有、非當有,受、想、行、識離彼自性,三世不有,亦復如是。大王!譬如谷響非已有、非現有、非當有;色乃至識,三世不有,亦復如是。大王!譬如陽焰非已有、非現有、非當有;色乃至識,三世不有,亦復如是。大王!譬如石女夢已生子,非已有、非現有、非當有;色乃至識,三世不有,亦復如是。大王!譬如石女夢已生子,非已有、非現有、非當有;色乃至識,三世不有,亦復如是。大王!虚空無依,色乃至識亦無所依、大王!色無有生,乃至識亦無生。大王!色無有域。大王!法界無生滅,色乃至識亦無生滅。大王!法界無生滅,色乃至識亦無生滅。大王!法界無生滅,色乃至識亦無生滅。大王!此法乃是如來所行,不可思議微於境界,非取非捨,非得非失,非諸聲聞及辟支佛、凡夫異生之所能及。何以故?大王!一切諸法本無自性,若取若捨皆不可得。王於此法好自安意,正念觀察,勿隨他教。」時淨飯王聞是說已,明了通達,乃知無有少法可得不可得,時此說名佛說是法。時淨飯王與七萬釋種,各各獲得無生法忍。爾時世尊知淨飯王每世法已,深心決定,即於口中放種種光,遍昭

爾時世尊知淨飯王悟此法已,深心決定,即於口中放種種光,遍照無量無邊世界超過梵世,復從如來頂門而入。時尊者馬勝從座而起,偏袒右肩,右膝著地,合掌作禮,以偈問佛:

「勇猛大聖尊, 現此希有事, 普放淨光明, 遍照於梵世。 一切智導師, 何故現斯瑞? 除我等疑惑。 願說其因由, 如來成道已, **唐饒益眾生**, 為度釋種故, 今人天歡喜。 覺悟諸佛子, 如來放光明, 如法而修行, 當得無上智。 佛為三界主, 最勝無與比, 能破諸群疑, 清淨心安隱。 」

爾時世尊為馬勝比丘說伽陀曰:

「馬勝當諦聽, 今放淨光明, 為利樂釋種, 令見真實智。 彼等善了達, 諸法不可得, 於我正法中, 寂靜心安住。

釋種大名稱, 了法無所依, 得離彼疑心, 未來當作佛。 從此最後身, 得牛極樂國, 於蓮華化生, 奉觀無量壽。 安住彼佛剎, 精強無視轉, 游仆於十方, 承事俱胝佛。 於一一世界, 興種種供養, 為利諸有情, 勤求無上道。 經——佛剎, 建立諸佛事, 如來所加持, 勇悍心堅固。 於無量億劫, 嚴持妙香花, 奉獻諸世尊, 後當成下覺。 於彼彼佛所, 盲揚助法化, 成熟諸有情, 皆得心明悟。 又彼諸佛十, 無緣覺聲閏, 唯有住大乘, 清淨菩薩眾。 一佛壽量, 無量俱胝歲, 說仆利眾生, 緣盡如燈滅。 彼佛滅度已, 住持諸佛子, 安住於世間, 善盲空寂法。 如是弟子眾, 攝化諸眾生, 調伏於自心, 於空法得證。 觀法自性空, 住不放逸行, 當成一切智。 如理善修作, 聞法悉開悟, 此諸釋種等, 諸天及世人, 心生大欣慶。」

爾時世尊,語尊者舍利子:「我今說此見真實性妙三摩地,若諸菩薩聞是法已,速能覺悟到於彼岸。何以故?此三摩地,明一切法自性非有無,補特伽羅無少法可得。若有所得,彼非覺悟;若無覺悟,彼則無說;若無說者,則無了知;若無了知,則是三世諸佛之法。舍利子!我今以此見真實性三摩地門,付囑於汝,汝等應當受持讀誦廣為他說。舍利子!若善男子、善女人安住大乘,於十劫中行五波羅蜜,除般若波羅蜜。若人於此見真實性三摩地門,親近聽受,所得功德復過於彼。又,舍利子!若復有人於十劫中聞是法已,乃至能為一人解說,所得功德復過於彼。又,舍利子!若復有人於十劫中聞是法已,為他人說,不如有人於剎那頃修習觀察,所得功德復過於彼。舍利子!汝當一心為諸菩薩分別開示,使不斷

絕。何以故?若能證此三摩地者,速能證得無生法忍,當得阿耨多 羅三藐三菩提。」

說是法時,尊者舍利子等諸比丘,淨飯王等,釋梵諸天,阿修羅、 乾闥婆、人非人等,聞佛所說,皆大歡喜,信受奉行。 父子合集經卷第二十

CBETA 贊助資訊

(https://www.cbeta.org/donation/index.php)

自 2001 年 2 月 1 日起, CBETA 帳務由「財團法人西蓮教育基金會」承辦,並成立「財團法人西蓮教育基金會」- CBETA 專戶, 所有捐款至 CBETA 專戶皆為專款專用,歡迎各界捐款贊助。

您的捐款本協會皆會開立收據,此收據可在年度中申報個人或企業的綜合所得稅減免。 感恩諸位大德的善心善行,以及您為佛典電子 化所做的一切貢獻。

信用卡線上捐款

本線上捐款與聯合信用卡中心合作,資料傳送採用 SSL (Secure Socket Layer) 傳輸加密,讓您能夠安全安心地進行線上捐款動作。

前往捐款

信用卡 (單次 / 定期定額) 捐款

本授權書可提供單次捐款或定期定額捐款之用途。

請於下載並填妥捐款授權書後,請傳真至 02-2383-0649,並請來 電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 授權書 (MS Word 格式)

劃撥捐款

郵政劃撥帳號:19538811

戶名: 財團法人西蓮教育基金會

欲指定特殊用途者,請特別註明,我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務,提供網友能在線上使用信用卡或 PayPal 帳戶贊助 CBETA。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜,由於付款幣別為美元,我們除了會依您所贊助之美元金額開立收據外,另我們會依捐款當日公告匯率開立台幣收據,此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

<u>線上信用卡 / PayPal 贊助</u>

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex-cheques, remittance, etc.,) please entitle to "The Seeland Education Foundation".